



UNIVERSITÄTS-
BIBLIOTHEK
PADERBORN

Universitätsbibliothek Paderborn

Enarrationes Vocvm Priscarvm In Libris De Re Rvstica

Georgius <Merula>

Lvgdvni, 1549

Enarrationes Philippi Beroaldi in XIII. Columellae libros, serie literaria digestae, sequuntur.

urn:nbn:de:hbz:466:1-12996

ENARRATIONES

PHILIPPI BEROALDI

in xiiii. Columellæ libros, serie li-

teraria digestæ, se-

quuntur.

A



BLAQVE ARE incipito) ablaquea
re circuſodere est: Itali excodicare appell
ant, ut docet Palladius, id est, circa uitis co
dicem dolabra terram diligenter aperire,
et purgatis omnibus uelut lacus efficere,
ut solis temporibus, et imbris prouocentur. Itaq; à lacubus
deductum uerbum est ablaqueare: hinc ablaqueatio: hinc
ablaqueatæ uites, uineæq; dicuntur. lib. de arb. cap. 5. Col.

Achrades) ut Græcē dicunt, ἀχράς εἶδος ἐξιπτήσις, id
est, achras species est pyri, cuius meminit Aristophanes.
Olim Trasibulus (quod annotatu dignum est) cum deberet
contradicere Lacedæmonijs legatis, munieribus corruptus
simulauit se comedisse achradas, hoc est, pyra sylvestria, et
ob id loqui non posse. lib. 7. cap. 9.

Acorem) Acidum saporem. Lex uino uendendo est, ne
aceat, ne muceat apud Catonem.

Acus) Purgamenta frugum acus uocantur, ex quo gene
re est et apluda. Plinius: Milij, et panici, et sisamæ, aplu
dam uocant purgamenta. Gellius tamen apludam interpre
tatur esse frumenti furfurem, furfureumq; panem. M. Var
ro præcipit gallinæ parturienti in cubilibus acus esse sub
sternendum. lib. 3. cap. 9.

Adminiculato) Adminiculis fulcito, adiuuatoq; qua
lia sunt pedamenta, et arbores ad uitem adminiculandam
fulcien

ANNOT. IN COLVM.

fulciendamq;. M. Tullius usus est in studijs literarum Tironne adminiculatore, hoc est adiutore, auxiliatoreq;. Columel. lib. 4. cap. 26.

Admissarijs) Admissarij dicuntur mariti equarum, qui admittuntur ad coitum: unde et admissura dicta. admissarium periphrasi poetica decenter expressit Vergilius, scribens: Quem legere ducem, et pecori dixere maritum. Columel. lib. 6. cap. 28.

Aestuofisimū) Aestuosa dicuntur animalia, quae calore, et aestu infestantur, sicut alsiosa quae frigore uexantur. lib. 7. cap. 10. Col.

Affatim) Large, abundant, copiosè, media correpta pronuntiandum. Iungitur frequenter, et eleganter cum genitio, ut affatim lignorum est, affatim nummorum, affatim hominum. lib. 6. cap. 3. Col.

Africus) nomen est uenti, qui Græcè λίθος, aduersus aquilonem flat. De quo Plinius, Gellius, Seneca, et ceteri. De quo ait et poëta, creberq; procellis Africus. lib. 11. cap. 2. Columel.

Allectores) Id est, conciliatores, consolatoresq;, qui alliant, oblectentq; captiuos turdos, mitigenq; mœstitiam captiuitatis. lib. 8. cap. 10. Col.

Allecula) Nomen est pisciculi, quem riualem uocat, quia in riuis nascitur: infrà ait, Præberi conuenit tabentes alleculas: nam id genus pisces qui sunt incrementi minutis, maiores alunt. lib. 8. cap. 13.

Allucinantem) Somniculosum, stupentem, incuriosum. Allucinari est errare, allucinatio, erratio. Cloatius docet lucum dici tarditatem quandam animi, et stuporem qui allucinantibus plerunq; usu uenit. M. Cic. inquit, Epicurum in rebus naturalibus allucinari. lib. 7. cap. 3.

PHILIP. BEROALDI ANNOT.

Amariton) legendum amethyston. Nam inerticula uua cum à nostris ita nominetur, quia temulentiam sola non facit, merito à Græcis appellatur amethystos, hoc est, sine ebrietate. Plinius eleganter inquit, quod nostri iustius hanc uiam sobriam appellassent, quam inerticulam dicunt. libro 3. cap. 2.

Amineæ) Nomen est uuarum generofarū. Quas grammatici tradunt amineas dici, quasi sine minio, id est, rubore, tanquam album sit id uinum. Macrobius uero censet ab Aminea regione nominari: fuerunt enim Aminei populi ubi nunc Falernum est. Pronuntianda autem dictio hæc est, penultima correpta, quod satis liquet ex illo Ausonij uersiculo, Solus qui Chium miscet, & Amineum. Illud Vergiliatum ex secundo Georgicon (Sunt & Amineæ uites) ita lendum est, ne uersus claudicet, Sunt etiam Amineæ uites, ut prima syllaba producatur, penultima corripiatur. lib. 3. cap. 2.

Amphibion) Animalia, quibus uictus est in aqua, & terra, uocabulo Græco appellantur amphibia, de quibus M. Varro sic scribit: Transi nunc in id genus quod non est uilla ulla ac terra contentum, sed requirit piscinas, quod uos philogræci uocatis amphibion. lib. 8. cap. 13.

Apianæ) Plinius: Apianis uuis apes debere cognomen præcipue carum audire. lib. 3. cap. 2.

Anguinei cucumeris) Cucumerem anguineum multi esse arbitrantur cucumerem sylvestrem, qui erraticus uocatur, ex quo fit medicamentum, quod elaterium appellant, succo expresso ex semine, nec ullum ex medicamentis longiore aeuo durat: annis ducentis seruatum esse auctor est Theophrastus. lib. 8. cap. 10.

Ansatum) habens ansas quibus continetur, non minus elegans

IN COLV MELL A M.

eleganter, quam festiuiter Plautus appellat hominem ansatum, qui brachijs in speciem ansarum deformatis gloriosus inambulat.lib.9.cap.15.

περὶ ἀντίπαθῶν) Opinor legendum esse, ἀντίπαθῶν, hoc est, de repugnantibus, discordantibus dissidio quodā natūrali, ac potentia. Plinius ex hac (ut coniectare licet) doctrina Democritica prodidit cuncta constare ex sympathia atq; antipathia, hoc est, ex concordia rerum atq; discordia. Nam ignes aquæ restinguunt: aquam sol deuorat: luna parit. ferrum ad se trahit Magnes, Adamas dissidet cum Magnete instantum, ut iuxta positus ferrum non patiatur abstrahiz: aut si admotus magnes apprenderit, rapiat atque auferat: at ipsum Adamanta rumpit sanguis hircinus recens, & calidus. Igitur Democritus per hanc antipathiam scripsit fœminam menstrualem repugnare erucis uermiculis ut decidant emoriantur; repente omnes: si ea solutis crinibus & nudo pede ter circumeat areolam, in qua eruce olera infestant: super qua re Palladius sic refert, Aliqui fœminam menstruantem nusquam cinctam solutis capillis nudis pedibus contra erucas, & cætera infestantia hortum faciunt ciruire.lib.11.cap.3.

Apyrinum facit) Malum punicum appellant apyrinon, cui lignosus nucleus abest, autor Plinius. Verum Seneca tradit apyrina dici, non quibus nulla sit duritia, sed quibus minima. De apyrinis ait Epigrammatarius: Non tibi de Libycis tuberes, & apyrina ramis, De Nomentanis sed damus arboribus.lib.de arb.cap.23.

Apo hecas) Corrigendus est obiter publicus error male literatorum, apothecas dici tabernas officinas ue existimantium: sed qui pure, & munditer loquuntur, apothecarum nomine significant quasdam quasi cellas uinarias,

dd 2 & ea

PHILIP. BEROALDI ANNOT.

Et ea propriè repositoria, quibus uina fumo uetustescunt:
Hinc illud Plinianum, apothecas fuisse, et diffundi uina so-
lita anno D.C. X X X I I. Vrbis apparet, indubitato Opi-
miani uini argumento. Item uinum si sit fumo inueteratum
insaluberrimum est. Mangones ista in apothecis excogit-
uere. Infrà præcepit Col. apothecas his locis esse superpo-
nendas, unde plerunq; fumus exoritur, cum uina celerius uc-
tustescunt: quæ fumo quodam genere præcoquem maturita-
tem trahunt: id fumarium uocant. Vitruvius quoq; meminit
apothecarum, ostendens eas faciendas magis esse ad fructus
seruādos, quam ad elegātiæ decorem. Ulpianus elegāter in-
quit, et sciēter, uina etiā quæ in apothecis sunt, nō cedēt. Iul.
Pollux in v. onomastico docet ἀποθήκας δίνει, id est, apo-
thecas uini dici uocabulis Græ. δινῶναις ή πυθῶναις. li. i. c. 6.

Appellando) Significanter et propriè locutus est. Nam
appellare dicitur creditor debitore, quando ab eo reposcit
quod debetur. Quintil. Pauper eras, et à creditoribus appel-
labaris. Item, Non debui tibi pecuniam, nunquam me appell-
asti. M. Tul. in oratione pro Quintio: Eum tum impuden-
ter appellare nolebas. Ne multis agam, sic loquuntur qui
pure, munditer Latine loquuntur. lib. i. cap. 7.

Arborideum) Arborideus ramus dicitur, qui alitur ut
arborescat, hoc est, ut arbor fiat, et arborea magnitudine
adolescat. lib. 5. cap. 4.

Arbustus) Legendum arbutus, nomen est arboris fraga-
gignentis, alio nomine unedonem appellant ax argumento
unum tantum pomum eius edendi: duobus hoc nominibus
appellant Græci comaron et memecylon. Iuba autor est
quinquagenum cubitorum altitudine in Arabia esse arbu-
tos. lib. 7. cap. 6.

Arbustum) Veteres rei rusticæ scriptores arbustum pe-
culia

IN COLV MELL A M.

culiariter appellant arbores uitibus maritatas: unde & arbustium uinum dictum, quod in arbusto progignitur. Pliniandum uerbum est arbustare agros, quod significat arbustum in agris facere, & arbores idoneas uitibus maritare, quo teste iudicatur nobilia uina in arbustis gigni, & laudatoria in summis, uberiora in imis. Vites enim maxime gaudent arboribus, quia naturaliter in sublime procedunt. Sicut territorium nostrum penè totum arbustis consitum mira pulchritudine, nec minori uuarum largitate spectatur. lib. de arb. cap. 1. Hinc arbustua uitis, quæ scilicet in arbusto ponitur, arborig; copulatur. lib. 13. cap. 16.

Arcturus) Sidus est quod autore Plauto uehemēs est cum oritur, cum occidit uehementius, de quo poëta: Sub ipsum Arcturum tenui sat erit suspendere sulco. Autumat Plinius arcturum occidere tertio Idus Augusti, quo fere tempore initium est autumni. lib. 9. cap. 14.

Arcuato) Laboranti icterico morbo. Arquatum morbum ueteres dixerunt, qui alio nomine regius vocatur, eò quod ar quis cœlestis ei concolor sit de uirore, Græci ἡλιέρης vocant, & uulgo ictericam. Icterici homines sunt aureoli coloris, & lutei, unde & auriginem appellant. Cornelius Celsus: Acquè notus est morbus quem interdum arquatum, interdum regium nominant, quem Hippocra. ait, si post v. i. diem febricitante ægro superuenit, tutum esse mollibus tantum modo præcordijs substantibus. Diocles ex toto, si post febrem oritur, etiam prodesse: si post hunc febris, occidere. Color autem eum morbum detegit, maximè oculorum, in quibus quod album esse debet fit luteum. Cur autem regius morbus dicatur, docet Quintus Serenus scribens: Regius à uero signatus nomine morbus, Molliter hic quoniam celsa curatur in aula. Consimiliter Celsus tradit utendum esse in

dd 3 hoc

PHILIP. BEROALDI ANNOT.

hoc morbo frigidis natationibus: lecto etiam & conclau-
cultiore, clauso loco, ludis, lasciuia: per quae mens exhilare-
tur, ob quae regius, inquit, morbus dictus uidetur. Plinius me-
morat icteron auem uocari a colore: quae si spectetur, sanari
id malum, & auem mori. Est & gemma nomine icterias lu-
cido colori similis, ideoque existimata salubris contra regios
morbos. lib. 7. cap. 5.

Argitis) De hac ait poeta, Argitisque minor cui non certa-
uerit ulla, Aut tantum fluere, aut totidem durare per annos.
Videtur argitis nuncupari a candore, & γριος enim albus di-
citur. lib. 3. cap. 2.

Arundo castratur) Plinius: Reficitur ex se se uetera arun-
dineto extirpato, quod utilius repertum quam castrare,
sicut antea. Inspice quid sit castrare animal, & id transfe-
rito ad arundinem & plantas. lib. 4. cap. 32.

Aphaltung) Graece ασφαλτος dicitur bitumen, unde
aphaltites lacus dictus, quasi bituminalis. lib. 6. cap. 16.

In assem) In totum, & in totam summam: nomine enim
assis totum significatur, sicut & hereditas plena, & solida
nomine assis continetur apud iuriscon. & oratores. Sidonius
Apollinaris frequens est in hac locutione, ut dicat ex asse
turbatus: id est, ex toto penitusque turbatus. Item neminem
ipsorum nos docet ex asse damnabilem pronuntiare dum ui-
uit. Item asse uegetus: id est, totus uegetus. lib. 3. cap. 3.

Atinia) Plinius de ulmo scribens sic refert: Graeci duo
eius genera nouere. Montosam, quae sit amplior. Campe-
strem, quae fruticosa. Italia atinias uocat excelsissimas, &
ex his Sicanas illis praefert, quae non riguæ. Alterum genus
Gallicas. Tertium nostrates densiore folio, & ab eodem pe-
diculo numerosiore, & quartum sylvestre, inter quae atiniae
non ferunt samaram. Ita uocatur ulmi semen, omnesque
radic

IN COLVMELLAM.

radicum plantis proueniunt, reliquæ semine. Hactenus Plinius: qui semen ulmi uocat samaram; quæ amera uocatur à Columella. proinde aut hic, aut illic dictio corrigenda, ne sit disidium inter duos scriptores, quorum alter ex altero non pauca exscribit. lib. 5. cap. 34.

Atriensibus) Atrienses erant serui honoratores in magnis domibus, qualis est apud Plautum in Asinaria Atrien sis Saurea. M. Tullius in paradoxis: Atq; in magna familia stultorum sunt alij lauiores, ut sibi uidentur, serui, sed tam serui atrienses. lib. 12. cap. 3.

Mel Atticum) Antiqui mel hyblæum quod est Siculum, et hymeticum quod est Atticum, præconio bonitatis extollunt. Galenus in medicamentis maxime probat mel Atticum tanquam preciosissimum. lib. 12. cap. 38.

Auiaria) Auium receptacula, et gallinaria. Auiarius dicitur pastor auium et custos, quem uulgo gallinarium uocant. Vergilius auiaria ponit pro ncmoribus, quæ ab auibus frequentantur: sic enim inquit in Georgicis, inculta rubent auiaria baccis. lib. 8. cap. 2.

Auitus color) Ab auo auitus dictus. Nam in mulis pro- generandis non solum color patris, sed etiam aui est spe- catus. lib. 6. cap. 36.

B

Decem bambatae) Legobambatas, uel bambatas, hoc est, scyllas decem liquefactas, redactasq; ad intinctum, uel falsuram, quod Græca uoce dicitur βάμμα. lib. 12. cap. 24.

Bidentibus) ferramentis rusticis. Satyrographus, viue bi dentis amans, et culti ullicus horti. lib. 4. cap. 5.

Bigemmis) Duarum gemmarum, sicut trigeminis trium gemmarum, id est, oculorum, sic enim in arboribus, et uitibus nominantur: unde et gēmare, et gēmascere dictæ sunt:

dd 4 lib.



PHILIP. BEROALDI ANNOT.

lib.5.cap.5.

Bipalio) Genus est rustici ferramenti ad fodiendum ac-
commodati, cuius crebra mentio est apud scriptores rerum
rusticarum.lib.3.cap.13.

Branchiam) Piscium alij branchias multiplices habent,
alij simplices, alij duplices, his aquam acceptam ore remit-
tunt; super qua re sic scribit Ambrosius in Hexame. Pisces
branchias habent, quas nunc plicat, & colligunt, nunc ex-
plicant, atq; aperiunt: in hac ergo collectione, & apertio-
ne dum suscipitur aqua & transmittitur, ac penetrat, respi-
rationis munus uidentur implere.lib.8.cap.17.

Brisia) Videtur brisa ponit pro uinaceis. Nam Plinius
hoc idem memorans de passo confiendo sic insit: Quidam
ex quacunq; uua dulci dum percocta illa faciunt siccantes
sole, donec paulò amplius dimidium pōdus supersit, tusaq;
leuiter uinas exprimunt, deinde quantum expressere adij-
ciunt uinaceis aquae puteanæ, ut & secundarium passum fa-
ciant: diligentiores eodem modo siccatis acinos eximunt,
ac sine sarmentis madefactos uino excellenti, donec intume-
scant exprimunt: & hoc genus ante cætera laudant. Dispi-
ce an ex hac brisa deduci commode possit Briseus, propter
illud Persianum: Est nunc brissei quem uenosus liber Acci.
Quo in loco interpretes multi multa communisunt, pau-
ci pauca bene. Nihil decerno ut dogmatistes, sed opinor ut
opinator. Scio apud Macrobius cognominari Baccū bris-
sea. Quidam autem Brissam uiam tunc dici, cum pedi-
bus calcatur ad uinum exprimentem.lib.12.cap.39.

Picis brutiæ) Plinius: Pix in Italia ad uasa uino condendo
maxime probatur Brutia.lib.12.cap.23.

Buculos) Nouellos boues, & tyrunculos Græci βέ-
κολοφ uocant bubulcum, & βεκόλιοφ armentum boum.

lib.

IN COLV MELL A M.

lib.6.cap.2.

Bulbos radicis) Cor. Celsus in bulbis numerat allium, & cepam: Plinius discriminat docens quo modo serendi sint. Megaricos bulbos laudat Cat. A' poëtis optimo epitheto salaces nominantur: quoniam stimulant uenerem. Verum de hisce bulbis nihil ad rem præsentem: sunt præterea bulbi in radicibus arundinum, liliorum, aliarumq; plantarum similitudine dicti. Hinc Plin. scribit radicem lilij unam sæpe bulbos quinquagenos emittere. Item scribens de asphodelo herba sic refert: Radix eius napis modicis similis est, neq; alia numerosior octoginta simul aceruatis sæpe bulbis: & mox radicem: id est, bulbos interpretatur. Idem Plinius scribens & ipse de arundine, enarrat quid sit apud Colu. bulbis in radice arundinis. Plin. ucrba sunt hæc: Seritur arundo bulbo radicis, quam alij oculum appellant, dodrantali scrobe. ab eodem Plin. bulbosæ, & bulbaceæ radices appellantur, in quibus bulbi tales conspiciuntur, quales in radicibus arundinum. lib.4. cap.32.

C

Caducam oliuam) Est oliua strictiuia, quæ manu legitur. Est caduca, quæ cadit, & pertica siue arundine decutitur, laudabilior est quæ manu stricta colligitur. libro 12.

cap.49.

Cepina) id est, cæpa, satioq; cæparum, eo inclinamento cepina dicta, quo rapina pro satione raparū. lib. 11. cap. 3.

Cæsale) Vocabulum id infrequens apud scriptores: significatq; locum ubi purgamus uentrem. M. Var. decenter nominauit sellam familiarem. lib. 2. cap. 15.

Calami pondo) Consimiliter Cato inquit, schoenum & calatum in pila contundito. Calatum intelligit odoratum, qui nascitur in Arabia. Calamo odorato pretium

dd 5 in libras

PHILIP. BEROALDI ANNOT.

in libras unius assis. Plinius in compositione unguentorum
commiscet calatum. Plautus in Persa: Bene ut in struthieis
concaleat, calatum injice. lib. 12. cap. 21.

Calculo) Ratiocinio. Itidem Iuuinalis: Ponatur calculus,
adspicit cum tabula pueri. Inde calculator dictus ratiocina-
tor. Infrà quoque ait: hic calculus quem posuimus. libro
3. cap. 3.

Calda) Caldum ueteres dicebant, nos calidum, quod &
Quintilianus annotauit. Martial. Iam defecisset portantes
calda ministros. Caldor pro calore ponitur. lib. 6. cap. 29.

Castaneta caluescunt) Ex caluitio hominis cognosces
quomodo castaneæ uineæ &c; caluescant. Nam sicut in capite
hominis calui uel nullus uel rarus est capillus, ita castaneti
caluescere dicuntur, quando rare sunt arbores castaneæ-
rum, & sine stirpibus sine fructibus loca nudata cōspiciun-
tur. Hæc inter se opponuntur, caluata, & frequentia, ut pro
raro & infrequenti caluum accipias. lib. 4. cap. 33.

Quis custos incorruptior?) Garamantum regem canes
ducenti ab exilio reduxere, præliantes contra resistentes.
Propter bella Colophonij, Castabalesq; cohortes canū
habuere, & primæ dimicabant in acie, nunquam detrectan-
tes: hæc erant fidelissima auxilia, nec stipendiōrum indiga-
Pugnasse aduersus latrones canem pro domino accepimus.
Fidelissimi, ut inquit Plinius, ante omnia homini sunt canes
& equi. lib. 7. cap. 12.

Canterio) Genius est simplicis iugi, siue iugatæ uineæ
perrecto ordine quem cæterium appellant, meliorq; ea ui-
no est, quando sibi ipsa non obumbrat, assiduoq; sole coqui-
tur, & afflatum magis sentit, & celerius rorem demittit,
pampinationi quoque omni facilior, super cætera deflo-
rescit, utilius fit id iugum pertica aut arūdinea, aut funiculo.
lib.

IN COLV MELL A M.

lib.4.cap.18.Hinc Canteriatæ uites.lib.5.cap.3.

Canteriolis) Sicut in ædificio sunt canterij, et per diminutionem canterioli, quibus contignationes et tabulata fulciuntur, ita per translationem ait canteriolas, hoc est, admicula adhibere oportere capitibus cæparum. Infrà quoque ait, arundinibus humiles canterij fiunt. Est et in uinea canterius, de quo dictum est suo loco.lib.11.cap.5.

Capulis suis) Quid si legas capillis. Nam sunt in uitibus capillamenta quædam capillos imitantia. Inferius ait Columella: Is ex quolibet et minimo capillamento fieri potest. Est et capreolus coliculus intortus ut cincinnus siue capillus qui ad capiendum se erigit, ex quo à capiendo capreolus dictus.lib.4.cap.25.

Capitatas uincas) Quæ crescunt in caput et robur crastitudinis accipiunt in stirpe, dicuntur capitatae. Quæ uero brachiorum et ramorum incrementis adolescent, brachiate nuncupantur.lib.5.cap.3.

Carex) Nomen herbæ aculeatæ noxiæ est, unde carectū dicimus locum carice resertum. Vergilius, Tu post carecta latebas.lib.11.cap.2.

Cariosa) Putrida, exesa, situ senioq; corrupta. Caries putridago est ex uetustate. Cariosi dentes dicuntur putridi foraminatiq; lib.4.cap.26.

Catulorū caudas) Plinius mentionem faciens huiusc rei et loci sic resert: Columella autor est, si quadragesimo die, quando sit natus, castretur morsu cauda, summusq; eius articulus auferatur, sequenti neruo exempto, nec caudæ cresce-re, nec canes rabidos fieri.lib.6.cap.12.

Catulo feceris) Catulum sacrificaueris. Tradit Plin. catulos lactentes adeo pueros habitos esse apud priscos, ut placandis numinibus hostiarum nice catulus uiterentur. Genito mane.

PHILIP. BEROALDI ANNOT.

to mane catulo res diuina fit. In canario sacrificio rutilæ canes immolabantur pro frugibus, ut ita deprecarentur propulsarentq; saevitiam sideris caniculæ. lib. 2. cap. 22.

Forantur cauis) Foraminibus, nomen est substantiuum. Horatius: Me sylua cauisq; Tutus ab insidijs tenui solabitur eruo. lib. 8. cap. 3.

Cecilia) nomen est serpentis. Quidam apud Plinium mendose legunt cæcas serpentes, cum legendum sit cecilias. lib. 6. cap. 16.

Ageratori) Vtinam tam facile ueras dictiones possem inuenire, quam facile falsas, adulterinasq; cognosco, qualis est hæc explosa procul à latinitate, futile, cassa, nihil dictio, obelo fodienda. Cuius in locum substituo laserato, ut sit sensus medicamento ex lasere, et laserpitio, de quo affatim suo loco dictum est. Vel potius corrige cerato: quod et magis quadrat: et tali medicinæ est accommodatius. Nam ceratum liquidum, ait, immittendum esse intra locos capræ genitales. A' cera, ceratum dictum, quod uulgò cerotum nuncupant. Plinius: Non fecit, inquit, cerata, malagmata, emplastra, collyria, antidota, parens illa, ac diuina rerum artifex officinarum, imo uerius auaritiæ commenta sunt. lib. 7. cap. 7.

Cedrino liquore) Liquor picis, qui aquæ modo fluit, ex teda dum coquitur, cedrinum uocatur, cui tanta uis est, ut in Aegypto corpora hominum defunctorum eo perfusa seruentur. Est etiam oleum cedri, quo peruncta materies, nec tineam, nec cariem sentit. Hinc illud Epigrammatarij: Cedro nunc licet, ambules perunctus. Cedriam quoque accepimus appellari humorem manantem ex ambusta picea. lib. 7. cap. 12.

A' cellarijs) Cellarij dicuntur, qui ex cella promptuaria,

IN COLV MELL A M.

ria, siue ex cellario promunt necessaria familiæ, uocabulo
Plautino promus & condus nominantur.lib. II. cap. I.

Censorium opus) Censores sunt castigatores morum, &
rectores. Hinc ait Marcus Tullius in libris legum: Cen-
sores mores populi regunto. Censura est regula morum ca-
stigatrix, quam idem Marcus Tullius magistrum pudoris,
& modestiæ appellat in oratione contra Pisonem. Opus
ergo censorium significat castigatio uitiorum, & morum
regula. Nam, ut inquit Liuius, penes censuram erat regi-
men morum disciplinæ Romanæ. Præterea uectigalia P. R.
erant sub nutu, atque arbitrio censorum: inde supercilium
censorium ponitur pro grauitate austерitateq; castigatoria.
lib. 2. in præfatione.

Cepheus inter sydera) Cepheus est, quem Aethiopum
regem fuisse tradunt, Andromedæ patrem, quæ ceto pro-
posita à Perseo liberata est, qui omnes inter sydera recepti
esse memorantur. Cepheus, ut ait M. Cicero, sequitur mani-
bus passis terga septentrionis.lib. II. cap. 2.

In Ceretano tuo) Ceretani populi sunt citerioris Hispa-
nie, qui Iuliani cognominantur, De his intelligendum est
apud Epigrammatistam scribentem, Ceretana mihi fiat,
uel massa licebit. Nanque ab his Ceretanis mittabantur per-
næ optimæ: quod & Strabo memorat. Apud eosdem na-
scabantur uina generosa, quæ scriptores magna cum laude
nominitant. De quibus idem Epigrammatarius intellectus,
scribens: Ceretana nepos ponat, setina putabis, Male lite-
rati enarratores Ceretana uina, & falsamenta falso exi-
stimant referenda esse ad Ceretes Ethruriæ populos. Ego
olim puer in Pliniana recognitione annotavi quædam an-
notamenta non indigna cognitu super Ceretanis uinis, &
pernis, quæ leguntur in calce Plinianorum codicūm, qui im-
pressi

PHILIP. BEROALDI ANNOT.

pressi Parmæ fuerunt. Apud Columellam, & hic, & aliubi fit mentio uinorum Ceretanorum: & de Hispaniensibus est intelligendum.lib.3.cap.9.

Ceratura) quære Gummitio in G.

Cerris) inter arbores glandiferas est cerrus: ex grande cerrea, ut Nigidius tradit, porcina caro fit solidior. Autummat Plinius, cerrum ne Italiæ quidem maiori ex parte notam esse.lib.7.cap.9.

Sacrorum certaminum) Sacra certamina sunt apud Græcos famigerata, Olympia, Pythia, Nemea, Isthmæ. appellant Græco uocabulo, ἵποις ἀγῶνες, ut docet Pollux, in tertio onomastici. Inde hieronimas uocant uictores in sacris certaminibus, de quibus copiosissime scripsi in commentarijs Tranquilli.lib.3.cap.9.

Charcatas uocant) Legendum characatas. Est autem χάραξ foeminino genere pedamentum uitis: unde uites characatæ dictæ pedaminibus adnixæ. Proverbium Græcorum est, χάραξ τὴν ἄμπελον, id est, Palus uitem ἐξαπάθησε accepit.lib.3.cap.4.

Chenoboscia) Loca in quibus anseres aluntur, chenoboscia Græco uocabulo appellant. Nam χῆνη Græcè anser dicitur, βόσκω, pascō. M. Varro: Vbi anseres aluntur, nomine chenoboscion appellatis.lib.8.cap.14.

Cylindro) Lapis teres instar columnæ, & uolubilis, dicitur Græco uocabulo cylindros. Verg. præcipit aream cylindro æquari oportere. Cylindraceæ figuræ sunt siliquæ pisæ. De cylindris geometricis dictum est, in commenta. Tuscula. lib.11.cap.3. & apud Cato.cap.159.

In cimam) Cima est quidam caulium delicatior, teneriorq; cauliculus.lib.11.cap.3. & apud Cato.159.

Ciminus) De hoc lacu Vergilius, & Cimini cum monte lacum

IN COLVMELLAM.

lacum.lib.s.cap.15.

Creta cimolia) Cretæ terræ plura sunt genera, ex his ci-
moliæ, duo ad medicos pertinentia, ab insula Cimiola dicta
cimolia.lib.6.cap.17.

Cinere) Nomen est oleris cui inditum uidetur nomen à
cinere: quoniā huic herbæ id genus stercoreonis est aptif-
sum, plura uide in hortum Col.Bapt.lib.ii.cap.3.

Quæ circœ) id est, ludis circensibus, qui et Romani, et
magni nominantur de sacris certaminibus, quorum uicto-
res uocant hieronicas. Suprà explicatum est.lib. 6.cap.26.

Cita) Euocato, educito, citato, uerbum est imperatiuum.
Col.de arb.cap.8.

Acit aluum) Legendum cit, hoc est, mouet, concitatq;. Verbum Plinij propè peculiare in hoc significatu. lib. 6.
cap.4.

Citra hoc experimentum) Sine hoc experimento, locu-
tio est elegans, et celeberrimi scriptoribus frequentissima,
Citra musten, Citra suspicionem, dixit Quintilianus: Citra
fastidium, citra perniciem, Plinius: et citra salem, pro sine
salse. Citra ebrietatem, Citra crudelitatem, Seneca. Dicimus
cittra Calendas, pro ante Calendas, et multa consimiliter
ab eodem fonte deriuata.lib. 2.cap.134.

Cyperum) Cyperus in Aegypto est arbor, semine cori-
andri, cädido, odorato, quod coquitur in oleo, et inter odo-
ratos frutices numeratur. Hieronymus in commentarijs
Cantic tradit cypron esse genus uirgulti quod fructum fe-
rat odoratum in modum uiae florentis, et cypros uua flo-
rens appellatur. Præterea cyperon uocant iuncum quen-
dam triangulum, quem multi non discernunt à cypiro uici-
nitate nominis. Plinius distinguit utrunque, aitq; cypirum
esse gladiolum radice bulbosa, cyperum uero iuncum an-
gulosum

PHILIP. BEROALDI ANNOT.

gulosum, iuxta terram candidum, cacumine nigrum, folia
porraceis exiliora, radicem oliue nigræ similem cyperida
uocari, magni in medicina usus. lib. 12. cap. 21.

Clathris muniantur) Clathri sunt ligna transuersa, qui-
bus aliquid munitur, à quibus fenestræ clathratæ dicuntur,
Cancelli quoq; nominantur. Horatius: Obiectos cauee ua-
luit si frangere clathros. Cato: Clathros oportet inter se pe-
de distare, hinc clathrare uerbum, munire, et cancellos
inducere. lib. 8. cap. 3.

Clauorum) Inter ulcera sunt clavi, quorum quidam mor-
ticini appellantur: nascitur clavis nonnunquam alibi, sed ma-
xime in pedibus, ut docet Cornel. Celsus: Clavo perit Silius
Italicus. lib. 6. cap. 14.

Clibano) id est, furno, cuius pars prima patentior, Græci
κλιβανοὶ uocant κλέψειοὶ. Vnde Clibanicij panes dicti in
clibanis cocti, quorum mentio fit à Plinio: Dicitur εὐ φί-
βαρ: unde ἀγοτοὶ id est, panes, dicti κλιβανῖται, quorum
Pollux, Suidas, Aristophanes, meminerunt. Columel. lib. de
arborib. cap. 19.

Clima) Docet in hoc loco Columella, quid sit clima in
mensuris agrorum. Apud astrologos clima in situ terra-
rum dicitur spatium quo regionatim uariat horologium.
Vniuersa terra diuiditur in septem climata, quæ nostri cir-
culos appellauerent. Græci parallelos. Plinius noster segmen-
ta, à quo præter illa septem notissima adduntur quinq; ex-
quisitißima quadam subtilitate, ut ita fiant climata siue seg-
menta numero x i. Bononia patria mea septimo segmen-
to, siue climate continetur. lib. 5. cap. 1.

Clitellis aptior mulus) Clitellas uocant strata iumento-
rum, quibus sarcinæ alligantur, unde muli clitellarij di-
cti. Proverbium est, Boui clitellæ sunt impositæ: cùm bos
natural

IN COLV MELL A M.

naturaliter sit impatiens, insolensq; clitellarum, minimeq; ferendis clitellis idoneus. Plautus festiuiter appellat homines clitellarios, qui onera imposita uehunt, & dorso portant, quasi dossuarij.lib.6.cap.36.

Secundum codicem) Iuxta caudicem, & stirpem. Itali dicebant ex codicare, id, quod ablaqueare dicunt scriptores agricolationis. Id autem nihil aliud est, quam circa uitis caudem circunfodere, & quosdam quasi lacusculos efficere. lib.de arb, cap.10.

Coēant) Coagulentur, & unitas fiat.lib.12.cap.21.

Cohortalis est avis) In uilla cohors est, ex eo dicta quod circa eum locū pecus cohercetur, auctor M.Var. Inde aues dictae cohortales, quæ intra cohortem uillaticam continentur: quales potissimum sunt gallinæ. Ouidius: Abstulerat multos illa cohortis aues. Apud Martiale, per contractiōnem dictionis scriptum est: Raucæ cortis aues, & oua matrum. Item: Accipe cortis aues.lib.8.cap.2..

Cola) Vasa, siue instrumenta ad colandum uinum, defecandumq; accommodata, à colando nominata, de quibus Vergilius: Colaq; prælorum sumosis deripe tectis. Villicus, ut inquit Cato, habere debet cola utilia tria, cola, queis florrem demat, tria.lib.11.cap.3.

Coliculus) Cauliculus est scapus.lib.11.cap.2.

Colymbadas) Plinius in x v. Colymbades franguntur, eademq; herbarū uiridiū sapore condiuntur. lib.12.cap.46.

Colliquias deriuemus) Videtur legendum, in collicias. Sunt autem colliciae siue colliquiae sulci maiores amplioresq;, & quasi loculamenta, quibus humor agrorum noxius ex minoribus sulcis deriuatur extra segetes. Vitruvius appellat colluuiaria, omnis colluuieti, & purgamentorum receptacula. Plinius meminit colliciarū his uerbis: In

ee usū

PHILIP. BEROALDI ANNOT.

usu est, et collicias interponere, si ita locus poscat amplio-
re sulco, quæ in fossas aquā deducant. In Plinianis codicibus
ferè omnibus, legitur collectitas. Verū siue colliquias, siue
collicias siue collectitas legere libet, haud equidem in ma-
gno ponam differimine, dum modo nouerimus uocabulum
hoc ab humore colligēdo, uel eliquando esse deductū. Fiunt
autē in agris huiuscmodi colliciae, ad colligēdas aquas, atq;
educendas extra segetes, sicuti quoq; sunt elices, sulci aqua-
rij, ab elicienda aqua nominati. Cato cloacale flumen dixit,
pro colluui cloacarū. M. Varro collicias signare uidetur,
cū ait: Sulcāt in fossas quo pluialis aqua dilabatur. li. 2. ca. 8.

Collyria) Attende collyria dici non solum medicamenta
oculorum, sed aliarum quoq; rerum. Item Corn. Celsus, col-
lyria ponit pro medicamentis fistularum, docens quo mo-
do fieri debet collyrium ad fistulas curandas. Scribit Sui-
das, χολαρα, id est collyria esse pharmaca iatrica, id est me-
dicinalia. Idem docet panes quosdam quasi mutilos eodem
nomine appellari. lib. 6. cap. 6.

Neque arborem collucare) Tria sunt priscorum uerba
ab eodem fonte deriuata, collucare, sublucare, interlucare,
quæ hoc discerniculo disparantur. Collucare, est arbores
sylue officientes lumini succidere, et succisis arboribus lo-
cum luce completere. Sublucare minus est, quam collucare,
significat enim ramos arborum supputare, et ueluti subtus
lucem immittere. Docet M. Cato quemadmodum Romano
more locum collucare oporteat. Interlucare uero est in ar-
boribus frugiferis per interualla deputare ramos in densi-
tate ramorum, qui sunt superuacui, unde nata interlucatio
est, cui in uitibus consimilis est pampinatio. Plinius: Interlu-
catio arboris prodest, sed omnium annorum trucidatio in-
utilissima. lib. 2. cap. 22.

Coloc



IN COLV MELL A M.

Colocasij) Nomen est herbæ, de qua Martialis: Nilium ridebis olus lanasq; sequaces. Plinius: In Aegypto nobilissima est, colocasia, quam cyamon uocant. Aliqui hæc à Nilo metunt, caule cum coctus est arenoso, in mandendo spectabilis est, folijs latissimis, quibus implexis in uariam speciem uasorum portare gratissimum habent.lib.9.cap.15.

Columbaria) Vulgo columbarium uocant stabulum columbarum, ipsum ædificium, & locū columbis alendis accommodatum, & ita Palladius quoq; appellat: uerum Columella, & M. Varro columbaria capiunt pro nidis, & loculamentis, & cellis in quibus singula paria fœtificant. M. Varro sic refert: Columbaria singula esse oportet, ut os habeant, quo introire, & exire possint. Columbarius dicitur custos, & pastor columbarum.lib.8.cap.8.

Colostram uocant) Dicitur colostrum neutro, & colostra fœminino genere: quæ nil aliud est, quam spongiosa densitas lactis à partu. Plinius: Ex primo semper lacte à partu colostra fiunt. Hinc colostrati infantes dicti, quibus perniciosum fuit gustasse id lac. Plautus: Mea colostra, meus molliculus caseus. Epigrammatista: De primo matrum lacte colostra damus.lib.7.cap.3.

Commeatus apum) litiones & reditiones à commeando. lib.9.cap.8.

Iugerum compluuija) Antè dictum est uineam dici compluuiatam à compluuijs domorum, quibus consimilis est in longitudinem latitudinemq; iugata.lib.4.cap.24.

Condititia) Quæ recōduntur & diuturno tempore seruantur longæ usioni gratia, ea uocant condititia cibaria. Cato conditiua appellat poma, quæ conduntur in hyemicem duratur.lib.8.cap.8.

Vicini cōditionibus) Emendo uillici, tanquam ad uilli-

ee 2 cum

PHILIP. BEROALDI ANNOT.

eum parum pertineat compositio olei gleucini. Conditio-
nes autem accipe pro conditulis. Sic enim M. Tullius, sic
ueteres frequenter appellant, ut inter conditiones & con-
dituras nihil quidquam intersit: cum utraq; dictio à con-
diendo deflexa sit.lib.12.cap.50.

An consamineis uineis) Consamineas uineas uidetur in-
telligere eas, in quibus aceruatim multa semina uitium con-
fusa sunt, nec proprijs generibus distincta, quæ etiam con-
seminales dicuntur.lib.11.cap.45.

Consiliginem uocant) Plinius lib. xxv. scribit hæc:
Radix uero herbæ consiliginis, quam nuper inuentam di-
ximus, suum quidem & pecorū omnium remedium pre-
sens est pulmonum uitio, uel traiecta tantum in auricula.
bibi debet ex aqua, haberiq; in ore assidue sub lingua.
Idem xxv. Nostra ætas meminit herbam in Marsis re-
pertam, nascitur & Aequiculis circum uicum Ninnerue-
sia, uocatur consiligo.lib.6.cap.5.

Tanquam oltæ reductum) Emendo tanquam litura
ductus appareat.lib.6.cap.5.

Coni cupressum) Conus dicitur fructus cypressorum,
unde coniferæ dictæ à poëtis, νονοειδῆς Græce nominatur:
quoniam rotunditate in acumen attollitur: κόνοι autore
Suida sunt strobuli; ubi strobulos accipere malo pro nu-
cleis pineis quam pro fructibus cypresi. Nam & Galen.
in v i i. lib. qui μέγη inscribuntur, docet conos antiquitus
appellatos esse ab Atticis strobulos, id est, fructus pineos.
M. Var. galbulos nominat, pilas istas cypressorum corti-
nas in quibus inclusa sunt semina primigenia.lib.6.cap.7.

Cordum uocatur) Plinius: Rursus rigari desecta opor-
tet, ut secetur autumnale foenum, quod uocant cordum.
Antiqui cordum dixerunt serotinum, unde & frumenta cor-
da,

IN COLV MELLAM.

da, quæ sero maturescunt, & agnos cordos, qui serius nati forent. Et in hominibus dicti cordi sunt ultimo fœtu progeniti, hoc est quod ait Quintilianus, præceptorum subtilem & eruditum scrutaturum origines uerborum unde Cordi nomen traxerint. Lugo fuisse Cordos duos scriptores historiarum lib. 7. cap. 2.

Corrudam) Corruda est sylvestris asparagus. Cato præcipit corrudā seri debere eo in loco in quo fuerint harundines, ut ita asparagi fiant. Nam cōuenit harundinetū cum corruda. Plinius: Sylvestres, inquit, fecerat natura corrudas, ut quisq; demeteret passim, ecce altiles spectatur asparagi. Item hortorum indicauimus corrudam, hunc intelligimus sylvestrem asparagum, quem Græci orminon aut myachanton uocant, alijs ue nominibus. lib. 11. cap. 3.

Cortinale) Non id est cortinale quod glossematici opinantur, neq; à mensa parieteq; deducitur. Sed cortinale dicitur propriè locus in quo sapia & defrutum coquuntur in cortinis. Sunt autem Cortinæ scriptoribus agricolationis uasa defrutaria, hoc est, defruto sapæq; coquendæ accommodata, quæ magis plumbea quam ærea esse debent. Plinio cortinæ sunt uasa quibus uellera tinguntur sorbentia succum & medicamina infectoris, à quo cortina dicitur uiridis & immatura, quando nondum lana ebilit ad plenum eximum illū colorem, qui exspectitur in uestimentis. Idem ait, Vela pingi in cortina: & cum sit unus in cortina color alium atq; alium fieri in ueste accipientibus medicaminis qualitate mutatum. Alio significatu apud ecclesiasticos scriptores, alio apud poëtas cortina usurpatur, qua nil notius est, uulgatusq;. lib. 1. cap. 6.

Vel coro) Nomen est uenti, quem & caurum uocant: de quo Iuuinalis: In caurum, atq; eurum solitus sœuire fl-

ee 3 gellis:

PHILIP. BEROALDI ANNOT.

gellis: à Grecis argestis nominatur. Plinius ab occasu equi noctiali fauonius, ab occasu solstitiali corus: zephyron, et argeston uocant. lib. 11. cap. 2.

Crudum) Id est, intactum sine sulco, et pastinatione. lib. 3. cap. 13.

Cubitorem bouem) Qui libenter decumbit in sulco, et uitio decumbendi obnoxius est. lib. 6. cap. 2.

Ac cudentibus) Cudentes dicuntur, qui in area baculis excutiunt, exteruntq; legumina ac frumenta: à cudendo, id est feriendo nominati. lib. 2. cap. 10.

De collo cucurbitæ) Semina in cucurbitis quæ proxima collo fuerint, proceras pariunt, quæ in cibis sunt esculentiores, quæ in medio sunt rotundas, quæ in lateribus crassas, breuioresq; progernerant. Cucurbitarium locum uocant consitum cucurbitis, sicut cucumberarium ubi sati sunt cucumeres. lib. 11. cap. 3.

Cum culabula) Emendo cunila bubula, hoc enim nomine appellatur herba, cuius plura sunt genera. Est enim cunila quæ bubula appellatur, cuius semen contra serpentes uino bibitur. Est alia cunila gallinacea appellata à nostris, à Græcis origanum Heracleoticum. Tertium genus est eius quæ à Græcis mascula, à nostris cunilago uocatur. Vires cunilæ uehemētissimas in omnibus his generibus tradunt. lib. 6. cap. 12.

Custos summittendus) Alendus palmes quem custodem uocant et præsidiarium, de quo Plinius hæc: Qui uocatur custos, hic est nouellus palmes, non longior tribus gemmis, proximo anno materiam daturus, si uitis luxuria se consumperit. lib. 4. cap. 24.

D

Dactyliq; Vuæ sunt prælongis acinis porrectæ. unde

E

IN COLV MELL A M.

Et nomen à digitorū longitudine sortiuntur, sicut et dacty-
lides dictae à digitorum gracilitate. Bumasti uero ab eo no-
minantur quod tument mammarum modo. De quibus poē-
ta, tumidis bumaste racemis. Alio nomine bumammam uo-
cant. Mos est Græcorum in magnitudine rei demonstran-
da, apponere hanc particulam, Bu, ut docet Suidas: hinc
βούπεινα ἡ μεγάλη πεῖνα, id est, magna famis. hinc βούλι-
μορ ή βούλοσοι, aliaq; compuscula: autumat M. Varro à
bobus dici pleraq; id genus magna.lib.3.cap.2.

Dapsilis musto) Larga, copiosa, et musti ubertate lu-
xurians. Dictio Græca est nostris frequenter usurpata.
δαχίλεια dicitur largitas, et opulentia, ut inquit Suidas,
πολυτέλεια δαχίλης, ὁ τολυτελης. lib.3.cap.2.

Decacuminanda) Cacumine priuanda. Decacuminare
est cacumen decutere, unde decacuminatio. Plin.lib.17.cap.
24. Similem et decacuminatio rationem habet cupressi,
piceæ, cedri. haec enim detracto cacumine aut ignibus adusto
intereunt.lib.5.cap.4.

Delibretur) Decorticetur. Decorticatio, id est, corticis
detractio, infesta est et exitialis arboribus. Nam nouellæ
in primis arbores cortice in orbe detracto necantur. Excipi-
tur suber, quod sic etiam iuuatur.lib.5.cap.4.

Decemmodiæ) Capaces decem modiorum, ut trimodiæ
trium.lib.12.cap.18.

Decoxit (communitur, fitq; minor, atq; deterior, trans-
latio sumpta ab his quæ coquuntur ad ignem, fiuntq; co-
ctura longè minora. Inde uerbum translatum in eos qui
ære alieno cooperiti cum soluendo non sint, uel latitant, uel
solum uertunt. Nam decoxisse dicuntur, et decoctores no-
minantur. Epigrammatarius: Nihil colonus uillicusq; de-
coxit. Crassus qui primus diues est cognominatus, deco-

ee xisse

PHILIP. BEROALDI ANNOT.

xisse suis creditoribus traditur. Notissimum est illud Catullianum, Decoctoris amica Formiani.lib.1.cap.8.

Iuxta decumanum) Suprà docuimus, decumanum dici limitem secātem agrum ab exortu ad occasum, uineas quoq; limitari decumano.lib.4.cap.20.

Decussabimus) Id est, deformabimus, ducemusq; in decussas, id est, denormabimus, digeremusq; ad æquilibrium. Hoc uerbo utitur & Vitruvius, dictumq; uidetur à decussibus, hoc est, à denario numero, qui perfectus, & absolutus est. Quidam legunt decussauimus, ut sit præteriti temporis, quod intellectui magis quadrat. Quòd autem ait in speciem Græcæ literæ, neque δ, intelligo, neque λ, ut quidam opinantur, sed χ. Talis enim litera stellæ similior est, cuius effigiem repræsentare ait hanc machinam libr.4.cap.13. Hinc in stellam decussare ait libr.4. & decussatim per decusses, & per frusta cuiusdam magnitudinis absolute, sicut decussis, hoc est, denarius numerus perfectus habetur lib.12.cap.53.

Cellam defrutariam) Impositum est nomen uillæ defrutariæ ab eo quòd in ea fit defrutum. Est autem defrutum uinum ad dimidiā mensuræ partem decoctum, ut docet Pli. Autumat Palladius defrutum à deferuendo dictū esse, quod ubi ad spissitudinem fortiter despumauerit, effectum est. Calenum uero dicitur cum ex tribus partibus perdita tertia, duæ remāserunt. Sapam uero appellant ubi ad tertias decoquitur, quod Græci syrium & ex semina nuncupant, & ita frequenter à Galeno nuncupatur.libr.1.cap.6. Hinc defrutarium locus in quo fit, & defrutaria uasa defruto coquendo maximè idonea.lib.12.cap.21.

Defrutare) A' defruto declinatum est uerbum defrutare, quod significat defrutum conficere, & sapam coquere.

Vnde



IN COLV MELL A M.

Vnde & defrutariae cellæ nomen est inditū. Defrutum uero à deferuendo dictum est, significatq; uinum decoctum ad dimidiam mensuræ partem redactumq; ad spissitudinem mellis, cuius uicem quoq; prestat.lib.2.cap.22.

Ferijs denicalibus) Festi Pompeij uerba hæc sunt: Denicales feriae colebantur, cum hominis mortui causa familia purgabatur. Graeci enim νεκρὸν mortuum dicunt. Tu dispice an ex hisce doctissimi grammatici uerbis scriendum sit denicalibus ferijs, tanquam ἀπὸ τοῦ νεκροῦ formato uocabulo. possumus & denicales legere, ut à numero denario dictio ducta sit, sicut nouendiales dixerat à numero ix. dierum.lib.2.cap.22.

Depingere) Unius literæ immutatione tollendū est mendum, ut legas depangere, quod plantare significat, itidem paulo mox quinq; malleoli pangendi sunt.lib.3.cap.16.

Depletur) Exhauritur, educitur, ex uasis post pressuram. Statius: Digno depleuimus haustu. Cato: Oleum si poteris, bis in die depleto. Idem dixit amurcam dehaurito in codem significatu. Plinius noster uerbo infrequenti, sed elegantissimo ait, Oleum saepius die decapulandum, pro eo quod est, deplendum dehauriendumq;. A' Catone dictus capulator is, cuius officium est, ut concha oleum diligenter tollat ac depleteat, de quo mox paulo sic scribit Columella, Protinus capulator depleteat: utiturq; persæpe hac dictione. Dicitur autem capulator à capula quod nomen est uasis, cuius nominis Nonius & Varro meminerunt.lib.12.cap.49.

Despoderis sapientiam) Desperaueris te sapientiam ad perfectum posse percipere, & ad eam peruenire. Despondere animum dicitur apud autores, pro eo quod est finem suæ spontis statuere, ac mori uelle ex desperatione. M. Varro:

ee 5 Hoc

PHILIP. BEROALDI ANNOT.

Hoc ideo in secluso clàm, ne reliqui, si uideant, desponeant
animum, atq; alieno tempore uenitiori moriantur. Luius:
Nec ipsi solum despoderant animos, sed contemni cœpli
erant à finitimiis populis. Plautus: Ne lamentetur, ac ne ani-
mum despondeat.lib.11.cap.1.

Dicimus & Despondere sine additamento pro eodem, ut
idem Col.lib.8.cap.10.

Deuerrendus) Scopis purgandus. Deam nomine Deuer-
ram coluit antiquitas, quæ præerat domibus cuerrendis.
Conuerritores dicti scoparij, illi scilicet qui scopis à pran-
dio, à coena paumenta deuerrunt, & purgamenta escarum
tollunt.lib.7.cap.4.

Deusticæ) Id est crematæ, tostæq; in pruinis. libro 6.
cap.17.

Diffusa) Id est, recondita in dolis. uina diffundi dicun-
tur in apothecis in uasis uinarijs in quibus diu seruantur.
Iuuen. Ipse capillato diffusum consule potat. Horat. Vina
bipes iterum T auro diffusa. Verbum hoc est frequens, is
usus apud Plinium iurisconsultos' ue cæterosq; clasicos scri-
ptores.lib.3.cap.21.

Plus dipondio & semisse) Id est, plus duobus pedibus &
dimidio. Peculiaris hæc elocutio est Columellæ, de qua iam
suprà diximus.lib.4.cap.1. & dipondio & dodrante id est,
duobus pedibus, & 1 x. unciarum.lib.3.cap.13.

Dispendum) Damnum: compendium, lucrum, libro 6. in
præfatione.

Differenda) Per interualla serenda.lib.11.cap.3.

Sub diuo) Sub Ioue, sub cœlo libero & aperto. dicimus
& sub dio, unde subdialis deriuatur.lib.6.cap.3.

Dolabella) Diminutiuum à dolabra quod genus est fer-
ramenti.lib.4.cap.24.

Sint

IN COLV MELL A M.

Sint duramina) Brachia in uitibus modò duramenta uocant:modò duramina. Plinius, Relicto semper duramento in singulis tabulatis.lib. 4. cap. 22.

E

Elices sulcosq; aquarios) τὸ ἀντό, id est, bis idem dixit: nanq; elices uocant sulcos aquarios, per quos aqua collecta educitur ex liris agrorū: non longè distant fossæ inciles, quæ & incilia appellant, de quibus sic scribunt iurisconsulti, Titulo de riuis. Incile est locus depresso ad latus fluminum, ex eo dictus, quod incidatur. Inciditur enim uel lapis, uel terra: unde primum aqua ex flumine agi possit. lib. 11. cap. 2.

Eluenaci generis) Inter uites generosas nominatur eluenaca, quam fertilitas commendat. Duo eius genera. Maior, quam quidam longā: minor quam arcelacā appellant, non tam fœcundam, sed gratiorem haustu. lib. 5. capi. 3.

Emacietur) Fiat macrum. lib. 7. cap. 10.

Embammata) Plinius noster intinctus subinde uocat, quæ Græco uocabulo embammata nuncupantur. Sunt autem liquamina multiformia, quibus intingimus buccellas escarum, gulæ prorsus irritamenta, uulgo sapores appellant. Græci dicunt ἐμβάνται, intingere: unde & embammata intinctus. Illud ex Euangeliō: qui manum intinxerit in catino: Græce dicitur, εὐβάντας τὴν χεῖρα ὡς θελίω. lib. 12. cap. 54.

Emittet in iugum) Lego emicet, id est, profiliat, tale est illud poëticum, Emicat Eurialus. sic & Plinius. Quæ ita emicuerit materia fructum dabit anno sequente. lib. 4. cap. 20.

Emplastratus es) Id est, inscurus, eo genere inscriptionis, quam emplastrum, & emplastrationem uocant, quæ

PHILIP. BEROALDI ANNOT.

quæ ita fit, Detrahitur cortex ex parte arboris nitidissima, eiq; imprimatur cortex cum gemma ex alia arbore par: sic compage densata, ut delibratæ parti bene conueniat tessella hæc, siue scutula insiti corticis, mox oblinitur intrita, integraturq;. Huic emplastrationi consimilis est inoculatio, quæ excidit in arbore oculum cum fistula, gemmamq; includit sumptam ex alia arbore. Inoculationē signauit Vergilius numeris poetis, scribens: Nec modus inserere, atq; oculos imponere simplex. Et mox paulo: Huc aliena ex arbore germen Includunt, udoq; docent inolescere libro.lib.12.cap.2.

Ephiporam) Lege epiphoram, morbus est ocularius: cuius crebra mentio apud Plinium: Nascitur & epiphora in genitalibus.lib.6.cap.17.

Epityrum) Columella euidēter ostendit epityrum dici in oliuis genus conditū, docetq; quemadmodum id fiat. Cato quoq; ante Columellā tradidit compositionē epityri, cuius uerba hæc sunt: Epityrum albū, nigrum, uariumq; sic facito, ex oleis albis, nigris, uarijsq; nucleos ejicito. Sic condito, concidito, ipsis addito oleū, acetum, coriandrum, cuminum, foeniculum, rutam, mentam, in orculam condito, oleum suprà siet, ita utitor. M. Varro lib.de lingua Latina tertio, enarrans illud Plautinū: Si unum epityrum estur. Epityrum (inquit) uocabulum est cibi, quo frequentius Sicilia, quam Italia usa. Quidam quia apud Græcos caseus dicitur τυρός, opinati sunt epityrum dici cibum caseatum, quibus reclamat autoritas scriptorum classicorum, quos nominauimus. Videtur autem appellari epityrum à confecta oliua, quæ Græcè dicitur πίθης. lib.12. cap.47.

Equenti mulæ) Equum appetenti, & maritum desideranti. Canes consimiliter dicuntur catulire, quando cipiunt

IN COLV MELLAM.

piunt maritari. Tradit Plinius equas domitas sexaginta diebus equire antequam gregales.lib.6.cap.37.

Equus) Hunc Aratus, & alij complures Pegasum esse dixerunt, qui in Helicone saxum ungula feriens fonte aperuit, qui ex eius nomine Hippocrene dictus est.lib.11.cap.2.

Eureungij) Legendū eryngij. Est enim eryngion, siue erynge herba inter aculeatas, in primis clara contra serpentes, & uenenata omnia nascens. Eius radix bibitur aduersus ictus morsusq;, Apollodorus aduersus toxica cum rana decoquit.lib.6.cap.5.

Ergastularij) Quidam autumant ergastularios dici seruos uinctos in ergastulo. Tu cape ergastularium pro eo qui præpositorus ergastulo, & mancipijs: quod genus seruos prisci habebant in ergastulo compeditos ad culturam rusticationis exercendam. Plin, coli rura ergastulis pessimum censem esse, tanquam quicquid illi agunt, à desperantibus agatur.lib.1.cap.8.

Erronem) Erraticum, & fugituum. Labeo iurisconsultus, ut scriptum legimus titulo ad ædilitium edictū, definit erronem esse pusillum fugituum, & ex diuerso fugituum magnum erronem esse: sed proprie erronem sic definiunt iurisconsulti eum, qui non quidem fugit, sed frequenter sine causa uagatur, & temporibus in res nugatorias consumptis ad dominum reddit. De errone terro, ait Horatius: Fugitiuus, & erro.lib.9.cap.10.

Erui) Eruum genus est leguminis, quod uim medicamentis obtinet: quippe quo diuus Augustus est curatus. Innoxium est bobus primo uere satum, autumno uero grauedinosum. De hoc Horatius: Tenui solabitur eruo, Fresum dicitur, quod infractum, & comminutum est, sicut & faba fresa nuncupata, quæ molis frangitur. Col.lib.6.cap.3.

Euanidæ

PHILIP. BEROALDI ANNOT.

Euanidæ fūnt) Imbecillæ, languidæq; , & Seneca gaudiū
euānidum, decenter dictum. Col.de arb.cap.17.

Eugeniae) Eugeniae uua à generositate nuncupantur.
Græco enim uocabubo Εὐενία, dicitur nobilitas. Euganei
quoq; populi Alpiū incolæ traxere nomē à præstantia ge-
neris: hoc est, ab Eugenia. Itaque Eugeniae uua respondent
suo nomini, quando uinum generosum fundunt. lib.3.cap.2.

Euronotus) Nomen uenti est, qui mediis flat inter eu-
rum, & notum, unde & nomen accepit. autor Plinius in
secundo.lib.11.cap.2.

Exacuit) Hoc est, ut ego interpretor, a corem fecit, &
aceti saporem concepit.lib.12.cap.17.

Exaltant) Exaltare fulcum, est alta foſſione deprimere.
Est enim altitudo superior, & inferior. Col.lib.3.cap.13.

Exaniari) Quasi sanie purgari defecariq; , quo uerbo
utitur Cor.Celsus. Consimile est Apuleianum uerbum ex-
mucari, pro eo, quod est amurca emundari, & sanic re-
purgari, & quidquid est feculentum extillare. infrà ait
Columella scribens de falso suilla carnis, Compositis in
tabulatum tergoribus pondere imposito, ut exanietur: hoc
est, noxius humor emundetur.lib.12.cap.46.

Excerni) Id est, expurgari, uentilariq;. Consimilia sunt
subcernere, & incernere, inde excernicula, incernicula di-
cta genera cribrorū. Alias excernere, est uentrē purgare:
unde excrementa dicuntur, quæ & retrimēta. lib.2.cap.21.

Excludant) Gallinæ dicuntur excludere, cùm post incu-
batum pulli maturi rupto ouo nascuntur. Plinius: Celerius
excluduntur calidis diebus. Item quædam gallinæ gemina
oua pariunt, & geminos interdum excludunt. Dicitur
& exudere in eodem significatu.lib.8.cap.2.

Exherbatur) Herbis liberatur, repurgaturq;. lib.4.ca.3.

Exudent

IN COLV MELL A M.

Exudent) Quasi sudando siccescant exuantq; noxiūm
succum.lib.12.cap.5.

F

Fecinium) Inter genera uitium est fecinia, ex eo dicta,
quod plus quam ceterae fecis afferit: quod tamen incommo-
dum repensat uuarum multitudine: uentos, & imbræ pa-
tienter suffert, & stu infestatur, minutæ acini, & dureæ cutis
uuas habet.lib.12.cap.7.

Flaccescat) Languescat, & quasi flaccidum fiat. Plinius
a flaccidis auribus autumat deriuari cognomina Flacco-
rum. Ait Apuleius: Flaccet rebus oratio, id est, languescit,
& iacet. Potes legere fracescat, pro eo, quod est putrescat,
& corrumpatur.lib.5.cap.10.

Fastus) In notis Scruij annotauimus Seruium errasse,
dum erroris arcessit Lucanū, qui scribit fastus esse quartæ
declinationis, quando significat superbiam. Secundæ uero,
quando significat librū, qui dierum habet computationem.
Vnde errauit (inquit) Lucanus, dicēdo: Nec meus Eudoxi
uincetur fastibus annus. Nanq; indiscriminatum dicimus fa-
stos, & fastus in secundo, & quarto ordine pro libris, quod
& Priscianus tradit, & magnorum scriptorum confirmat
auctoritas, quæ pro ratione est.lib.9.cap.14.

Fatiscit) Resoluitur, languescit, deficit. Plinius: Sine cal-
ciatu fatiscunt.lib.7.cap.3.

Fefellerit) Latuerit. Horatius: Nec uixit male, qui na-
tus, moriensq; fefellit. Liuius: Explorator Carthaginensis
Romæ biennium fefellit.lib.12.cap.3.

Feles) Animal est familiare, ac domesticum, omnibus no-
tum, uulgo catus nominatur (ut opinor) à solertia. Nam
catum sapientem dicunt, & acutum, Græci ἄλλοι uo-
cant. Plinius tradit felium oculos in tenebris fulgere.

Idem

PHILIP. BEROALDI ANNOT.

Idem alibi sic refert, Feles quidem quo silentio, quam le-
nibus uestigijs obrepunt auibus, quam occulto speculatu
in musculos exiliunt, excrementa sua effossa obruunt ter-
ra, intelligentes odorem illum indicem sui esse. Verum
apud Columellam, & Varronem, feles accipi uidetur pro-
fouino, sic enim uulgaris appellat bestiolam gallinis maxi-
mè infestam, noxiāmq;, & sēpe gallinaria tota contruci-
dantem, lib. 8. cap. 3.

Fellicula) Legendum filicula. Est enim diminutiuum,
à filice herba: de qua Persius: Non tamen ista filix ullo
mansuescit aratro. Pterin Græci uocant. Prætereà alia
est herba filicula, quam Græco uocabulo polypodium ap-
pellant, similis est filici, bilem detrahit, in petris nascitur.
lib. 6. cap. 26.

Femina) id est, femora, coxae interiores sine diphthongo
scribi debet, cum prima syllaba corripiatur. Verg. Eripit à
femine. Hinc subfemina, id est, subfemora interiora. Interfe-
mineum eleganti uocabulo Apuleiano dicitur genitale mu-
liebre, quasi inter femina collocatum. lib. 6. cap. 37.

Pellicij fibri) Latini fibrum dicunt, Græci castorem, qui
amputatione genitalium liberat se à uenatoribus, gnarus ob-
medicatos testes se peti. lib. de arb. cap. 15.

Testaceis puluinis fibulantur) Id est, alligantur, & qui-
busdam quasi fibulis coagmenta connectuntur. Fibulatio-
nes à Vitruvio dictæ coniunctiones fibularum in machi-
nationibus. Diffibulare est fibulam dissoluere, quod & re-
fibulare dicimus: quamuis apud epigrammatistam id uer-
bum dicatur in re obscena de fibula citharœdorum, &
comœdorum, cuius cum mordacitate satyrica mentio est
apud poëtas. Testacei autem puluini in pavimentis dicun-
tur coagmenta spicata, & lorationes, quibus ad regu-
lam

IN COLUMELLAM.

lam perficatur, ut nullae lacunae insint. Et sunt quasi extantes cumuli. Item puluini sunt eminentiores partes in areis agrorum, et quasi tori.lib.1.cap.6.

Fideliae) Nomen est fictilis uasis, de quo Persius: Respondet uiridi non cocta fidelia limo. Plinius: Muli congialem tibi plenam faciam fideliam. Fideliae crebra metio est apud Col. hoc uolumine, utpote uasis condendis salgamis maxime idonei.lib.12.cap.7.

Fidicula) In cœlo sydus est, quod appellatur modò lyra, modò fidis, modò fidicula. Alias fidiculas accipimus pro genere tormenti, ut in commentarijs Suetonij est explicatum. lib.11.cap.2.

Fisco) Fiscina iuncea. Collibr. 12.cap.48. hinc fisculus paruus fiscus, siue fiscella iuncea.lib.12. cap.49. et lincum fiscum uocat lib.12.cap.38.

Flutas) Murenæ, et anguillæ uocantur Græco uocabulo plotæ, Latino flutæ, quod in summo supernantes sole refactæ curuare se posse, et in aquam mergere desinunt: atq; ita faciles capti sunt. Autor Macrobius. Colum.lib.8. cap.17.

Focaneus) dictus est palmes, quasi faucibus uitis enatus: nam, ut inquit Columella, solet in bifurco medius prorepare, illud autem bifurcum ueluti fauces in uite repræsentat. lib.4.cap.24.

Ferramentum fœnisecis) Fœnisex, sic enim elegantius dicitur, quam fœnisecus, siue fœniseca, est is, qui fœnum secat. Fœnisecia dicuntur fœnisectiones. Pers. Fœniseces crasso uitiarunt unguine pultes.lib.2.cap.18.

Præcipue fœtæ) Fœtas, ferè semper idonei scriptores appellant puerpas, hoc est, eas quæ pepererunt. Inclytus tamè poëta dixit, Loca fœta furentibus austris, pro plena.

ff Idem

PHILIP. BEROALDI ANNOT.

Idem ait: Non insueta graues tentabunt pabula foetus, pro prægnantes. Verum alio in loco posuit foetam pro ea, quæ iam peperisset. Sic enim inquit, in aspide poëta: Ecce rat, & iuridi foetam Mauortis in antro Proculiusse lupam. Plinius noster foetam semper usurpat pro ea, quæ à partu cubat. Col.lib.7.cap.6.

Forda non admittit) Vacca prægnans, dicitur forda à foetu. Ouidius: Forda ferens bos est. Ab alijs horda appellatur quadam cognatione literarum, ut hœdus scodus. Inde in fastis dies hordicalia, siue fordicalia nominantur, quæ non nulli appellant fordicidia, quibus hordæ siue fordæ, id est, grauidæ uaccæ immolabantur lib.6.cap.23.

Fossas ueteres tergere) Verrius Flaccus iuris pontificij peritisimus, quia ferijs tergere ueteres fossas licet, nouas facere ius non erat, festiuiter dicere solebat, ferias idoneas magis uiduis esse quam virginibus ad nubendum, tanquam fossæ ueteres sint uiduae, quas feriatis diebus tergere fas est. lib.2.cap.24.

Cum fracibus) Sicut flores prisco uocabulo significant uini fecem è uinaceis expressam: ita fraces ex oleis. Plinius dicit fraces esse carnes oliuarum, & inde feces. Oleum, ut inquit Cato, quam diu in amurca & in fracibus erit, tam de terrimum erit. Hinc uerbum factum uidetur Fracescere, quod est fracibus resoluti corrupti, atq; putrefieri uelutate. M. Varro, Olea lecta si nimium diu fuerit in aceruis, caldore fracescat. Item haec de qua fit oleum, congeri solet aceruatim per dies singulos in tabulata, ut ibi mediocriter fracescat. lib.de arb.cap.14.

Infriatur) Friare quod & infriare dicitur, est in puluerem redigere, & minutim digitis terere atq; inspergere, uulgo dicunt puluerizare. lib.8.ca.5.

Vis fri

IN COLV MELLAM.

Vis frigoris excoquit) idem est effectus frigoris, et caloris iuxta illud Maronianum: Penetrabile frigus adurit. Consimiliter Lucanus: Vrebant montana niues. In hanc sententiam Palladius, Ita utraque pastinatio decoquetur beneficio algoris et solis.lib. II. cap. 3.

Furunculus) Palmes est iuxta palmitem, custodem nuncupatum, qui est uerrucæ magnitudine, uocaturq; furunculus. Alias furunculus dicitur ulcus nascentes paſsim in quacunque parte corporis ac maximo incommodo, mortiferum aliquando malum confectis emaciatisq; corporibus. Alias furunculus pusillus fur, ut latrunculus.lib. 4. cap. 24.

G

Galactopotæ) id est potores lactis, et lacte uictitantes. Græcè γάλα dicitur lac. Suidas ait, γάλακτοπότης δι γάλακτινωμ, id est galactopotes est lac bibens.lib. 7. cap. 2.

Caseum Gallicum) Laus apud priscos erat præcipua caseo Nemausensi (sic enim à ciuitate Gallæ nominatur) cuius meminit Plin. in x i. qui scribit caseo Nemausensi fuisse commendationem, sed musteo tantum ac recenti. libro 12. cap. 57.

Gallinaria) Quæ superius Græco uocabulo dicta sunt ornithotrophia et ornithones, nunc Latina uoce appellat Gallinaria, uidelicet stabula Gallinarum et receptacula, libro 8. cap. 3.

Sestarios gari) genus est liquoris exquisiti, quod garon uocauere, à pisco garo nominato, ex quo antiquitus conficiebatur. Autumat Plinius garum fieri intestinis piscium sale maceratis. Martialis: Nobile nunc sitio luxuriosa garum. lib. 6. cap. 34.

Gemellar) Nomen est uasis, cui fortassis ex eo inditum hoc nomen, quod geminas mensuras continet.lib. 12. cap. 50.

ff 2

Glaber



PHILIP. BEROALDI ANNOT.

Glaber) sine pilis. Glabella foemina decenter dicitur Apulcio, cuius corpus est lœuigatum, politum, nulloq; pilo hispidum.lib.7.cap.3.hinc glabrescit, id est, fit glabra & polita lœuigataq; lib.2.cap.20.

Loci glabrentibus) Glabrentia loca dicuntur quasi caluentia, quæ & glabreta nuncupantur, sine stirpe, sine stipula, sine frondibus, ut hominis caluitum sine capillo est. Gre ci consimiliter loca nudata fruticibus phalacras uocant, à quibus φάλαρης dicitur caluus. Vnde phalacrocaraces dicti corui aquatichi caluitio monstrabiles. Caluescere de arboribus quoque usurpatur. Infrà ait Colu. Sæpe nouella castaneta caluescunt. Vinea caluata dicitur Catoni, Plinioq; in qua rarae sunt uites.lib.2.cap.9. Et glabrata, id est, depilata. lib.12.cap.32.

Gleuconi) Græci τὸ γλεῦνο μυστum uocant: Græca quoque uoce dicitur aigleuces, hoc est semper mustum quod inter dulcia est. Id euenit cura: quoniam, ut docet Plinius, feruere prohibetur. Hinc oleum gleucinum dictum ab eo γλεῦνο, id est, mustum, incoquitur uapore lento, consumiturq; mustum oleo, cui admiscent etiam odoramenta. Plinius oleum gleucinum memorat inter genera olei facticij, quod nunc quomodo fiat, eleganter Columella prescribit lib.12.cap.30.

Glycorhizes) Vocabulum Græcum est, quod significat dulcem radicem, tanquam id uini genus à dulcedine musti, & radice herbæ cum qua fit, sit nominatum.libro 12.cap.35.

Quasi pabulo gliscit) Crescit, pingueſcit, saginatur. Gliscere enim crescere est: Vnde glires dicti, qui somno gliscunt, id est, crescunt, fiuntq; pinguiores. Glisceras mensas dicebant antiqui opimas, & lautas, quasi gliscentes per instructio

IN COLV MELL A M.

structionem epularum. Alibi Columella scribens de gallinis farciendis sic inquit: Prima luna saginari copta uicesima pergliscit.lib.2.cap.14.

Graminoſo) Herboſo, à gramine ducto uocabulo. Eſt autem gramen inter herbas uulgatissimum, iumentis herba non eſt alia gratior, ſiue uiridis, ſiue in foeno ſiccata. Sunt qui & aculeatum gramen uocent, cum in cacumine ſint aculei, quod Græci dactylon uocant: quia digitis mdeatur. lib.6.cap.1.

Grauedinem) Grauedo, ut docet Cornel. Celsus, humor eſt ex capite diſtillans. Apuleius: Nares grauedine oppletæ. Græci uocant coryzas, nostri grauedinem: unde grauedinosi dicti, qui ad morbum grauedinis procliuores ſunt. M. Tullius: Itaque dicimus grauedinosos quosdam, quosdam torminosos, non quia iam ſint, ſed quia ſepe ſint. lib.7.cap.3.

Gummitio) Inſperſione gummi, & quaſi tectorio. Itidem ceratura dicitur induc̄tio ceræ, & quædam quaſi incruſtatio ex cera facta in dolijſ olearijſ.lib.12.cap.49.

H

Obſeruare halitus ſeptentrionales) Plinius: Qui mares concipi uolet, in aquilonem pafco, ut ſic in eundem in-eant: qui foeminas concipi uolet, in austrum ſpectantes inire cogito. Tradunt omnes fermè ſcriptores hoc fieri, ſed cur fiat, minime cauſas explicant: uideor itaque factu-rus operæ pretium, ſi ea, que apud Albertum Magnum rerum naturæ conſultiſſimum legi, conducentia ad hanc rem, hoc in loco explicauero, qui in libris de animali-bus tradit, ideo flante Aquilone concipi mares, quia iſ uentus calorem naturalem intus cohibet, & ita corpora fiunt ualentiora firmitoraq; , & iſum ſemen ſiue ſperma

ff 3 meliores



PHILIP. BEROALDI ANNOT.

meliorescit, contrà flante austro corpora fatiscunt, & resoluto calore fiunt imbecilla, unde foeminae tunc facilius concipiuntur, qui foetus est quam masculus longè imbecillior, molliorq; lib. 7. cap. 3.

Hallecula) pisciculi nomen est, potest esse diminutiuum hallicis, quæ fex est muriæ imperfecta, nec colata. li. 6. ca. 8.

Haræ) Stabula porcorum, atque cubilia. Plautinum illud notum est, In hara habitare uideor, non in ædibus: apud Varro. lib. 3. cap. 10.

Albi uel helui) est enim color heluus, siue heluolus, inter purpureum, & nigrum. Vnde uiae heluolæ nomen acceperunt, quæ à quibusdam appellatæ sunt uarianæ, à colore sepius uariante. Grammatici heluum colorem appellari dicunt medium inter rufum & album, qualis est color boum. M. Tullius hinc uidetur heluolas herbas scito epitheto nuncupasse, cum ait, Heluolas herbas ita condunt, ut nihil possit esse suauius. lib. 2. cap. 2.

Rustici hexastichon) Vulgo dicitur hexastichon sex ueribus constans: Distichon duobus. Hic hordeum nominatur hexastichon, quasi sex ordinum: sicut alterum genus distichon, duorum ordinum. Nam in hordeo spicæ quædā binos ordines habent, & id distichon uocant: quædam senos, & hoc à numero ordinum hexastichon appellatur. lib. 2. ca. 9.

Cum distendetur aqua cutis) Id est, laborabit hydropsi. sic enim Græco uocabulo appellant morbum aque subter cutem fusæ: cuius tres sunt species, Tympanitis, hyposarca, & ascites: Communis est omnium nimia humoris abundantia. Olim quidam hydropicus sitis impatiens bibit suam ipsius urinam, atque ita in exitium semet præcipitauit. Ita autem ordinanda sunt uerba Columellæ, ut aqua sit septimus casus, cutis uero rectus, ut exponas

cutem

IN COLV MELL A M.

ēutem distendi aqua, & nimio humore subter cutē fuso cor-
pus extuberare.lib. 7. cap. 7.

Hippomanes) Ut eximius poëta describit, virus est len-
tum distillans ab inguine equarum per id tempus quo libi-
dine extimulantur. Hippomanes est caruncula nigra ὡδί^{τε} μετώπ^{τε} πόλε^{τε}, id est, in fronte pulli equini, uenefi-
cium amoris: de quo intellexit poëta in serio opere: Quæri-
tur & nascentis equi de frōte reuulsus, Et matri præceptus
amor. de quo Plinius, Solinus, Aristoteles, & ceteri. Est et
Hippomanes autore Theocrito φυτὸν ὑππωρι: id est, plan-
ta, siue herba, qua gustata equi in furias aguntur, unde &
nomen.lib. 6. cap. 26.

Quām in hircis) Lego in hirtis, ut ad genus ouium hir-
tum, hoc est hirsutum referas, quod minus preciosum est. Si
mauis hircis, intellige in gregibus ouium plures parandos
masculos, quām in gregibus caprarū hircos.lib. 7. cap. 4.

Hornotinas plantas) Ab horno hornotinus fit, ut à prisca
pristinus, autore Prisciano, & pro re annua siue ipsius an-
ni accipitur. Dixit Horatius, Si thure placaris, & horna fru-
ge lares. Cato: Hornotinæ nuces uirides sunt. Col.lib. de arb.
cap. 30. & lib. 5. cap. 6.

Sic utriq; proximum) Nomine horrei significatur repo-
sitorium: unde horrearius dictus, super quo affatim in com-
mentarijs Apuleianis annotauimus.lib. 1. cap. 6.

Pensile horreum) Repositorym sublime & editum. Pli-
nius & Varro probauit suspensa & sublimia, hoc est, pensi-
lia horrea. Consimiliter pensilis uua dicitur quæ suspendē-
solet ad perennitatem. Pensiles horti erant Thebis Aegy-
ptijs memorabiles. Sergius Orata habuit pensiles balneas.
lib. 12. cap. 49.

In hortensi lira) Id est, in arcola & sulco horti: hor-
tensi

PHILIP. BEROALDI ANNOT.
tensia appellant omnia quæ seruntur & nascuntur in hor-
tis, Græco uocabulo dicuntur cepurica.lib.9.cap.4.

I

Ichthyotrophia) Vox Græca est, quæ uiuaria piscium si-
gnificantur, quæ & pscinæ nominantur. Plin. noster hæc
omnia receptacula uiuum, piscium, ferarum generali uoca-
bulo uiuaria appellat.lib.8.cap.1.

Impetigines) Pustulæ sunt infestantes corpora, quarum,
ut docet Corn. Celsus, species sunt quatuor, ab impetu indi-
tum nomen, ut ostendit Quintus Serenus illo uersu, Si ue-
rò uitium est, quod dicit ab impete nomen. Vulgo uolaticā
dici autumāt. Impetiginem Plin. lichenas esse sentit, hæc me-
morans: Arida cum resina impetiginem & scabiem quam
psoram & lichenas uocant. Nam ἡ ρά Græcē scabies, re-
linquitur ut lichen sit impetigo.lib.6.cap.30.

Incane) Canescentes & albæ. Vergil. Incanaq; menta
Regis Romani.lib.8.cap.2.

Incernemus) Cribrabimus. Incerniculum genus cribri
est: incernere cribrare, cribroq; transmittere.lib.3.cap.4.

Incilia) Incilia fossæ sunt, quæ in agris fiunt ad aquam
deducendam, dicuntur & deriuationes de riuo communi-
factæ. Portius Cato: Incilia aperire, aquam deducere, uias
& segetem curare oportet, ut fluat, item in monte fossas in-
ciles puras habere oportet.lib.5.cap.9.

Inemptas dapes) Versus Verg.ex 1111. Georg. quos
hoc in loco citat Columella, sunt hi, Regum æquabat opes
animis, seraq; reuertens nocte domum, dapibus mensas
onerabat inemptis.lib.11.cap.2.

Ineunt) Coëunt, & primum initum facere incipiunt.lib.
7.cap.9.

Inexpugnabilis) Infinitus, qui supputari ob multitudinem
non

IN COLUMELLAM.

non poterat.lib.9.cap.4.

Non inficior) Non nego. Irc inficias est negare, inde statutus inficialis apud Oratores. Inficiator pro eo qui negat. Epigrammatista: In ius ô fallax aut inficiator eamus. lib.4. cap.28.

Infriata) Minutim insparsa. Friabile id Latinè uocatur quod facile disteritur, uulgo uocant puluerizatum. libro 7.cap.5.

Velut per infundibulum) Instrumenti nomen est quo una diffunduntur in dolia, in usu cellæ uinariæ frequentissimo. Portius Cato scribit, oportere uillicum habere in instrumento fundi infundibula duo. Refert Flavius Vopiscus in Aureliano, fuisse quendam bibacem, qui bibere solebat infundibulo apposito plus orca. Est autem orca genus uasis. lib. 3.cap.12.

Infusci) Nigrantis coloris.lib.9.cap.10.

Ingluuies) Albertus Magnus doctior quam eloquentior, Pappam uocat in auibus, quam Columella uocat ingluuem. Itidem Vergil. illo uersu, Improbus ingluuiem rannsq; loquacibus implet. A^o Plinio dicitur sinus gutturis. Est autem capacitas gulæ patentior, qua merguntur recentia cibaria. lib.8.cap.5.

Inire gregem) Id est, coire cum grege. Ausonius: Sic me taurus init, sic proxima buccula mugit. Ouidius: In eas quam libet ante uelim. Hinc initus ponitur pro coitu. Plinius tradit equos, & canes, & sues initum matutinum appetere. Idem de boibus scribens ait: Conceptio uno initu peragitur. libro 7.cap.3.

Innotat) Inurit, signat, inscrit. lib.7.cap.9.

Inodare) Plinius pertinentia ad hanc sententiam hæc scribit: Cæterum ut odore careant, omnia hæc iubentur

ff s seri

PHILIP. BEROALDI ANNOT.

Seri cum luna sub terra sit, colligi cum in coitu. sine his Mēnander ē Græcis autor est, allium edentibus, si radicem betæ in pruna tostam superederint, odorem extingui. libr. II. cap. 3.

Impicato) Pice oblinito, picare, impicare, oppicare uerba sunt ab uno picis fonte corriuata. lib. 12. cap. 29.

Irim) Herba est laudatissima in Illyrico. Floret diuersi coloris specie, sicut arcus coelestis, unde et nomen: natura est feruens. lib. 12. cap. 28.

Insolatis) Insolati dicuntur dies multo sole, et puro int̄ pescentes. Insolari etiam est sole impleri, concoquiq; libr. II. cap. 3.

Ad instrumenti curam) Titulus est apud Iurisconsultos de fundo instructo, et instrumento legato. Vbi docet Vlpianus instrumentum dici apparatus rerum, sine quibus exerceri nequeat possessio. Idem ait, instrumenta fundi ea esse, que fructus quærendi, cogendi, conseruandi gratia parata sint. Triplex est instrumentum rusticum, Vocale, Semiuocale, Mutum. Vocale, in quo sunt serui. Semiuocale, in quo sunt boues. Mutū, in quo sunt plastra, ligones, falces, et alia. Hoc genus Græci uocant ἐργάλφα, γεωργινά, και στοκευα. lib. I. cap. 8.

Insuccanda) Aspergenda, et quodam quasi succo irroranda, madefaciendaq; lib. 7. cap. 4.

Iteratos tertiatos esse) Iterati dicuntur agri, quando secunda aratione coluntur, quod et offringere nuncupant, unde et iteratio. Tertiari uero, quando tertia aratione, et tertio sulco repetuntur, tuncq; boues lirare dicuntur. lib. 2. cap. 4.

Interordinium) Spatum quod est inter duos ordines dicitur interordinium, sicut interuallum inter columnas, intercolum

IN COLV MELL A M.

intercolumnium nominatur lib. 3. cap. 13.

Ad intertriginem) Intertrigo corporis uitium est, fit autem id malum, quando femina, id est, coxae interiores equitatu alia ue de causa atteruntur. Græci dicunt pacatrimma. Docet M. Varro intertriginem, & intertrimentum ab eodem uerbo deriuari, cuius uerba sunt hæc: Intertrimentum ab eo, quod duo, que inter se trita, & diminuta, à quo etiam intertrigo dicta. M. Cato: Intertrigini (inquit) remedium est, cum in uia ibis, absynthij pontici surculum sub anulo habeto.
lib. 6. cap. 32.

Intritam) Intrita uocabulo generali dicta est, ab intritu. Interdum esculenta est, saepius alijs rebus accommodata. Ait Terent. in Phor. Tute hoc intristi, tibi omne est exendum. Exposuit Donatus hoc, inter rusticos de alliato mortarij dici solere: Propriè enim, inquit, intrita dicitur huiusmodi cibus. Alia res est Catonis intrita, hoc est, emplastrum ad infitionem, cui emplastrationi nomen est maxime idonea. Plin. in 17. Sed id etiam apud ueteres Græcos inuenitur, & apud Catonem, qui oleam, ficumq; sic inseri iubit mensura etiam præfinita, secundum reliquam diligentiam suam cortices scalpro excidi quatuor digitorum longitudine, & trium latitudine, atque ita coagmentari, & illa sua intrita oblini: hic uidetur intrita pro fece uini ponit, sicut infrà ponitur intrita folliculorum, quibus acina uuarum conteguntur.
lib. 12. cap. 40.

Nisi interuaseris) Sicuti suprà, ita hic quoque corrigerendum est, interraseris. Nanque interradi dicuntur arbores, quando rami intermedij succiduntur, quoniam densitas officit, ideoq; laxioribus interuallis serendæ sunt arbores, interradi gaudent oliuæ, autore Plin. Columel. lib. 3. cap. 8.

& 12. cap. 19.

Inula

PHILIP. BEROALDI ANNOT.

Inula) Iulia Augusta illustravit inulam, dum ea uescitur quotidiano cibo. herba est hortensis, amara, & per se stomacho inimicissima, eadem dulcibus mixtis saluberrima. Defectus præcipue stomachi excitat.lib.12.cap.45.

Inurinare) Innatare, & mergi: urinantes uocant, qui sub undis natant, quorum frequens mentio apud Plinium. Vrina, ut docet M. Varro, ex eo dicta quod urinatur, id est, mergitur ad hauriendam aquam. Firmicus Maternus docet urinatores habere in horoscopo sydus delphini.lib.s. cap.14.

Totius iugi) Vinearum multæ species sunt, aliæ humiles, ac sine palis, aliæ sublimes, ut quæ appellantur iugatae, ut pleræque in Italia. quibus stat recta uinea dicuntur pedamenta, quæ transuersa iugantur, iuga nominantur: ab eo quoque uineæ iugatae dictæ. Iugorum ferè sunt genera quatuor, Pertica, arundo, restes, ac uites. Iugationis species duæ, una directa, altera compluuiata, hoc est, in longitudinem, & latitudinem iugata, dicta à cauis ædium compluuijs.lib.4.cap.18.

Iugario ad circumfeundum) Nomine iugarij significatur, qui iungit boues, iugumq; imponit, demittitq;. libro 6.cap.6.

Iugeratim) In singula iugera, aduerbum est, ea figura formatum, qua templatim, pagatim, uicatim, & alia sexcenta hoc genus.lib.3.cap.3.

Fracta iuga) Genus est uineæ, quam uocant iugum. Fit autem cum defixis humi palis annexuntur singulæ transversæ perticæ, per quas prorepunt uitis pampini. Id genus iugi canterium uocant rustici, inde iugata uinea scriptoribus rusticationis nuncupata.lib.4.cap.17.

Ad iusta) Integra, & plena sine diminutione.lib.6.ca.29.

Iuentus

IN COLV MELL A M.

Iuuentus) In apibus dicitur decenter iuuentus, gens, populus, plebs, &c cætera hoc genus, translatione ab hominibus facta.lib.9.cap.12.

L

Labello) Nomen est uasis, diminutiuum à labro, de quo M. Tullius: Labrum si in balneo non est, cura ut sit. Villicus habere debet ex præscripto Catonis labrum uinarium, labra aquaria quinq; labrum lupinarium unum.lib.12.ca.28.

In Lacinias) In particulas, ut separatim distributus, & particulatim diuisus bene conualescat: uocabulum dictum à lacinijs uestimentorum quæ cæsuratim sectæ, & quasi diuisæ sunt. Infrà ait, Separatim laciniæ deducantur. lib.7.cap.6.

Laconicis excoquimus) Balneæ ardentes, ne dicam calentes, fuerunt in usu quotidiano priscorum, quibus persuasissimum habebant in corporibus cibos coqui, & cruditatem digeri. In balneis erant tepidaria, caldaria, frigidaria: erant & sudatoria, quo ex genere est laconicum. ubi sudando, exercendoq; corpus, cruditatem digerabant, & appetentiam edendi prouocabant. Scribit Vitruvius Laconicum, sudationesq; coniungendas esse tepidario, qui saturitate epularum immodica crudi erant, & cacostomachi cruditateq; laborabant: hi ad balneas configiebant, & in sudatorijs, laconicisq; sudorem euocabant: ita stomachi, cruditatem digerentes, quam epulæ copiosiores affrunt. Cor. Celsus docet sudorem elici duobus modis, aut siccо calore, aut balneo: siccum calorem esse Laconicorum, quæ utilia sunt, quoties humor intus nocet, isq; digerendus est. Consimiliter Seneca in epistolis moralibus carpens hunc uentricolarum morem sic refert: Quid mihi cum istis calentibus stagnis? quid cum sudatorijs? in quæ sic-

cus

PHILIP. BEROALDI ANNOT.

cus uapor corpora exhausturus includitur. omnis sudor per laborem exeat. Poëtæ Satyrici consono ore carpentes ingluuiem helluonum, quorum Deus uenter est, consimiles sententias numeris poëticis complexi sunt. Horatius: Crudi tumidiq; lauemur. Persius: Turgidus hic epulis atque albo uentre lauatur. Iuuenalis: Crudum pauonem in balnea portas. Igitur Columella Satyrico morsu, et canina facundia inuenitus in delicias luxuriosorum ait, Romanos saturos cibo, potuq; distentos, excoquere digerereq; quotidianam epularum cruditatem in laconicis, hoc est, sudatorijs, ubi sudores digerebant, et ita apti rursus ad ganeata cibaria, coenasq; esculentiores reuertebantur. Laconicum autem, ut Dion tradit, à Laconibus dictum est inuentoribus: quoniam nudí, uncti q; ante alias in hisce sudatorijs exercebantur. Plinius autumat id genus instrumenta pessum dedisse mores bonos, et debellasse corpora Romanæ iuuentutis. Cet, in præfat.lib.1.

Lacon) Autor est Pollux, generofas canes esse Laconicas, Arcadicas, Argolicas, Celticas, Ibericas. Tradunt antiquitus Lacenas canes ex uulpibus, canibusq; progenitas: et ob id uocari Græco uocabulo ἄλωπεχίδας, quasi à uulpe uulpinares.lib.7.cap.1.

Lacusclos) Lculos, siue loculamenta disclusa ut unum quodque genus seorsum, ac separatim reponatur. M. Varro loculatas piscinas appellat in quibus generatim disclusi pisces continentur. Diminutuum est à lacu, et significat uas torcularis.lib.12.cap.49.

Aium lanistæ) Sicut lanista comparat familias gladiatorum, easq; edocet armorum disciplinam, ut mox uendat munerarijs: ita per translationem dicuntur lanistæ aium, qui gallinas parant, instruuntq; ad certamen, qui mos hodieq;

IN COLV MELLAM.

dieq; durat apud Boëmos : ubi primores præparant gallos gallinaceos pugnæ quasi gladiatoriæ, fiuntq; spōsiones precij non parui , dum unusquisq; pecuniam largam deponit, quā aūfert dominus uictoris gallinacei. Plinius refert Pergami omnibus annis spectaculum gallorum publice edi solitum, ceu gladiatorum.lib.8.cap.2.

Vel de lapide noxiū) Serui dicuntur de lapide empti, propterea quod uenales serui astabant in lapide, foro Romano ubi præco uenales proclamabat. Hinc illud Plautinū: In eo astas lapide, ubi uenales præco prædicat. M. Tullius in oratione contra Pisonem, non minus scienter, quam eleganter tribunos duos dixit esse de lapide emptos, quia mercede redempti fuerant, ut fauerent Cludio: Sicut serui de lapide pecunia comparantur. Labitur Merula errore manifestatio, qui enarrans hunc locum Columelle existimauit id totum referendum esse ad eos, qui de Capitolino lapide deiiciebantur, quod quam ridiculum sit interpretamentum, penitusq; ab intellectu scriptoris dissentiens, qui uis uel mediocriter eruditus intelligit.lib.3.cap.3.

Lapsana) Olus est sylvestre trium foliorum, diui Iulij carminibus præcipue iocis militaribus celebratum: alternis quippe uersibus exprobrauere lapsana se uixisse apud Dyr rhachium, præmiorum parsimoniam cauillates. Est autem id, ut inquii Plini.cima sylvestris.

Exiguum laseris) Virgultum clarissimum est, nomine laserpitium, quod Græci silphion uocant, cuius succum uocant laser, magnificum in usu medicamentisq; et ad pondus argentei denarij pensum. In Cyrenaica prouincia præstantissimum, unde epitheto optimo Catullus Cyrenas laserpiceras nominauit. Pallad. Græco uocabulo opon Cyreniacum appellat laser, quasi succum Cyrenaicum.
Galenus

PHILIP. BEROALDI ANNOT.

Galenus quoq; opij Cyrenaici mentionem crebro facit, intelligi uolens hoc laſer: quamuis mendose hæc dictio legatur in codicibus impreſſis. Plinius de laſere ſcripsit hæc: Laſer ex ſilphio profluens inter eximia eſt naturæ dona numeratum: pluribus compositionibus inſcritur, per ſe autem algores excalfacit. Potum neruorum uitia extenuat, fœminis datur in uino. à laſere laſerpiciatum acetum dictum. lib. 5. cap. 8.

Neq; latere) Id eſt pariete lateritio, & ſtructura ex lateribus coctis facta. Col.

In uentrem lateſcunt) Lati fiunt prægrandesq; & uentricosi. lib. 2. cap. 10.

Lentorem) Vulgo uifcoſitatem uocabulo barbaro appellant. Lentor dictio eſt infrequens: ſed oppidò quam elegas, Plinianiq; ſplendoris. lib. 6. cap. 4.

Leucoia) Candida uiola hoc nomine nuncupatur: Nam Græci leucon candidum, & ion uiolam dicunt. lib. 9. cap. 4.

Superposita libella) Norma eſt ſue instrumentum quo libratores aquarum utuntur. Structuras aedificiorum, ut inquit Plinius, ad normam, & libellam fieri, & ad perpendiculum respondere oportet. in alia ſignificatione libella in argento significat decumam partem denarij nummi. Semibella dimidium libellæ. lib. 3. cap. 13.

Liberæq;) Libera dea eſt, per cuius beneficium fœminæ emuſis in coitu ſeminibus liberentur, unde & nomen, quam etiam Venerem eſſe putant. Autor August. in ſexto de ciuitate dei. Quidam autumant Liberam eſſe uxorem Liberi patris, hoc eſt Bacchi: numen utriusq; in bacchanalibus celebratur. lib. 12. cap. 18.

Ligula) Nomen mensuræ paruæ, instar cochlearis, à linguae ſimilitudine ligula dicta. Quidam grammatici perti

IN COLV MELL A M.

pertinaciter contendunt lingulam dici debere potius, quam ligulam, quos hoc disticho taxat Epigrāmatista, Quamvis me ligulam dicant equitesq; patresq;, Dicor ab indoctis lingula grammaticis. Plinius lib. 20. Sunt qui comitialibus morbis dandum putant ligulæ mensura. Lingulam quoq; dicimus uinculum calceorum, de qua Iuuen. Et ligulas dimittere sollicitus. Lingulam dixere ueteres gladiolum oblongum in speciem linguae factum. lib. 12. cap. 22.

Ligone) Ferramentum est rusticum à legendō dictum. Nanq; eo propter latitudinem id quod sub terra est, facilius legitur. Vlpianus inter instrumenta fundi, quæ culturæ utilia sunt, enumerat ligones. lib. 2. cap. 16.

Ligustici) Ligustum est olus siue herba hortensis à Liguria nominatum. Plin. in v 111. Ligustum sylvestre est in Liguriæ suæ montibus, seritur ubiq; suauius satium, sed sine uribus: panacem aliqui uocant. Apitius condimentis apitianis frequenter immiscet ligustum. lib. 12. cap. 57.

Lirantur) In liras digeruntur sulcanturq; factis porcis, de quibus suprà scripti satis diligenter. lib. 11. cap. 2. hinc liratim aduerbiū per liras. lib. 11. cap. 3.

Mustum lixuum) Plinius & Græci scriptores protronpon uocant mustū sponte defluens antequā calcentur uiae.

Fœminæ locis) Id est genitalibus & naturalibus equæ. Locos propriæ appellant genitalia mulierum. Plinius: Fœminis eadem omnia præterquam uescicæ iunctus utriculus, unde dictus uterus: quod alio nomine locos appellant, hoc in reliquis animalibus uulnus. M. Cato: Mulier si eo lotio locos fouebit, nunquam hi uiriosi fient. Corn. Celsus: Quæ locis laborat, aut difficulter partum edit, sternutamento leuatur. lib. 8 cap. 11.

Loculamenta) Loculi sunt & receptacula quæ apud nos

88 fiunt

PHILIP. BEROALDI ANNOT.

funt uiminea, & ordine collocantur in peristerotrophioz
in quibus nidificant columbae. M. Varro loculatas piscinas
decenter appellat quibusdam quasi loculamentis distinctas,
ubi disparest disclusi pisces habentur.lib.8.cap.8.

Locustæ) Locustas intelligit, quæ sunt in genere secto-
rum, quas Græci ængidæs vocant, de quibus multa Plinius
noster in undecimo. Ecclesiastici conditores memorant
olim locustam totam execuisse Aegyptum. olim à locustis
ciuitas in Africa pulsa est. Aliæ locustæ sunt pisces. Fuit &
Locusta foemina uenifica, cuius Tranquillus, Tacitus, Iuue-
nalis commemerunt.lib.8.cap.11.

Ad lucubrationem uespertinam) Rustici duas habent lu-
cubrationes, easq; maxime noctibus hybernis: alteram ue-
spertinam, alteram matutinam, quam antelucanam vocant:
quia ante lucem euigilant. Literatis quoque consimiles sunt
lucubrationes, magna tamen dissimilitudine disparatae. Si-
quidem rustici lucubrantes rusticana opera efficiunt, &
uilia, literati uero diuina, & immortalia: illi corpus, hi in-
genium exercent, illi manus mouent in canabe, & ligno &
materia, hi inter chartas, & calamos scriptorios sunt occu-
pati, qua occupatione, nihil honestius, nihil potest esse pre-
stantius.lib.11.cap.2.

Optima habentur à lumbis) Membra hominis, & par-
tes ad alias quoq; res decenti translatione transferuntur.
Nam montibus poëtæ persepe dant caput, humeros, pe-
des. Nec Columella in uitibus lumbos, & humeros, inde-
center appellat eas partes, que si uitem metiaris, ut homi-
nem obtinent uicem lumborum, & humerorum. Cùm si-
militer Plinius dat uitibus digitos, pollices, caput, crines,
alia quoque humani corporis membra. Idem tradit ab hu-
meris arborum surculos petendos esse ad infitionem. Colu-
lib.

IN COLUMELLA M.

lib.de arb.cap.3.

M

Maceria) Sepimento . Plautus in Truculento : Maceria illa in horto in singulas noctes latere fit minor. M. Varro docet maceriam in fundo esse fabrile sepimentum , cuius species sunt quatuor , quod fit è lapide , quod è lateribus coctilibus, quod è lateribus crudis, quod ex terra, & lapillis compositis informe.lib.de arb.cap.18.

Maceſſat) Legendum est maceſſat , hoc est, macer fiat. Plautus: Maceſco, tabefſco, conſenſco miser.lib.7.cap.3.

Malagmatis) Malagmata medicamenta quæ molliunt, unde & nomen.lib.6.cap.16.

Maleorum) Corrige malleolorū. Sunt enim malleoli uocabulo apud scriptores rei rusticæ frequentissimo , surculi uitium utrinque capitulati, & ob id malleoli nuncupati, perinde ac mallei effigiem repræsentantes.lib.3.cap.21.

Malignis lignis) A malo arbore pomifera malignum lignum dici arbitror. Plin. melinum unguentum celebrat, ex eo dictum, quod ex malis cotoneis fit. Nam μῆλον Græcè malum appellatur.lib.7.cap.8.

Marathitē) Lego marathritē,hoc est, uinū ex fœniculo concinnatum, quod Græci marathron uocant. lib.12.ca.35.

Maritabis) Dicuntur decentissima translatione arbo ter maritari, quando illis uitis copulatur. Plin. consimili ter, Alternis, inquit, seruantur brachia , alternis putantur annis, sexto anno maritantur. Horatius quoq; dixit in Epo do, Altas maritat populos.lib.de arb.cap.16.

Materiam submittito) Id est , pampinum educato, producitoq; ad incrementum, ut mox fructum ferat. Frequens uerbum apud Columellam in hoc significatu, sicut & materia pro uirga siue palmite uitigineo. In sexto ait idem,

gg 2 Mate

PHILIP. BEROALDI ANNOT.

Materiam uocamus palmitem, ea & fructum, & noua flægella bene procreat. Alias materiæ appellatione significatur omne lignum accommodatum ad ædificandum. Ideoq; scribit Vlpianus: Si cui legata ligna sunt, ei arbores materiæ causa succisas non deberi. & ut autor est Paulus: Perticæ & pali in numero materiæ redigendi sunt, & ideo lignorum appellatione non continebuntur. Hinc materialius uocabulo Plautino dictus faber tignarius, & fabrica materiaria Plinio nuncupatur fabrica tignaria, quam De dalus inuenit. Apud Vitruvium uerba sunt materiali, & materialiones. Apud M. Tullium ædes male materialiæ, id est, tignis, trabibusq; male fultæ, maleq; adminiculatæ, & ob hoc uitium facientes. lib. de arb. cap. i.

Matrices) Quæ fiunt matres, & progenerant, uulgo matricem uocant genitalia foeminæ, qua fœtus ipse concipiatur, continenturq;. Eruditiores matricem ponunt pro ea quæ fœcunda est, & mater fit, & parit. Infrà loquens de gallinis, inquit, Sint matrices robusti corporis. Et est hæc dictio in hac significatione propè in usu Columellæ. Suetonius arborem appellauit matricem, ex qua plāta tantum foret. Videor, si memoria non labat, legisse apud Plinium, uno tantum in loco matricem ponî pro locis genitalibus secundum uulgarem significatum. lib. 7. cap. 3.

Mediastinus) Significat seruū ministerio rustico priuatum attributum, quod sane erat laboriosum. Sed quod in agriculturâ sit id officium mediastini, nō satis liquet, nisi accipias pro eo qui balnea curat & domum. Quidam etymon mediastini deducunt à medio astu, id est, ciuitate, quasi in media ciuitate ueretur, & mediæ urbis incola sit, quæ significatio planè conuenit cum illo Horatiano carmine: Tu Mediastinus tacita prece rura petebas. Quidam mediastin

IN COLV MELL A M.

mediastinum à medio stando uocari memorant, non pauci mediastinos tradunt dici uilissima quæq; mancipia, qui abiectissima quæq; officia tam in agro, quam in urbe inter seruos peragūt, ut omnibus pareant, nullius imperiū detrēstantes, quasi in medio, ac pro patulo ad omniū domesticorum iussa præsto sint. De mediastinis Nonius, Porphyrio, Priscianus. Ego re solerter, curioseq; per pensa, uideo apud Columellam mediastinos proprie intelligi eos operarios, qui in studio agricolationis uersantur: quales sunt occatores, sarridores, runcatores, messores: hoc signat ipse Columella scribens in secundo, posse ducentorū agrum iugorum subigi duobus iugis boum, totidemq; bubulcis, & sex mediastinis. Nam præter bubulcos mediastini sex, qui alij intelligi possunt, quam hi qui reliqua opera præter arationem in agricolatione conficiunt, ut est sarrire, runcare, occare, metere, & cætera hoc genus? sunt autem quasi hi in medio aratorum, & uinitorum consistentes. lib. 1. cap. 9.

Viridem medicam) nomen est herbae pabularis, de qua Vergilius: Tunc te quoq; medica putres Accipiunt sulci. Columella in secundo inter genera pabulorum, eximiāam scribit esse herbam medicam, quod semel feratur decem annis omnibus. lib. 7. cap. 4.

Melicum) M. Varro: Ad hanc rem electis maximis gallinis, nec continuò his quas melicas appellant falso, quod antiqui, ut thetin, thelin dicebāt, sic medicam, melicam uocabant. hæ primo dicebantur, quia ex Media propter magnitudinem erant allatae, quæque ex his generatae postea propter similitudinem. lib. 8. cap. 2.

Mellificijs) Mellī confiendo, operiq; mellifico. libro 9. cap. 13.

Melissones) Græci μελισσæ uocăt apes, unde melisso-

PHILIP. BEROALDI ANNOT.

nes dicuntur apiaria, quæ mellaria quoque nominant, loca uidelicet in quibus siti sint aluci apum. Loca quibus pascuntur anseres, Græca uoce nuncupant chenotrophia, Nam χῆρα dicitur anser. Leporalia dicuntur loca quibus uidelicet leporis inclusi pascuntur, quanquam M. Varro leporaria intelligi uelit omnia septa ædificia uillæ, quæ habent inclusa omnis generis animalia quæ pascuntur. In leporario (inquit) apri fuerunt multi. Scipio, qui purissimè locutus est, roboraria appellat uiuaria ferarum, à roboreis tabulis, quibus sepius solent. lib. 8. cap. 1.

Melimellis) Nomen est liquoris, composito uocabulo ex malis, hoc est cydonijs, & melle. lib. 12. cap. 45.

Menstruus fiat) Id est, ne id mense uno impendatur, absumaturq; quod per totum annum sufficere debet. libro 12. cap. 1.

Mentigo) Videtur in agnis, & hœdis mentigo id ferme malum esse, quod in hominibus mentagram appellant. Vtriusque uocabuli etymon à mento est, quoniam ab ea parte fere oriebatur, fœdisq; ulceribus mentum, os, labra, obsidebat. lib. 7. cap. 5.

Multi mergis) Videntur mergi esse ferramenta idonea metendis frugibus, quæ à Plinio mergites appellantur, sic scribente: Stipulae alibi mediæ falce præciduntur, atque inter duos mergites spica distinguitur. Notum est illud Maronianum, Aut fœtu pecorū aut cerealis mergite culmi. Exponunt grammatici mergites dici manipulos spicarum, quo intellectu an hic & apud Plinium mergi, mergitesq; accipi possint, & stiment eruditii. alias mergus dicitur in vinea, ubi supra terram uitis curuatur iuxta suum admiculum, à mergendo uidelicet nominatus, de quo Pallas dius hæc, Mergum dicimus, quoties uelut arcus supra ter-

ram

IN COLV MELL A M.

ram relinquitur, alia parte uitis infossa. Mergi post bienium reciduntur in ea parte quæ suprà est, & in loco iustas uites relinquunt.lib.2.cap.21.

Mergis propagare) Mergus genus est propagationis, ubi scilicet uitis iuxta suum adminiculum curuatur, atque perducitur ad uacantem palum, à mergendo dictus. Instar enim arcus curuatura fit in mergo, & ex arcu euocatur materia, quæ protinus applicata suo pedamento ad iugum trahitur. Vitis celerrime prouenit propagata mergis, qui Columellæ maxime probantur.lib.4.cap.2.

Simile miliario) Miliarium nomen est uasis: quo, ut ostendit Cato, utebantur in trapeto. Palladius, docet altum & angustum formari solitum, qui hoc idem memorans quod Columella, sic refert: Vas æneum miliario simile, id est altum & angustum, ueste intus cum lucerna collocemus, & in fundo eius ponamus lumen accensum, illuc papilioes conuenient, & circa lumen uolitabunt & angustia uasculi ab igne proximo in terra cogentur. libro 9.cap.14.

Patiere minime) Ad minus, ut uulgo dicitur, eloquitionis genus Columellæ peculiare. Plinius in eo significatu dicit munimum.lib.de arb.cap.16.

Mas & foemina aratro) Mos fuit prisorum in condendis urbibus, ut conditores taurum, & uaccam simul iungarent, cincti ritu Gabino, tenentes stiuam incuruam, ut glebae omnes intrinsecus euaderent, & ita sulco ducto loca murorum designabant, aratrum suspendentes circa loca portarum. Ex hac antiquorum consuetudine tractum est illud Vergilianum: Interea Aeneas urbem designat aratro. Hinc Ouidius quoque scribit in Fastis: Inde premens stiuam signauit moenia sulco, Alba iugum niueo cum

88 4 boue

PHILIP. BEROALDI ANNOT.

boue uacca tulit. videtur Colum. mutuatus esse hæc ex M.
Varrone ita scribente, Et æs antiquissimum est, quod con-
flatum, pecore est notatum, & quod urbs cum condita est,
tauro & uacca qui essent muri & portæ definitum. Colu.
in præfatione lib. 6.

Molitæ) Mola contusæ, media correpta pronuntiatur
molitum. lib. 6. cap. 9.

Muridas & exesas) Quodam quasi mucore obductas
corrosasq;. Mucor peculiare uitium est uini. Lex uenden-
do uino est, ut ueque muccat neque aceat. Proprium est,
ut Plinius uerbis utar, inter reliquos liquores uino mucesce-
re aut in acetum uerti. Satyricus poëta dixit mucida frusta
farinæ, intelligi uolens panem cibarium prædurum, ac mu-
core situq; inamabili obductum. Plinius ait gracilescere ui-
tem ac emucidam exire totam in fœtum nisi recidatur. lib.
de arb. cap. 6.

Mundum muliebrem) Appellatione mundi muliebris
significatur ornatus, quo matronæ fiunt mundiores, ele-
gantioresq;. Iurisconsultus autumat eo contineri spe-
cula, matulas, unguenta, uasa unguentaria, & si qua simi-
lia dici possunt, separatq; mundum ab ornatu, tanquam
mulier posset esse munda, nec tamen ornata. Verum ora-
tores, & historici luculenti, quorum autoritas apud me
in elegantia Latinitatis pro ratione est, mundum mulie-
brem accipiunt pro ornatu matronali, cultuq; & eo qui-
dem pretiosissimo, ut puta auri, purpuræ, & gemma-
rum. Ero interim contentus uno exemplo, quod suppe-
tit Liuius: Mundicæ ornatus, & cultus, hæc fœmina-
rum insignia sunt, his gaudent, & gloriantur. Hunc
mundum muliebrem appellauerunt maiores nostri: quid
aliud in luctu, quam purpuram, atque aurum deponunt?
quid

IN COLV M ELLA M.

quid aliud cum eluxerunt, sumunt? Lucilius satyrographus mundum muliebrem non masculino genere, sed neutro appellavit his uersibus: Legauit quidam uxori mundum omne penuq; Quod mundum, atq; penumnam quis dijudicet istud? lib. 12. cap. 3.

Muria dura) Muriam duram sic faciunt: Dolium oris patentissimi aqua cœlesti replent, siue fontana, tum indunt sportam iunceam plenam sale candido, qui quandiu liquefcet, signum erit nondum esse muriam maturam, itaq; subinde alias sal tandiū ingeretur, donec in sporta permaneat integer, nec minuatur, quod cum animaduerteris, tunc scias muriam habere maturitatem suam. Est aliud muriae maturæ experimentum: Nam ubi dulcem caseum dimiseris in eam, si pessum ibit, scies esse adhuc crudam: si innatabit, maturam. In alio significatu muria nomen est exquisiti liquoris, qui ex thymo fit præstantissimus. Antipolis muria laudatur. Hinc illud epigrammatistæ: Antipolitani (fateor) sum filia Thynni. Muriatica Plautino uocabulo dicuntur salsa menta. lib. 6. cap. 30.

Murinus) A' mure color murinus dici uidetur: alij à murra deducunt, quem Palladius mureum uocat, atque inter colores equinos maxime probari: uulgo murellum uocitant. lib. 6. cap. 37.

Muscantur) Musco herba inuoluuntur, contegunturq; ut quodam seu tegumento uestitæ aduersus frigora mu niantur: & ne sole findantur. lib. 11. cap. 2.

Mutuli) Sunt mutuli in ædificijs quædam proiecturæ prominentes in parietibus, de quibus ait Vitruvius, in quarto scribens: E cantheriorum proiecturis mutulorum sub coronis rationem inuentam esse, ita ferè in operibus lapideis, & marmoreis mutuli inclinatis sculpturis defor-

88 5 mantur

PHILIP. BEROALDI ANNOT.

mantur. ait M. Varro mutulos præbere sedilia auiibus.
Idem refert mutulos in pariete pro columbarijs esse ponen-
dos.lib.s.cap.9.

N

Napinæ, rapinæ) id est, sationes naporum raptorumq.;
M. Cato: Rapinam & coles rapicij unde fient, & rapha-
num in loco stercorato bene, aut in loco crasso serito. An-
notandum dici rapicum à Catone, prout uulgo uernacula
dictione usurpatur. Rapina in hoc significatu media corre-
pta pronuntiatur.lib.11.cap.2.

Nauus) Qui sit nauus, cognosces ex contrario, quod
est ignauus. M. Tullius in Oratore: Noti erant, & naui,
& nari, quibus cum in præponi oporteret, dulcius uisum
est, ignoti, ignaui, & ignari dicere, quam ut ueritas postu-
labat.lib.7.cap.9.

Picis Nemeturicæ) A' loco nomen accipit, ut Nemeturi-
ca diceretur.lib.12.cap.24.

Nepa) Nepam dicunt esse scorpium, quamvis quidam
cancerum dici existiment. M. Tullius, Pectusq; nepai. libro
11.cap.2.

Nepotum fructu) Palmites in uitibus nepotes nomi-
nantur, translatione facta ab hominibus, hominumq; so-
bole. Infrà quoque inquit, Nepotes natos discerpemus.lib.
3.cap.6.

Nesotrophij) Nesotrophium nomine Græcanico dici-
tur locus in quo anates aluntur. Græci enim νέστοψ uocant
anatem, & τροφήμ, alimentum. Scribit Plutarchus Catonē
Censorium aliuisse domesticos ægrotos carnibus nefarum,
& phassarum: expone anatum, & palumborum Græce
φάραρα dicitur palumbus.

Sine nitro) Qui uult brasicam uiridem efficere in co-
atura

IN COLV MELL A M.

Etura adhibeat nitrum , cuius natura non multum distat à sale. Hinc exiit illud epigrammatistæ : Ne tibi pallentes mouent fastidia caules , Nitrata uiridis brassica fiat aqua. Plinius: In coquenda brassica nitrum uiriditatem custodit. Apilius quoque inquit , ut omne olus smaragdinum fiat , cum nitro coquatur , olus autem smaragdinum pro uirenti positum est , à uirore smaragdi , qua gemma nihil est uiridius.lib.ii.cap.3.

Nomenclationis) Nomenculaturæ , nominationisq; uocat enim eleganter aucupium nomenclationis diligenciam illam immodicam , atq; superuacanæ percensendi nominatim uocabula omnium uitium , quarum infinitus est numerus , infinitæq; appellationes . de seruo nomenculatore scripsimus affatim in Tranquilli commentarijs.lib.3.cap.2.

Optima nomina id est , debitores . Luius nomina impeditiora , uocat malos debitores . Apud Iurisconsultos locutio usitatissima est , ut nomina pro debitis , & debitoribus usurpentur . Hinc illud Scæuola : Filio meo nomina ex Calendario quæ elegerit filius meus sibi x x.dare damnati sunt , sine dolo malo : & cum omnis propè substantia Calendarij x x. nominibus contineretur , quæsum est , an huic filio eorum nominum electio sit permittenda . In topicis argumenta ducuntur ex ea pecunia , quæ in nominibus debeatur . Apud Satyricum poëtam nomen hoc intellectu accipiendum est in eo uersu : Cum uenit ad dubium grandi cum codice nomen . Vbi codex significat librum , siue Calendarium , in quo ratio accepti , expensiq; prescribitur , de quo sic inquit M. Tullius : Non resert parua nomina in codice . id est , paruas summas debitæ pecuniae , non scribit in codice accepti , & expensi , in quo nomina , id est debitores , digerere , & diligenter prescribere negotiantur .

PHILIP. BEROALDI ANNOT.

res, mensurarijq; consuerunt. Illud Senecæ sat notum: Nunquām magis nomina facio, quām cum dono. Quò sententialiter ostendit, debitores ueros parari liberalitate oportere. lib. 1. cap. 7.

Nomophylacas) Vocabulum Græcum, siue Græcanicum est: quod significat legum custodes. Tradunt Græci scriptores, nomophylacas fuisse apud Athenienscs magistratum quendam, qui cogebat primores uti legibus. Differunt à nomothetis, nomophylaces, quoniam hi custodes sunt legum, illi conditores. M. Tullius in libro de legibus sic refert, Græci hoc diligentius, apud quos nomophylaces creantur, nech i solū literas (nam id quidem etiam apud maiores nostros erat) sed etiam facta hominum obseruabant, ad legesq; reuocabant. lib. 12. cap. 3.

Vini nota) Est uinum primæ notæ, quod est generosissimum, & secundæ, & tertiæ notæ, id est, secundi, & tertij loci, atq; ita gradatim prout bonitate præstat, dicitur quæcunq; uini nota, pro, uinum quodcunq; tam nobile, quām ignobile. Horatius: Chio nota si commixta Falerni est. lib. 12. cap. 19.

Noxæ dedimus uelut carnifici) Verbum est iurisconsultorum, quod significat tradere seruum nocentem noxam, id est, delictū actori iniuriarum. Nam quando seruus deliquerat, licebat domino ditione ipsius corporis, quod deliquisset, euitare litis aestimationē. Detracta noxæ ditione, dabatur noxalis actio in dominum: qui si decessisset, hæres eius non tenebatur, ut docet Ulpianus, titulo de noxalibus actionibus. Igitur nunc quadam decenti similitudine conqueritur Columella rem rusticam dedi, ac tradi pessimis seruis, uelut carnificibus tanquam nocentē, ac pessime tractandam, sicut seruus qui deliquerat à domino

IN COLV MELLAM.

mino dedebatur illi, cui nocuerat: et per eam noxae dedicationem transferebatur dominium in actorem. Dedita autem noxae mancipia à nouo domino male multari, tractariq; solebant. Hinc obnoxius obligatus poenae dictus ob noxam, id est, delictum. Col. in præfat. lib. 1.

Nubilarium applicari) Rusticum ædificium est nubilarium, à nubilo aëre dictum, sub quod totam messem fundi, et semitrita frumenta conferre rustici consueuerunt, si repentinus imber per trituram interuenerit. Id autem nubilarium iuxta aream est faciendum: dicitur et nubilar. lib.

1. cap. 6.

Numellis) Numellæ, quarum mentio fit à Plauto, sunt uincula, quibus quadrupedes in pascuis deligantur, unde et nomen. impositum est: siquidem Græca uoce νομεῖαι dicuntur pascua, unde et Apollo Nomius creditur esse cognominatus. lib. 7. cap. 8.

Numidicam dicunt) Dissentit à Varrone scribente, gallinas Africanas à Græcis appellari Meleagrides, tanquam res una sit, nomina tria: ut Africanæ, Numidice, Meleagrides pro uno, eodemq; autio habeantur. Sunt autem gallinæ gibbosæ uarijs plumis sparsæ, que ob id à Martiale dicuntur guttæ Numidice. Ab Horatio, Afra auis: de his intelligi uoluit Papinius in syluula: Quas udo Numidæ legunt sub austro. lib. 8. cap. 2.

O

Obescant) Esca pascunt, ac saginant, ab esca ductum uerbum obescare, sicut et inescare. lib. 8. cap. 7.

Opus obibit) Peraget, adibit, lib. 4. cap. 24.

Obligat) Alligat, obligare uulnus est alligare, fascijsq; uinciri. lib. 11. cap. 2.

Obsidia) obsidionem, et insidiæ. lib. 9. cap. 7.

Obsole

PHILIP. BEROALDI ANNOT.

Obsoletior) Squalidior, decoloratiorq; lib.2.cap.11.

Obstetricum) Obstetrics dicuntur, quæ præsto sunt
fœminæ parturienti, dictæ ex eo, quod opem ferant, uel ut
interpretatur diuus Ambrosius, quod obsistant, ne fœtus
recens editus in terram defluat. Plinius & Aristoteles fre-
quenter testimonia citant obsteticum, tanquam in rebus
talibus peritis marum: nanque diutino usu, qui magister
est optimus, exercitatisimæ non parum multa melius no-
uere, quam medici.lib.7.cap.3.

Cum obstipæ fues) Obstipum uocabulo antiquo dicunt
obliquum. Solent hypocritæ tristes, & adumbrati phi-
losophi incedere ceruice obstipa, & capite obliquato.
Hinc exiit illud Persianum: Obstipo capite, & figentes
lumine terram. Horatius: Stes capite obstipo, multum si-
milis metuenti. Scribit Sueton. Tiberium fuisse ceruice ri-
gida, & obstipa. Plinius noster memorans & ipse signa
ægrotantis suilli pecoris, quod à Columella dicitur obsti-
pum, dixit obliquum: sic enim inquit, Index suis inualidæ
cruor in radice setæ dorso euulsa, caput obliquum in in-
cessu.lib.7.cap.10.

Inoccatum) Occatione facta satum. Occare autem, hoc
est glebas comminuere satores solent, & quasi occidere,
unde & nomen. Quidam ab occæcando occasionis uo-
cabulum dictum esse autumant. Occator nominatur is o-
perarius, qui facit occasionem. Iocus Plautinus hinc in-
notuit: Occatorum dicere debebas prius: nam semper oc-
cant priusquam farriunt rustici.lib.2.cap.8.

Occidit mane) Occasum matutinum intelligit. De quo
Plinius scitissime scribit: cum uero ait, Exoritur mane, si-
gnat ortum matutinum.lib.11.cap.2.

Tam otij, quam negotij. M. Tullius in oratione pro
Plancio

IN COLV MELL A M.

Plautio sic scribit: Etenim M. Catonis illud, quod in principio scriptit Originum suarum semper magnificum, & præclarum putauit: Clarorum virorum, atque magnorum non minus otij, quam negotij rationem extare oportere. Econtrario dicere solebat Galba, neminem rationem otij sui reddere cogi.lib.2.cap.22.

Oculi domini) Maiores fertiliſſimum in agro oculum domini esse dixerant: & ut autor est Aristoteles in Oeconomicorum primo, Persa interrogatus quid equum maximè saginaret, oculus domini respondit. Item Libycus quod sterlus agro foret utiliſſimum, domini inquit, uestigium. Huc pertinet scitum illud Catonis, Frons occipitio prior est, quo eleganter significatur frontem, hoc est præsentiam domini, & aduentum plus prodesse fundo, quam occipitum, id est, absentiam atque discessum. Alibi tradit Columella oculos, & uestigia domini res esse in agro saluberrimas.lib.3.cap.21.

In Oeconomico) M. Tullius secundo de Officijs sic refert: Has commodiſſime Xenophon Socratus persecutus est in eo libro, qui Oeconomicus inscribitur, quem nos ista ferè ætate cum essemus, quo es tu nūc, è Græco in Latinum conuertimus.lib.11.cap.2.

Offa) Massula, & frustum.lib.12.cap.38.

Oleastellum) Ab oleastro forma diminutionis deducitur oleastellum, tanquam olea hoc etiam nomine dicta sit, quia similis est baccæ oleastri, hoc est, oлиuæ sylvestris. lib.12.cap.24.

Oliuitas) Oliuitatem grammatici esse dicunt, frustum oleæ. Verum, ut ego sentio, non tam fructum oлиuæ significat hæc dictio, quam tempestuitatem, tempus que oлиuæ legendæ, ipsamq; collectionem tempestiuam, & ut ita dicam

PHILIP. BEROALDI ANNOT.

cam uindemiam olei. Hoc docet ipse Columella qui paulo
mox inquit, Media est oliuitas, plerumq; initium mensis Se-
ptembris.lib.12.cap.47.

Vvae ollares) Scriptores uvas ollares uocant quae in ol-
lis fictilibus conditae perennant, sunt durabiles. Plinius tra-
dit uenuculam uam ollis aptissimam. Hinc illud Horatia-
num: Venacula conuenit ollis. De ollaribus uuis ait Papi-
nius in hendecasyllabo: Ollares rogo no licebat uvas. Qui-
dam creta figulina uvas illinunt, siccatas q; sole suspendunt
usu diluentes cretam. Liguria uvas sole siccatas iunceis fa-
scijs inuoluunt, Græci platani folijs inuoluunt, aut ipsius ui-
tis aut fasci. Ollares uvae, hoc est, in ollis seruatæ, os stomati-
chumq; & auditatem excitant, paulo tamen grauiores exi-
stimentur fieri uinaciorum halitu. Galenus eas celebrat, pu-
tatq; saluberrimas. Docet hoc in loco Columella quemad-
modum ollæ fictiles parandæ sint, quibus uvae conditæ ser-
uentur.lib.12.cap.43.

Velut olympionicarū equarum) Equæ dicuntur olym-
picæ quæ in olympico certamine uictrices sunt, sicut
olympionicas uocant uictores athletas in olympijs ludis.
M.Tul.Cum Rhodius Diagoras olympionices nobilis uno
die duos suos filios uictores olympiæ uidisset. Apud Græ-
cos esse olymponicem iudicatur propè maius & glorio-
sius, quam Romæ triumphasse.lib.3.cap.9.

Itemq; onagro) Asinus sylvestris dicitur onager, cuius
pullos uocant lalitiones. Epigrammat ista: Dum tener est
onager solaq; lalilio matre Pascitur, hoc infans & breue
nomen habet. Tradit Plinius multum ex onagro & asina
genitum omnes antecellere. M.Varro, Asinorum genera
duo, unum ferum, quos uocant onagros.lib.6.cap.36.

Ὥρνιθος ροφία) Græci ὥρνιθα gallinā uocat & alitē, τρο-
φή

IN COLV MELL A M.

φήρ alimētum: unde ornithotrophia loca nominamus quibus gallinæ inclusæ saginantur. Dicuntur et ornithones generali uocabulo, sunt avium receptacula, auaria inferius lata dictione nominantur gallinaria. lib. 8. cap. 2.

Opacentur (Obumbrentur. lib. 5. cap. 3.

Operculati) Operculis tecti. lib. 11. cap. 2.

Opiuchos) In coelo supra Scorpionem constitutum est sydus ita figuratum, ut manibus anguem medium teneat: unde à nostris dicitur anguifer et anguitenēs, à Græcis ophiuchos, qui dicunt ὄφιψ serpentem, καὶ ἔχω teneo, Quidam appellant ophiulcum, ab eo quod est ἐλκω traho, celebratior est prior lectio. apud Higinum fabulosa narratio est quis fuerit hic anguitenens. Habet in capite stellam unam, in utroq; humero singulas. In sinistra manu tres, in dextra quatuor. Totus constat ex stellis numero uigintitribus. lib. 11. cap. 2.

Orbiculata) De his mentio fit à Cælio scribente: Malis orbiculatis esse pasti uidentur. Plinius autor est orbiculata dici ex figura orbis in rotunditatem circumacti. libro 12. cap. 45.

In orcas) Vasa sunt fictilia quibus penora conduntur. Persius, Menaq; quod prima nondum defecerit orca. Apud eundem accipitur pro uascole oleatorio, scribentem, Angusto collo non fallier orcae. Apud Plinium orca est bellua marina formidandæ uastitatis et formæ. De orcis ficarijs, id est quibus fici conduntur, sic inquit Plinius in x v. At ubi fecorum copia abundat, implentur orcae, in Asia cadi. lib. 12. cap. 15.

Opimant) Pingue faciunt, et saginant. lib. 8. cap. 9.

Orchos) Legendum orchis, species oliuæ est et nomen, orchis, siue orchites, Vergilius tria oliuarum genera di-

PHILIP. BEROALDI ANNOT.

xit illo uersu: Orchites & radij, & amara pausia bacca. In codicibus mendosis legitur orchades: autumant grammatici orchites dici à forma testium, qui Græcè nominantur ὄρχης, unde & buteonē, quod genus est accipitris, triorchenes vocant, quia scilicet tres numero testes habet. lib. 5. cap. 6.

Organum) Docet Vitruvius nomine organi machinas significari multifarias in architectura. lib. 3. cap. 13.

Origum) Ex genere caprarum sunt origes à quibusdam soli dicti contrario pilo uestiti, & ad caput uerso. Iuuensis, Et Getulus orix. Item epigrammatista. Sæuus orix constat quid mihi morte canū. Scribit Plinius origem esse unicorner, & bisulcum. Idem tradit, in Africa generari origē perpetuo sitientem ex natura loci potu carentem, cum mirabiliter efficax sit ad remedia sitientium. Namq; Getuli latrones eo durant auxilio, repertis in corpore eorum saluberrimi liquoris haustu uescis. lib. 9. cap. 1.

Ornithiæ) Fauonium uentum quidam Chelidoniam uocant, ab hirundinis uisu, quæ Græcè dicitur χελιδών. Tūc enim incipit flare, cum hirundines aduentant per uer. Non nulli appellant ornithiam ab aduentu auium, quæ Græco uocabulo ornithes nominatur. Flāt autem uenti ornithiæ, ut docet Pli. uno & septuagesimo die post brumā. Aristoteles quoq; in secundo Meteororū tradit, ornithias flare post brumam, esse etesias debiles. De etesijs, alibi plura. lib. 11. cap. 2.

Ornithones) Septa in quibus aues pascuntur, ornithones appellantur Græca dictione. siquidem ὄρνιθες dicitur auis, et gallina. Boëthius cōposuit ornithogonia, id est, de auium generatione. Lege Varronem, & Gellium, qui te docebunt quid sint ornithones. Item M. Varro ornithoboscion nominat gallinaria, hoc est, loca, quibus gallinæ inclusæ pascuntur. lib. 8. cap. 1.

Orth.



IN C O L V M E L L A M.

Orthocissos) Graeco uocabulo orthocissos dicitur recta hedera, quæ per se rigens stat sine adminiculo.lib.11.cap.2.

Oscilla lupinorum) Quæ hic oscilla lupinorum dicuntur à Columella, ea Plinius noster uocat umbilicos, cuius uerba subscripti: quæ sunt: hæc cum uerbis Columellæ congruētia, Condi lupinos in fumo maximè conuenit, quoniam in humido uermiculi umbilicum eius in sterilitatem castrant. Videntur autem dici oscilla, quasi parua ora tertio gradu diminutionis, unde ex oscilla Vergiliana commode deduci possent, quamvis grammatici aliter enarrant, quibus non assentior. Quidam malunt legere oscilla lupinorum, quasi ossa minutula, uocabulo ab osse, non ab ore, deflexo, uerum agricolæ super hoc consulendi. Mos fuit priscorum, ut oscilla fictilia, id est, imagunculae, et sigilla uenderentur, quæ homines pro se, et pro suis capitibus in sacellum Ditis offerreret, in festinitate sigillariorum.lib.2.cap.10.

Oues uestire) Hinc pellitæ oves dictæ, quale erat pecus Tarentum, de quibus suprà diximus.lib.2.cap.22.

Oxygalam) Docet Plin. oxygalam appellari butyrum quod in summo fluit, et supernatat, cui additur exempto sal: fit ex oxygala alio modo, uidelicet, recens lac cum acido late miscetur, acescitq; quod ex utilissimum stomacho. Græcè dicitur ὄξος acetum, ἥπαρ γάλα, lac, inde copulatis dictiōnib; fit oxygala. Galenus meminit casei, quem oxygalacticum appellat. Nunc noster Columella plurimis condimentis docet oxygalam fieri.lib.12.cap.8.

Oxymelli) Fit uinum ex aceto, et melle quod oximel uocauerunt uoce Græcanica. Nam ὄξος dicitur Græcis acetum, et μέλι mel. Fit autem oxymel hoc modo: Mellis decem libræ cum aceti heminis quinq; hæc decies subserue faciunt, atq; ita sinunt inueterare. Themison summus autor,

hh 2. damna

PHILIP. BEROALDI ANNOT.

damnauit oxymel, & hydromel. Est autem hydromel uinum ex aqua & melle confectum, unde & nomen. Celebrat autores et omphacomele, quod fit ex uue semiacerbae succo, & melle fortiter trito, unde & nomen, Græcè enim ὄμφαξ dicitur uua acerba, & ὄμφακας uocant uas, & fructus immaturos. Hinc omphacium oleum dictum, quod ex oliuis acerbis uas drypas uocant, fit: & omphacium ex uua, quod uulgò agreste nominitant. lib. 17. cap. 95.

Oxyporum) Condimenta, quibus inest acetum, quæq; acc to diluuntur, generali uocabulo uocat oxypora. Græcè enim acetum dicitur τὸ ὄξος. Ex eodem genere est oxybaphon, quasi dicat, intinctus aceti: quanquam oxybaphon uas quoq; sit acetum cōtinens, ut docet Suidas. Oxybaphi meminerunt Aristophanes, & Pollux. Plin. in x x, differens de fœniculo sic scribit: Id ipsum condimentis propè omnibus inseritur, oxyporis etiam aptissimè. Ex eodem quoq; genere est oxygarum: sic enim uocant liquamen gari cum aceti mixtura conditum. Plinius in x x x 1. docet liquoris exquisiti genus esse, quod garon uocaucre, quod olim conficiebatur ex pisce, quem Græci garon uocabant, unde & nomen. Postea ex scombro pisce laudatissimum factum est, appellabantq; garum sociorum. De oxygaro ait Epigrammatista: Inter latucas oxygarumq; liber. lib. 12. cap. 56.

P

Ex ueteri palma) Nomine palmæ uitem significari suprà annotauimus. lib. 3. cap. 17.

Vitis paletur) Palis adminiculetur, & pedamentis fulciatur. lib. 11. cap. 2.

Paleæ) Membranas illas intellige quæ sub gutture gallorum sunt pendulae tanquam quædam palearia. M. Varro, Palca rubra subalbicanti. lib. 8. cap. 2.

Palmi

IN COLV MELL A M.

Palmipedalis deponi) Dicitur malleolus palmipedalis, qui habet longitudinem pedis, & palmi. Palmum autem constare digitis quaternis docet Vitruvius. Pes Constat ex palmis quatuor, hoc est, digitis sexdecim. Cubitus ex sex palmis, id est, digitis 96. lib. 3.

Palmas relinquimus) Vitis ut docet M. Varro, dicta parilema est, à pariendo, deinde immutatis literis palma. lib. de arb. cap. 10.

Pampinare) Vineam pampinare, & pampinos superuacuos detrahere. Arbusta pampinari non est moris. Nam, ut inquit eleganter Plinius noster, plurimae arbores amputari sibi uolunt onerosa, & superuacua; sicut nos unguem, & capillum. In pampinatione non hos oportet pampinos detrahere, qui cum uua sint. lib. 13. cap. 10. hinc pampinator. lib. 4. cap. 17.

Pampinarius palmes) Duo genera palmitum: quod è duro exit, materiamq; in proximum annum promittit, pampinariū uocatur, alterum fructuarium. lib. 5. cap. 6.

Nec pandantur) Curiuntur, pandere & pandare uidentur usurpatum in eadem significatione pro curuari. Unde pandationes dictæ curuationes. Plinius: Facile panditur iuglans. Vitruvius in 11. Vlmus & fraxinus non habent rigorem, & celeriter pandant. Idem in v 11. Cum solidus erit contignationibus arescentibus, aut pandatione sidentibus. lib. 4. cap. 17.

Panxeris) Plantaueris, à pango. lib. 11. cap. 2.

Cum rationibus paria facere) Id est, ratio accepti expensis; bene conueniat, ut quantum pecuniae accepit à domino, tantum reddat, eloquutionis genus perquam familiare eruditioribus. lib. 1. cap. 8.

Parilibus) Parilia appellant diem uigesimum primum mensis Aprilis quo Roma condita est, quæ & palilia no-

hh 3 minan

PHILIP. BEROALDI ANNOT.

minantur à Pale dea pastorum. Solinus autumat parilia dici quasi à partu Iliæ, uidelicet Romulo & Remo conditoris urbis Romæ. Festus Pompeius sic scribit, Parilibus Romulus urbem condidit, quem diem festum præcipue habent minores. Plinius tradidit fidus sacularum uulgo appellatum esse palicium, quoniam exoriuntur undecimo Cal. Maij quo urbis Romæ natalis est. Probus grammaticus docet parilia dici per literam transpositam, quæ si suo loco poneretur, palilia diceretur. lib. 7. cap. 3.

Et parta) Nouè positum pro fœta, & ea quæ peperit. lib. 7. cap. 4.

Pastinationis officium) Pastinare in cultura vinearum uerbum frequens pro eo quod est fodere, & repastinare, refodere. Pastinatus Plinio est nomen quarti ordinis pro pastinatione: dicitur autem à pastino, quod ferramentum est bifurcum, quo semina panguntur. Pastinator, ipse fossor nuncupatur. lib. 3. cap. 11.

Pauicula) Instrumētum est à pauiendo dictum. Est enim pauire, ferire, percutere, solidare, unde paumenta nomen acceperunt. Cato Portius, Communito terram pauicula, aut cylindro coæquato. lib. 11. cap. 3.

Pauseam) Genus est oliuæ quæ & posca nominatur, cuius meminit Maro illo uersu, Orchites & radij & amara pausia bacca. lib. 12. cap. 7.

Pecuarius) Custos pecoris, quem & pastoralem uocant. lib. 7. cap. 12.

Vnum hoc diuitiarum genus) In decretis canonici ex diu Augustini autoritate sic scriptum legimus: Quicquid antiqui habebant, in pecoribus habebant, unde pccunia quoque appellata est. Subscribit huic opinioni Ouidius illo uersu: Hinc etiam locuples, hinc ipsa pecunia dicta est. Plinius

IN COLV MELLAM.¹¹⁹

nus uero autumnat pecuniam à nota pecudum esse appellatam, quæ primum signatus est nummus. Donatus Vergilianus commentator autumnat pecuniam, ideo à pecore dictam, quia antiquitus fiebat ex corio bubulo. Inde apud scriptores nummi scortei nominantur ex corio facti. lib. 6. in p̄fatione.

Pedandæ uincæ) Id est, pedamentis sive palis munientes. Dicimus palum, pedamen, pedamentum, statumen, ridicam pro adminiculo atq; fulcimento, quo uitis innixa recta consistit. lib. 4. cap. 13.

Herba pedicularis) Alia est herba quam pulicarem vocant, quæ Græce dicitur psyllion. Habet enim semen simile pulici, unde et nomen Ψύλλος Græca uoce pulex dicitur. lib. 6. cap. 30.

Pediculos) Petioli, pedicini, pediculi dicuntur, quibus fructus in arboribus continentur, quasi parui pedes. libro 12. cap. 44.

Pelamis) Ex thynno nascitur cordyla, quæ à limo pelamis incipit uocari, quasi lutaria ac limosa: ubi annum tempus exceſſit, appellatur thynnus. lib. 8. cap. 17.

Peragere laboris sui pensum) Translatio sumpta ab ancillarum ministerio, quibus dominæ dant pensa per singulos dies absoluenda, nec antequam absoluatur ullum datur laxamentū. M. Varro consimiliter: Quoniam nos nostrum pensum absoluimus. Et Plautus: Mcum pensum lepide accue rabo. lib. 3. cap. 10.

Serum percolari) Liquorem lactis quodam̄ quasi colatario eliquari defecariq;. Vergilius: Pasce sero pingui. lib. 7. cap. 8.

Peristerones) περιστέρα dicitur columba: unde peristeronas uocant columbaria, quæ et peristerotrophia nominantur
hh 4

PHILIP. BEROALDI ANNOT.

natur: quamuis propriè columbaria dicantur nidificia columbarum, quæ singulis paribus fiunt intra peristerotrophion, quæ, ut docet M. Varro, debent esse rotunda in ordine crebra, ita ut singula habeant os quo introire, et exire possint. Peristereos uocatur herba, caule alto, foliato cumine; columbis admodum familiaris, unde et nomen: hanc habentes negant latrari a canibus. lib. 8. cap. 1.

Nec perlibrata) id est, non ad libellam æquata, nec uelut ad normam æquabiliter complanata. M. Varro consimiliter inquit, Campester locus, is est melior, qui totus æquabiliter in unam partē uerges, quam is qui ad libellam æquus. lib. 2. cap. 2.

Perosæ) Odio habentes lib. 8. cap. 11.

Perticalis salix) Duo sunt genera salicum: sunt uiminales, ex quibus uimina fiunt, et uincula. Sunt perticales, ex quibus perticæ cæduntur. Viminalis salix est humilior, perticalis sublimior. lib. 4. cap. 31.

Velut petum) In oculis peti dicuntur modice deprauati. Id quod cum uenustate potius quam de honestamento. Vnde Venus oculo peto esse traditur iuxta illud Ouidianum, Minerva flavo numine, Venus peto. Apud Horatium in Sermonibus, Strabonem appellat petum pater. Hinc Romæ fuerunt cognomina Petorum. Hinc petum accipe pro bono, et lepido: tanquam uocabulum hoc tractum uideri posse à uerbo Græco τέτουμαι, quod uolare significat. Nam ex uolatu avium signa obseruantur prospera, et optabilia. lib. 6. in præfat.

φαγεδάναι) Phagedænæ sunt ulcera, quibus Plinius remedia multa ostendit efficacissima. Item phagedænas uocant homines sine fine esurientes. lib. 9. cap. 13.

Pyctes) Gallinaceum pugnatorem scite uocant pycten, quasi

IN COLV MELL A M.

quasi pugilem, & in pugna athletica certantem. τοῦκτος
Grece pugil nominatur. Vnde & pyctale certamen appellatum
quod inter pyctas fit. Diction quidem Greca est, sed
nostris quoq; usitatisima. Firmicus Maternus scribit lepo-
ris sydus in horoscopo facere pyctas machærarios. Helioga-
balus, autore Lampridio, gladiatores ante coniuvium pu-
gnantes sibi, & pyctas frequenter exhibuit. libro 8.
cap. 2.

Pinsiti allij) Allium pinsitum intellige id, quod uulgo di-
citur pistum, & molitum. lib. 6. cap. 6.

Piperis albi) Tria piperis genera celebrat scriptores, al-
bum, nigrum, longum. Arbores que gignunt piper, iunipe-
ro sunt similes, siliquae tostae sole faciunt id, quod uocatur pi-
per longum. Hoc tostum solibus fit nigrum, & rugosum,
quod gratius est. Hinc illud Persianum, Rugosum piper,
& pallentis grana cymini. Apud Horatium ait Catius ga-
neæ magister, Ego fecem primus & alec, Primus & inue-
ni piper album. Galenus in simplicibus piper album docet
feruentis esse naturæ. lib. 12. cap. 56.

Pipiant) Vocem emittant. Gallinæ dicuntur pipire sicut
oues balare, sues grunire. Pipatio dicitur clamor plorantis
lingua Osca. lib. 9. cap. 5.

Piscis austinus) Duo sunt in signifero pisces: alter no-
tius, siue austinus nominatus, quia ad austrum spectat: al-
ter boreus, quia spectat ad polum arcticum, & regionem
borealem: Coniunctio horum piscium nodus uocatur. libro
11. cap. 2.

Pastinale) Lego pistinalc à pistriño. Nam & Plautus,
pistores uocat scrophipascos, tanquam scrophas in pistriño
pascentes. lib. 7. cap. 9.

Pollentia) Nomen est ciuitatis cisalpine, que censetur
hb z ueller

PHILIP. BEROALDI ANNOT.

uelleribus fuscī coloris. Hinc illud Silij, Fuscīq; ferax Pollen
tia uilli. Epigrammatista quoq; celebrat lanas Pollentinas.
lib. 7. cap. 2.

Thuris polline) Farinam sine flore autumat Plinius pol
linem in tritico appellari, quod in silagine uocant florem.
Hinc pollinatores dicti, cōfēctores pollinis. Hinc pollinaria
cribra, siue excussoria farinaria. lib. 6. cap. 29.

Pondo libras) Quod genus locutionis frequentissimum est
apud scriptores, ut pondo ponatur pro libra: unde ueteres
autore Quintiliano, dixerūt duapondo, & trepondō, pro
duabus, & pro tribus libris. Interdum pondo, pro pondere
usurpatur. Liuius: Corona libræ pondo. lib. 6. cap. 6.

Imporcatum occabimus) Sunt porcæ in agris elata ter
ra inter duos sulcos, ab eo dictæ, quod frumentū porriūt.
Nam cūm sic aratum est, ut inter duos latius distantes sul
cos medius cumulus siccām sedem frumentis præbeat, ea
porca est. Rustici easdem liras uocant. Hinc imporcatum se
men eleganter dictum per porcas ingestum: apud Plinium
legimus, porculeta uocari ab Umbris, & Marsis interualla
intermissa ad uicenos pedes, inter binas uites arationis grā
tia. Idem porcellas uocabulo diminutionis appellat. Aut
mant grammatici, porcas in agris dictas esse, quod porri
ciant, id est, prohibeant aquam frumentis nocere, uel quod
porrigent frumentum. Mensura autem porcæ, est in longi
tudine c x x v. pedum, in latitudine x x x. libro 2.
cap. 10.

Porculatoris) Porculator propriæ dicitur, qui curat
porcellos lactentes. Porculatio nutricatus porculorum. li
bro 7. cap. 9.

Porri caput) Id genus porri intelligit, quod uocant ca
pitatum, ad differentiam eius, cui sectiuo nomen est. Cū
autorit

IN COLV M ELLA M.

autoritatem dedit Nero, uocis gratia uestens eo ex oleo omnibus diebus per menses aestatis. Antiqui uolentes facere capitatum porrum, silice, uel tegula subiecta capita dilatabant.lib. II. cap. 3.

Sicut preciae) De his Vergil. Purpureæ, preciæq;. Existimat Seruius dici precias, quasi præcoquas, ex eo, quod citò maturescunt, & ante alias salc coquuntur.lib. 3. cap. 2.

Præsidarij malleoli) Qui quasi in præsidio relinquuntur, uitiumq; tutela, quales sunt fructuarij. Est in uite palmes, quem quidam custodem, alij resecem, nonnulli præsidarij appellant: à Columella alibi subsidiarius quoque nuncupatur.lib. 4. cap. 16.

Primas tribuerunt) Honestæ locutio, ut primas tantum absoluteq; dicamus pro primatum, & primum locum, ac primas partes, nec opus est addere partes. Sic pleriq; omnes ex ueteribus scriptoribus, qui pure, munditer, Latine, scribere consucuerunt. Quintilianus: Secundas confessione plurimorum Philetas occupauit. M. Tullius loquendi norma, & scribendi lex sic inquit: Huic primas dedisse Demosthenes dicitur, cum rogaretur, quid in dicendo esset primum, huic secundas, huic tertias.lib. 2. cap. 17.

Procyon) Horatius ait in carminibus: Iam Procyon furit. Dicitur hoc sydus Græca uoce procyon, quasi ante canem exoriens: de quo M. Tullius: Ante canem procyon Graio qui nomine fertur. Hoc sydus, ut autumat Plinius, apud Romanos non habet nomen, nisi uelimus intelligi caniculam, hoc est, minorem canem: exoritur cum Leone, ut docet Higinus.lib. II. cap. 2.

Prodromi) Etesias uentos significat, qui prodromi uocantur, ex eo, quod præcurrunt, anteceduntq; ortum caniculae. Ioannes Baptista dictus est prodromos, tanquam præcur.

PHILIP. BEROALDI ANNOT.

præcursor domini.lib.ii.cap.2.

Productissimum) Longissimum, procerissimumq; libro.3.
cap.10.

Progemmet) Gemmas emitat lib.4. cap.24.

Proluuiie) Stercore. Verg. Fœdißima uentris Proluuiies.
lib.8.cap.3.

Rebus promercalibus) promerciales res dicuntur, que
uenales inter mercimonia proponuntur. Sicut à Suetonio
promercale aurum dictum, ab Aulo Gellio, promercalia,
que uenii subiiciuntur. Denique quicquid pro merce distra-
bitur, id promercale dici potest. Alibi ait Columella consi-
militer pecuniam neque in pecore, neque alijs rebus pro-
mercalibus occupet.lib.1.cap.8.

Proritet) Inuitet, incitet, allegetet.lib.3.cap.2.

Non prouinciale, sed Italicus ager) Attendenda est ele-
gantia scriptorum celeberrimorum, qui regiones omnes
præter Italiam prouincias appellant, & homines bifariam
partiuntur, in Italicos, & prouinciales. Plinius in Epistolis:
Italicus est, an prouincialis. Infrà Columella duo genera fa-
cit arbustorum, alterum Italicum, alterum prouinciale, quasi
dicas, externum, & peregrinum.lib.3.cap.3.

Pulicose) Quam pulices infestant: sic & pediculus dī-
ctus plenus pedicularum.lib.7.cap.13.

Pullationem) Pullorum prouentum, foeturamq;, & edu-
cationem.lib.8.cap.5.

Pullescit) Sobolescit, & pullulos, foetusq; progignit: inter-
dum uitis luxuria se consumit.lib.4.cap.21.

Pullicies) Pro pullis, & pro prouentu, & foetura pullo-
rum.lib.8.cap.11.

Pullula terra) Coloris nigri, quem pullum uocant. Pulli-
go Plinio est nigritia quædam lanarum Tarætinarum, pro-
pè

IN COLV MELL A M.

pē peculiaris, declinans in fuluum colorem.lib. 2. cap.

Ocum pulmonariam) Pulmone laborantem: in cuius pulmonibus uitium est. Græco uocabulo peripneumonici dicuntur, hi quos pulmo male habet, & qui Latina uoce pulmonarij nominantur.lib. 7. cap. 5.

Pulmonariæ) Pulmonis uitio laboratis, hoc est, peripneumonice, prout Græco uocabulo nominantur.lib. 7. cap. 10.

Pultarios) Vascula sunt, à pulte dicta: apud Cor. Celsus frequens est mentio uasculi pultarij.lib. 12. cap. 43.

Vberior puluerationibus) Plinij uerba sunt huic sententiae mirè congruentia, quæ subscripsi. Transpadanis cineris usus adeo placet, ut anteponant simo iumentorum: sunt qui puluere quoque uiuas ali iudicent, pubescentesq; puluerent, & uitium, arborumq; radicibus aspergant, quòd certum est Narbonensi prouinciae & vindemias certius sic eo coqui, quia plus puluis ibi, quam sol confert.lib. 4. cap. 28.

In puluinis) Puluinos per translationem appellat partes illas in areolis hortorum, & uinearum cultura molliores, eminentioresq;, & quedam quasi dorsa, quibus perinde ac puluinis molliter semina disponuntur, lib. de arboribus. cap. 10.

Pumiles) In omni genere animalium sunt pumiliones, atque etiam inter uolucres, ut docet Plin. Dicimus pumilos, & pumiliones. Papinius in sylvis: Mirantur pumilos fericiores. Sunt autem pumili, siue pumiliones breuis staturæ animantes, nam Græca uoce, uulgo quoque usitatisima dicuntur. Aul. Gellius asserit nanum Latinam esse dictionem. Hinc illud, Et me genij nana per salicta bigis rheda rapit citata nauis.lib. 8. cap. 2.

Fuerit pusilosa) Ovis dicitur pusilosa, quam infestat sa-

cer

PHILIP. BEROALDI ANNOT.

cer ignis, quām pusulam uocant pastores. Vnde à pusula pū
silosa deducitur.lib. 7. cap. 5.

Q

Quadratas) Quadrata corporis statura dicitur eruditis,
quæ neque longa, neque breuis sit, sed in meditullio posita.
Vespasianus imperator fuisse fertur statura quadrata. Qua-
dratum canem probat infrā Columella, melioremq; ait esse,
quām longum aut breuem.lib. 7. cap. 9.

Quadrifidas ridicas) Tanta est crassitudo, & robur ta-
leæ, ut scindi possit in quatuor partes, & quaterna peda-
menta, siue statumina, siue adminicula, quæ ex ridicæ uo-
cantur. Consimiliter inquit poëta: Quadrifidasq; sudes.
lib. 4. cap. 33.

Sint quala) Vasa sunt viminea in supellectile rustica.
quas illum diminutiuo uocabulo appellant vas lanificijs
aptum, qui ex calathus dicitur, in quo pensa mulierum, &
trama uoluuntur. Horat. Tibi qualum Cythereæ puer ales.
Prisci Thalassionem uocauerunt. A puleius: Qualum panis
rumigabam. Præcipit Cato, ut uillicus habeat in instru-
mento rustico uiginti quala satoria, uel atuos quadragin-
ta, quibus frumenta quæ serimus, continent satores. libro 7.
cap. 3.

A Quinquatribus) Quinquatria sunt feriæ quinque
dierum dicatæ Mineruæ, quæ mense Martio celebrabantur.
Quidam autem Quinquatrum unum tantum diem
festum esse ex eo dictum, quod post diem quintum Iduum
celebraretur, sicut sexatrus dictus, post diem sextum Idus
celebratur, & septimatrus post diem septimum. De quin-
quatribus Ouidius in Fastis copiose perscribit. Meminit &
Horatius illo uersu, Ac potus puer ut festis quinquatribus
olim.lib. II. cap. 3.

In

IN COLV MELL A M.

In quincuncem disponūt) In disponendis arboribus & uincis, maximē laudata est quincuncialis ordinum ratio, ut potest quae non solum per flatu utilis sit, uerum & aspectu grata, quocunq; intueare in ordinem se porrigitente uersu. M. Tullius: Cum autem admiraretur Lysander & proceritates arborum, & directos in quincuncem ordines. Quiniil. Quid illo quincunce speciosius, qui in quancunq; partē spectaueris, rectus est, sed protinus id quoq; prodest ut terrae succum æqualiter trahat.lib.3.cap.13.

R

Radula) Instrumentum est à radendo dictum, quo utebantur in radenda ducendaq; pice doliorum, unde & nomen. Hinc docuimus apud Plinium radulanam appellari pice, propterea quod radula raderetur ex dolio, ducereturq; quamvis uiri alioquin eruditirabulanam legendū esse contendant. Verba Plini ex libro quartodecimo hæc sunt: Italiæ in parte aliqua radulana pice ac resina condire musta uulgare est ei prouincijsq; finitimiis.lib.10.cap.18.

Ramices) Rami & pertice. Alias ramex morbus est, de quo Celsus, Plinius, Plautus, omnes. Vnde ramicosi infantes dicti.lib.9.cap.1.

Rapistri) uidetur posuisse rapistrum pro rapo, quod & rapitium & rapinam appellant.lib.9.cap.4.

Ratiocinio) Ratiocinium dicitur supputatio, computum, calculatio: Ratiocinator, calculator, apud Plautum ait trapezita. Beatus uideor, subduxerat ratiunculam, expeditissimum ratiocinium, intellige supputationem facilem & explicatam.lib.3.cap.1.

Bonis ac malis rationibus) Ad hunc intellectum uidetur referri posse illud Plinianum, Quoniam modo utilissime coluntur agri: ex oraculo scilicet malis ac bonis. Verum

PHILIP. BEROALDI ANNOT.

rum atavi malorum nomine intelligere uoluere uilissimos:
summum enim prouidentiae illorum fuit, ut quam minimum
esset impendij.lib.4.cap.3.

Rauidi) Rauus color est subniger ex nigro fuluo commis-
tus. M. Varro consimiliter præcipit gallos eligi oportere
oculis rauis aut nigris. Ab Horatio lupa raua dicitur ob co-
lorem. Festus Pompeius scribit raui coloris eos appellari,
qui sunt inter flauos & cæsios, quos Plautus appellat raui
stellos. Quis (inquit) rauistellus qui uenit? Atqui in Plauti
Epidico non omnes legunt rauistellus, imò plures graua-
stellus. Est autem grauastellus senior à grauitate dictus,
quam lectionem nos probamus, & probat idem ipse Pompeius
in dictione grauastellus.lib.7.cap.2.

Regelatur) A gelu resoluitur: & calescit. Martialis, Re-
gelare nec te pestilentia posset. Seneca de ipso loquens ait,
Vix media regelatur æstate.lib.1.cap.4.

Regiona) Legendum regia. Plinius, Præsertim cum ma-
gnitudine copiam olei non constare indicio sint, quæ regiæ
uocantur, ab alijs maiorinæ, & ab alijs phaulicæ grandissi-
mæ alioquin, minimo succo, hoc idem monstrat Columella
eodem capite.lib.6.cap.6.

Renouellatur) Reparatur, rursusq; nouella fit. Nouelle-
tum dicitur iure consultis nouella uinea.lib.de arb.cap.6.

Repastinabis) Refodies, uerbum ductum à pastino,
quod est ferramentum bifurcum, quo semina panguntur,
unde etiam repastinari dicitur sunt uineæ, quæ refodieban-
tur: consuetudo repastinare uocat quicquid emoti terreni ui-
netis præparatur.lib.de arb.cap.1.

Repubescere) In pristinam pubertatem, iuuentutisq; flo-
rem reuerti, consimile est repuerascere, & reuirescere.lib.
2.cap.1.

Repull

IN COLV MELL A M.

Repullescentem) Resurgentem, subnascentem, & nouel-
lis pullulis, palmitibusq; exilientem.lib.4.cap.24.

Rertri) Repoliri, uentilar. lib.2.cap.2.

Retorrida) Quasi exusta, & amissis viribus intempe-
stiuit senescens. Seneca: Mutij manum retorridam appelle-
bat, quam ille, ut notissimum est, iniectam flammis torrere
non dubitauit. In arboribus ea dicuntur retorrida, quae non
adolescunt, quae quasi torrida occalescunt, quae scabra sunt,
fructumq; non ferunt. Aulus Gellius homines retorridos
scite dixit & eleganter. Retorrescere dicuntur uites, quan-
do non profiliunt, neq; adolescunt legitimo incremento.lib.
de arb. cap.17.

Resecem submitti) Pampinum resecem uocat, qui rese-
ctus, recisusq; melius prouenit, fitq; fructuosior, à resecando
resecem deriuamus. Summittere autem est educare, alereq;
ad incrementum, quod uerbum est apud Columellam in hoc
significatu frequentissimum.lib.3.cap.10.

Occupandum erit restibile) Inter restibilem agrum, &
noualem hoc interest. Restibilis dicitur, qui nunquam inter-
quiescit, sed restituitur: ac seritur quotannis, ut quotannis
reddat fructum. Noualis uero est, qui intermittitur, & al-
ternis annis seritur, à nouando dictus. Restibilem fœcundi-
tatem dixit Plinius, intelligi uolens eam, quae internissare
restituitur in fœminis, quae parere desierint. M.Varro, In
olynthia quotannis restibilia esse dicunt.lib.2.cap.10.

Reuerentiam) Attende nouo modo positam esse reue-
rentiam, pro desperatione, & formidine, tanquam reuera-
mur, ac reformidemus discere scientiam rusticationis pro-
pter uastitatem rei.lib.11.cap.1.

Ricini) Vermiculi sunt infestantes capita canum, & ma-
xime aures. Est & uermiculus aliis in lingua canum, qui

ii uocatur

PHILIP. BEROALDI ANNOT.

uocatur à Grecis Lytta , quo exempto infantes catuli, nec rabidi sunt, nec fastidium sentiunt.lib.7.cap.13.

Aut ridicrā) Legendum ridicā. Est enim ridica pertica, siue pedamentū robustum, quod optimū in uineam ē queru ac iuniperō afferri solet. In Hispania uineæ sunt humiles, ac sine ridicis, ut docet M.Varro.lib.4.cap.12.

Rostellis) Pusillis rostris, uocabulum est diminutiuum. lib.8.cap.5.

Colore rubeo) Dic rubro , quoniam rubeus exploditur à Latinitatis elegantia : legitur tamen frequenter rubeus. lib.6.cap.1.

Amat rubricam) Plinius ex densiore terra rubricam maximē amat. Est autem rubrica terræ genus rubicundo colore : unde & nomen. Hinc rubricosus deducitur. Cato, Lentem, inquit, in rudeto, & rubrico, qui herbosus non est, serito. Plin.præcipit ex autoritate Catonis, in rubricoso solo serendum esse adorem far. Alias rubrica significat pigmentum, siue colorem natuum. Lemniæ rubricæ palmandabant, ita nominatae ab insula Lemno, in qua nascebatur. Hec est antiquis multum celebrata, nec nisi signata uenundabatur : unde & sphragidem appellaverent. Græco uocabulo σφραγίς dicitur sigillum signatorium. Hinc gemmas quoque quasdam sphragidas uocant celeberrimi scriptores, quoniam optimē signant. Galenus libro.10. Simplicium, refert se in insulam Lemnon nauigasse causa contemplandi hanc rubricam Lemniam : docetq; planius, & apertius, quod Plinius subobscure dixit, & breuiter cur sphragida appellauerint : Sacerdos Diana, inquit, rubricam Lemniam reuerenter accipiens, curioseq; perpurgans signat sigillo Diana impresso, ita signata uenundatur.lib.2.cap.10.

Rudicula



IN COLV MELL A M.

Rudicula) Virga , diminutuum uidetur factum à rude gladiatoria, à qua rudiarij dicti , de quibus copiosè anno-tau i in tertio Suetonij commentario . Plinius ait , lanas in quodam usu medico adhiberi non curatas rudiculis , hoc est , ut ego interpretor , non excussas , agitatasq; uirgis à batuentibus , sicuti Bononiae lanas quotidie curari conspi-cimus , uel potius audimus : fit enim crepitus sonorus ex percussu rudicularum . Scio aliter locum illum Plinianum & legi , & explicari ab eruditis , sed mihi commodior ui-detur lectio , & intellectus purior quem retuli . frequens est mentio rudicularum apud eundem Plinium in hoc si-gnificatu.lib.2.cap.45.

Ita constitutum suprà) Videtur legendum in consti-tutum Rumponitum , siue Rumpotinetum , genus arbusti Gallici . ut huc eodem capite docet Columella qui mox ait , Arboribus rumpotinis frumentum nō inseritur . M. Varro tradit traduces à quibusdam rumpos appellari , ubi ex ar-boribus in arbores traductis uitibus uinea sit . lib.5.cap.5.

Rustici) Castor oxymyrsinem myrti folijs acutis , ex qua fiunt ruri scopæ , ruscum uocavit , de quo poëta , Horridior rusco . lib.7.cap.10.

Rutabulo) Instrumenti nomen est , quo etiam utebantur ad coquendos pances : inuenitur positum & pro uirili membro . Portius Cato præcipit , ut uillicus habeat rutabulum unum . lib.12.cap.21.

S

Sacer ignis) Malis ulceribus annumerari solet facer ignis , cuius duæ sunt species . Alter est subrubicundus ex-asperatusq; per pustulas continuas , exiguae q; in quibus semper fere pus , & saepè rubor cum calore serpit . Alterum genus est in summae cutis exulceratione , sed sine altitudi-

ii 2 nc la

PHILIP. BEROALDI ANNOT.

ne latum subliuidum. Omnis sacer ignis difficilimè sanescit.
Græci ἱερὰν νόσον uocant. Vergilius docet sacro igni pe-
cudes infestari cùm inquit, Contactus artus sacer ignis ede-
bat.lib.7.cap.5.

Sagasq; Fœmijæ sunt diuinatrices, & ariolæ, dictæ,
quasi satis agæ, de quibus est illud poëticum, Polluta est
magico saga ministerio. Piatrix quoque alio uocabulo
dicebatur, quæ expiare erat solita. Sagis clangoribus æ-
ther, ait Statius Papinius: Exponit commentator sagis, Id
est, diuinis. Vnde & præsagia prædiuinationes dici autu-
mat. Aliter sentit Cicero.lib.1.cap.8.

Sagitta) Inter sidera est sagitta, quam Herculis fuisse
fabulantur, qua aquilam interfecisse dicitur exedentem io-
cinora Promethei.lib.3.cap.17.

Salaciſſimos) Libidinosiſſimos & rei Veneriæ appen-
tentiſſimos. Caudam salacem dicit Horatius genitalia.
Bulbos salaces, epigrammatista, quia extimulant libidine.
Homo salax dicitur ad rem ueneram propensus & uali-
dus.lib.8.cap.2.

Velut salebras retardante) Legendum salebra per abla-
tiuum tanquā asperitas illa tortuosæ uitæ, & curuæ, quasi
salebrosa retardet cursum humoris terreni, nec sinat ali-
menta ob flexum permeare ad summum uitæ fastigium.li.
4.cap.20.

Salgamis) Salgama dicuntur obsonia & penora con-
ditiva, quæ longæ uisionis causa conduntur ferè in fictili-
bus, interdum ſicca ſepe cū liquamine & iure, quæ mox
cum opus eſt, promuntur ad uſum edendi. Inde salgama-
rius dictus, qui salgama ſcīte concinnat. Ausonius: Salga-
ma non hoc ſunt, quod balsama. In codice imperatorio li-
bro 12. legimus Salgami nomine contineri culcitram, lignum
oleum

IN C O L V M E L L A M.

oleum. Sed cum omnis latinitatis elegantia procul sit ab id genus scriptoribus, uocabulorum significatio ab eis pertenda non est, in quorum castra nonnunquam transeo, non ut transfuga, sed ut explorator. Vis scire quae sint salgam? nimirum ea sunt quae deinceps toto hoc uolumine Columella demonstrat, qua conditura conficiantur ac seruentur. exempli causa, olera, poma, pyra, fici, uuæ, & alia id genus compluscula. In salgamis condendis frequens est usus aceti, salis, muriæ, mellis, aquæ mulæ, defruti, aliorumq; liquaminum. lib. 12. cap. 4.

Saliuandum pecus) Saliuato potionandum. Saliuatum quod à quibusdam saluiatum dicitur, potionis est genus quo in ueterinis iumentisq; maxime utuntur ueterinarij, hoc est medici ueterinorum. Sunt autem ueterina animalia quæ uehere possunt. Saliuatum à saliuia quasi succo dictum uidetur. Qui saluiatum legere mauult, à saliuia siue sale nuncupationem trahit. Saluiati Plinius quoque commenit, & inferius à Columella dictum est, per uuam late saluiatur. lib. 6. cap. 5.

Salsamentarijsq;) Salsamentaria appellant uasa, quibus salsamenta condi solent. lib. 2. cap. 10.

Nucibus sapineis) Est unum genus nucis pineæ sapienum nomine, nucleorum cute uerius quam putamine adeo molli, ut simul mandantur. lib. 12. cap. 5.

Sardineam) Nomen piscis uilioris, existimo eum esse quem uulgs uernacula lingua fardelam appellat. libro 8. cap. 17.

Samera) Annotauimus in superioribus sameram siue ameram dici s. men ulmorum. lib. 7. cap. 6.

Sansam) Sansa dicitur osciculum oliuæ, Græci πίθυρις uocant. lib. 12. cap. 49.

PHILIP. BEROALDI ANNOT.

Sarranæ violæ) Epitheton est poëticum, siquidem poëtis sarranus color est purpurcus, à Tyro quæ olim dicta est Sarra. Verg. Sarrano dormiat ostro.lib.9.cap.4.

Cura sarritionis) Sarrire est sarculo, quod ferramentum rusticum est, aperire segetes, & terram permouere ad herbas perimendas, & rubiginem propulsandam, unde sarratio & sarritor dictus operarius sarritionis, & sarritoria opera, & sarritura, id est sarritio & fossæ.lib.2.cap.12.

Saxatilis notæ) Pisces saxatiles uocant quod in saxis ac petris stabulentur: medici recentiores petrinos appellant, eosq; maximè probat. scribit Cor. Celsus saxatiles pisces esse leuiores in esca.lib.8.cap.16.

Latentibus scannis) Agricolæ uocant scanna glebas grandes, quæ solent excitari prima aratione: cum in proscutto crudum solum, immotumq; relinquatur, quod caendum esse præcipit lex rusticationis. Hinc illud Plinianum: Scanna inter duos sulcos cruda ne relinquuntur, glebæ ne exultent. Scanna quoq; dicuntur in arboribus ramorum, quasi sedilia, sicut & tabulata.lib.2.cap.4.

Scandulæ) Paulo suprà asserculos dixit, intelligi uolens asseres modicos, & graciles: nunc scandulas uocat consimili significatu. Et, ut in Commentarijs Apuleianis annotauimus, uidentur dici scandulæ à scandendo: quoniam ad tectum scandulare gradibus ascendimus. Est autem scandulare tectum superior pars domus, quæ tegulis est proxima. Scribit Plinius, Vrbem Romanam scandula fuisse contextam usq; ad bellum Pyrrhi. Scandulæ è robore aptissimè fiunt, alijsq; arboribus glandiferis.lib.7.cap.3.

Scapus asphodeli) Plinius frequenter ponit scapus pro stipite plantæ, & caule. Est autem Asphodelus herba, Hesiodi præconio celebrata, cuius mentionem & Homerus fecit.

IN COLV MELL A M.

fecit. Manditur et semine tosto, et bulbo, sed hoc in cinere
tosto, dein sale, et oleo addito, folium habet oblongum, et
angustum.lib.9.cap.4.

Scarificatione) Scarificatio sunt minutæ cutis incisuræ,
qua in cucurbitis quoque imponendis utimur: est et
scarificatio utilis arboribus, cum incisuris perpetuis laxant
corticem, uelut cutem, acie falcis, et ita dilatæ cicatrices
renato corpore expletur, siuntq; arbori salutares. Nam
magna ex parte similis hominum medicina, et arborum
est. Apud Plinium perperam legitur caprificatio, pro scarifi-
catione.lib.6.cap.12.

Scaurorum) Lege scarorum. Sunt enim Scari pisces, qui
soli dicuntur ruminare, et herbis uesci. Scaro olim datus est
principatus inter pisces, de quo Martial. Hic scarus æquo-
reis qui uenit obesus ab undis, Visceribus bonus est, cætera
uile sapit.lib.8.cap.17.

Schoenum) Græci σχοῖνον uocant iuncum: opinor hoc in
loco intelligendum esse de iunco illo odorato, cuius memi-
nit Plin.in 12. qui gignitur iuxta montem Libanum. Tra-
dunt iuncum quoq; odoratum in Campania inueniri. Idem
Plinius in compositione unguentorum adhibet et iuncum.
Est aliud quoddam genus iuncorum, quod à Græcis oxy-
Schoenon uocatur, sed nihil ad hunc intellectum. Prætereà
schoenus nomen est mensuræ, ut placet Eratostheni, stadia
quadraginta continet. Aliqui x x i. stadia singulis schoenis
dedere. Barbarorum gentes itinera metiuntur partim schoe-
nis, partim parasangis, ut Persæ: partim leucis, ut Galli: par-
tim stadijs, et passibus, ut Romani.lib.12.cap.20.

Σκύλαξ) Nomen cani accommodatum: dicitur enim σκύ-
λαξ Græcè catulus. Scribit Pollux in quinto Onomastico,
τρεφήμ εἰναι σκύλαξι ἐκ τῶν μητέρων γάλα.i.alimentum

ii + esse

PHILIP. BEROALDI ANNOT.

esse catulis maternum lac.lib. 7. cap. 12.

Scyllam legito) Scylla species est cæpe, siue bulbi, à qua acetum scylliticum dictum. Accommodata est medicamina bus. De lino quoq; scyllitico, quod cum scylla fit, mentio fit à Palladio, & scylliticum acetum, quod oculorum aciem exacuit.lib. 12. cap. 38.

Sine scipionibus) Plinius dixit apertius sine farmentis: infrà quoq; ait, Modicè separatis scipionibus, scipiones uidelicet usurpans pro racemis lignis, & scapis, quibus uiae continentur, & acina iuh. erescunt.lib. 12. cap. 39.

Non scobem, sed ramenta) Scobis nomine significatur illa minuta tritura, que ex sectione serræ, & terebratione terebræ decidit in terram. Inde scobina dicta, quæ lima fabrilis est, & instrumentum. Iuuinalis: Semodio scobis hæc etenim dat seruulus unus. Item Horatius: Vilibus in scopis, in mappis, in scobe quantus Existit sumptus. Ouidius in ob-sceno carmine. Quam pro sanguine puluerē, scobemq;, Inuenis medici putant habere. Ramenta uero sunt frustula paulò crassi ora, maioraq;, & quasi recisamenta. Plinius ait uas in scobe, ramentis' ue abiectis populi, fraxini, utiliter seruari. Descobinata crura uocabulo prisco dixit M. Varro, pro faucijs, abrasis, desectis.lib. de arb. cap. s.

Scopula) Diminutiuum est scoparum. Scoparius dicitur, per quam eleganti uocabulo conuerritor, hoc est, minister, cuius ministerium est scopis pavimenta conuerrere: quod maximè fit à prandio, & à cœna.lib. 12. cap. 8.

Minus scrupulose) Ut sit aduerbium, hoc est, minus dili genter, minusq; solicite.lib. 9. cap. s.

Secundæ) Membranas intelligit quæ foetum sequuntur, uulgo secundinas uocant, Græco uocabulo ὑγέρας apud Plin. Ad secundas innumeræ sunt medicinæ.lib. 7. cap. 7.

Rustici

IN COLV MELL A M.

Rustici sedum appellant) Democritus semina omnia scri iubet, medicata succo herbæ, quæ appellatur à Græcis aizoon, id est, semper uiua. Alij buphtalmon uocant, quasi oculum bouis. Alij zoophthalmon. Sunt qui ambrosiam. Latini sedum appellant, aut oculum, aut digitellum: nascitur in tegulis, seriturq; in uasculis fictilibus. lib. 2. cap. 9.

Semiformes) Semiformati, nondum perfecti, neque toti partibus suis consummati. lib. 8. cap. 5.

Seminarium) In agricolatione seminarium est quædam quasi nutrix nouellarum plantarū. Significat enim locum, in quo plantaria adolescunt: ut mox illinc translata migrant in suam sedem. Natura enim arborum, sicut hominum auida est nouitatis, & peregrinationis. Et cum nutrix sæpe indulgētior sit, quam mater: melius plantæ in seminario proueniunt. quod succosum, clapidatum esse debet, minimeq; rimosum. Nunc Col. docet, qualc sit eligendum, parandumq; uitibus seminarium, quod à Plinio quoq; cæterisq; prescribitur. lib. de arb. cap. 1.

Seminis, ac decumanis distinguere) Emendo semitis, uel semitanis, ut ea forma dicat semitanos sulcos, qua decumani nuncupantur. Plinius hoc idem scribens, dixit, oportere uineas quintanis semitari, hoc est, ut in quinto quoq; pale singulæ iugo paginæ includantur. Igitur quod à Plinio distum est semitari uerbo elegantissimo, id à Colum. dicitur semitis, siue semitanis distinguui. Decumanus uero limes uocatur, qui secat agrum ab exortu, ad occasum; sicut cardo appellatur limes per agrum currens. à septentrione ad meridiem (oportet utur Plin. uerbo utar) uineas limitari decumano. lib. 3. cap. 20.

Sentem canis) Palladius hoc idem referens ait: Alij spinarum plantas, & semina in munitione disponant, sed

ii 5 melius

PHILIP. BEROALDI ANNOT.

melius erit rubi semina, & spinæ, quæ rubus caninus uocatur, matura colligere, & cum farina erui ex aqua macerata miscere, funes dehinc sparteos ueteres hoc genere mutationis sic inducere, ut intra funes seruentur usq; ad uerni temporis initia. lib. II. cap. 3.

Seriæ) Vasa sunt fictilia. Persius: Crepat argenti mihi seria dextro Hercule. Idem: Seriolaे ueteris metuens deradere limum. Terentius: Releui dolia omnia, series omneis. libro 12. cap. 18.

Sesquicullearibus) Dicuntur sesquicullearia dolia, quæ continent culleum unum cum dimidio. Est autem culleus cax pax uiginti amphorarum, ut indicat Plinius, in 14. quod & Priscianus evidenter ostendit, his uersibus: Est & bis decies, quem conficit amphora nostra. Culleus, hac nulla est maior mensura liquoris. Alias culleus dicitur supplicium parricidarum: de quo in secundo commentario Suetonij copiose perscripsimus. lib. 12. cap. 18.

Sesama) Lego sesama. Præcipit Colu. in secundo, sesama ab æquinoctio autumnali esse serenda. Hinc oleum sesamum dictum est, & alterum genus sesamodes. lib. 13. cap. x.

Sesquiopera) Significat sesquiopera, integrum operam, & dimidiā, & hæc particula in omni ferme compositione habet talem intellectum, ut signet totum illud, de quo agitur, eiusq; dimidium ut sesquidigitus dicatur unus digitus, & dimidiatus, itidem sesquihora, sesquipeda lis, sesquicyathus, sesquimodius. M. Varro tradit annum diuidi in octo sesquimenses, ut singulis sesquimensibus integer mensis, & dimidiatus attribuatur. Libro nouissimo Columellæ, dolia sesquicullearia nuncupantur, quæ uidelicet unius cullei cum dimidio sunt capacia. Sesquiplagam dixit Tacitus, intelligi uolens non unam tantum plagam suffic

IN COLV MELL A M.

suffecisse ad hominem obtruncandum, sed opus quoq; fuisse
dimidio secundæ plagæ.lib.2.cap.83.

In sesquipedali Altitudine sesquipedali, hoc est, pedis
unius & dimidiati.lib.4.cap.9.

Sestertium) In mensuris sestertium accipe pro duobus
pedibus, & dimidio, sicut in nummis continet duas libras,
& scilicet libram.lib.de arb.cap.1.

Sextula) Aeris minima pars est, sextula ex eo dicta,
quod sit sexta pars unciae.M.Tullius in oratione pro Ce-
cina: Fecit heredem ex deuncia, & semiuncia Cecinnam,
ex duabus sextulis M.Fulcinium libertum superioris uiri.
Eruitio sextulam aspergit. Priscianus in opusculo metrico:
Sextula quæ fertur, nam sex his uncia constat.lib.5.cap.1.

De siccaneis) Siccanæ dicuntur, quæ gaudent siccita-
te, sicut ediuerso rigua, quæ humore lœtantur. Pratorum
duo sunt genera, alterum siccaneum, alterum riguum. Quod
siccaneum uocat, suapte natura foenum prosignit. Riguū
uerò irrigatione est refouendum, & humoris pabulo sa-
ginandum. Λιμωδίατις τοπ θαρρεῖη, id est, fame mori, miser-
rimum est. Liuius consimiliter: Maiorem partem militum
fame, ac frigore, quæ miserrima mortis genera sunt, amisi-
set.lib.2.cap.2.

Sicilicus) Autore Prisciano, Sicilicus est dimidium sextu-
læ. Quidam autem sicilicum esse semiunciam, ex eo di-
ctum, quod secet unciam. Verū Festus Pompeius docet, non
dimidium unciae, sed dimidium semiunciae, dictum quod se-
miunciam secet, tanquam sit quarta pars unciae, quod ue-
rius est: Nam ipse Columella submouet in sicilio esse scrupu-
la sex, in semiuncia XII. ut indubitanter credat sicilicum
esse dimidium semiunciae. Plinius scribens de lunari ratione
inquit: Quintadecima tota supra terras noctu erit, eademq;
sub

PHILIP. BEROALDI ANNOT.

sub terris tota die , sextadecima ad primæ horæ nocturnæ dextantem sicilicum sub terra aget.lib.5. cap.1.

Prata sicilire) Ut Plinius docet, sicilire est falcibus con-
sectari in pratis , quæ fœniseces præterierunt . Arbitratur
M.Varro dictum uerbum esse à sectione.lib.2.cap.22.

Signinum opus uocant , ut docet Plinius , quod sit fra-
ctis testis tufisq; ut firmius duret , quo genere etiam pa-
uimenta sunt excogitata.lib.8.cap.15.

Silentii luna) Id est in coitu lunæ cum sole , quem dicunt
alij interlunium: alij silentis lunæ appellant, Varro inter-
menstruum, Firmicus synodicam frequenter. Colu . libro
2.capi.10. Sic , silentis spiritus diem , apud eundem lib.3.
cap.19.id est,dum cœlum silet , cum serenum est, & tran-
quillum. Silent quoq; herbæ, & uirgæ, dū non germinant.
Silent uineæ quando non progemmant , hoc est , gemmas
oculosq; non parturiunt , sed quasi silentes quiescunt ma-
nentq; immobiles : sic diem,cœlum , surculum quoq; silen-
tia apud eundem inuenies.

Veluti siphones) Siphones & per diminutiuum si-
phunculi dicuntur fistulæ , quibus liquor inclusus emicat
exilitq; in sublime. Plinius tradit aquā meantem per uenas
terræ pondere expressam siphonum modo emicare. Cor.
Celsus præcipit stomacho laborantibus bibere per siphon-
em,hoc est, fistulam tenuem, duos tres'ue cyathos. Saty-
rographus quoque per translationem decenter dixit , &
mordaciter, Effigieq; deæ longis siphonibus implet. Ver-
bum est Græcorum σιφωνίζειν, quod est euellere , educe-
&req; liquorē. Aristophanes abusiuè dixit σιφωνίζειν,σι-
φωνίζωμεν τόπ σιτόπ.lib.3.cap.10.

Sitienti solo) Sicca terra. Plinius lunam sitientem dicit,
intelligi uolens sicciam.lib.2.cap.8.

Nari

IN COLV MELL A M.

Naribus resimis) Simus ut docet Suidas , opponitur γευπῶ, id est, adunco, sicut ergo γευπὼς Græci nocant habentem aduncum nasum, ita econtrario σιμὸς dicunt cuius nasus est depresso. Simas cappellas dixit poëta : à simo rostro delphines simones appellantur. A simo resimum, et subsimum traxere nuncupationem. Sunt autem nares resimae, reducē depressoq; quales in parandis bobus maxi mē spectantur. M. Varro scribens de canibus , inquit, Esse debent labris subnigris aut rubicundis , neq; resimis superioribus, neq; pendulis subtus mento suppresso. Idem boves probat, qui sint subsimi , hoc est, ut ego interpretor dorso depresso, et subsidente.lib.6.cap.1.

Seu spinosus) Dic spionius. Est enim uitis sponia multo larga, et amplitudine uiuarum , quam numero fertilior.lib.2.cap.21.

Sinū lactis) Nomen est uasis, de quo poëta: Sinum lactis, et hæc tibi liba Priape quotannis. Plautus in Curgulione: Cede pucre sinum. Tradit M. Varro sinum dici à sinu, quod cauum sit poculum.lib.7.cap.8.

Solstitiales spinas) Dispice nunquid faciat pertineat' ue ad Plautinum sensum, spina hæc solstitialis. Namq; apud Plautum in Pseudolo scriptum legitur, Quasi solstitialis herba paulisper fuit, repente exortus sum, repentinò occidi. Plinius significare uidetur solstitialē herbam dici solsticio uel prouenientem uel florentem, ut sit nomen non unius tantum herbæ proprium, sed cuilibet herbæ accommodatum nascenti per solstitium. Sic enim scribit libro 26. Codurdon herba solstitialis, flore rubro, suspensa in collo comprimere dicitur strumas. Consimiliter spinas solstitiales exponere poteris solsticio progenitas ac uigentes. Corn. Celsus herbam solarem uocat heliotropion , quia circumagi

PHILIP. BEROALDI ANNOT.

circumagitur cum sole.lib.3.cap.18.

Solea spartea) Calceamento iunceo & molli, à sparto quæ Iberica herba est. Apuleius Helcij spartæ meminit. lib.6.cap.12.

Spartæq;) Sunt uasa iuncea, à sparto dictæ, ex quo fiunt. Est autem spartum genus iunci siue herbæ Ibericæ, de quo multa Plin. libr. undevigesimo. Autumant grammatici spartas quoque dici ab hoc sparto, quasi spartas. libro.ii. cap.2.

Specularibus integi) Ut inquit Epigrammatarius poëta, Specularia puros Admittunt soles & sine sole dies. Sunt autē lapides speculares candidi atq; translucentes, olim in Bononiensi agro effossi, & quibus fiunt munimenta quasi quædam fructuum preciosissimorū, ut inclusi specularibus admittant solem, ne infestentur uento uel hambre. Tiberius Cæsar cùm mira uoluptate cucumeres expeteret, commen-
tus est ut nullo non die sibi contingenter. Nanq; peniles eorum hortos promouebant in solē rotis, rursusq; hyber-
nis diebus intra specularium munimenta reuocabant. lib.
ii.cap.3.

Spica uirginis) Nomen est syderis, antiqui spicum neutrō genere dixerat, hinc illud: Spicum illustre ferens splen-
denti corpore uirgo. lib.ii.cap.2.

Spondylis) Nomen est piscium, alias spondylos uocamus uertebras & nodos in ceruice, & ut autor est Pol-
lux, τραχηλος, id est, spina hominis constat septem spon-
dylis. Appellantur & spondilia. lib.8.cap.16.

Σταφιλης) A' Plinio dicitur hæc uua astaphis agria, quā taminiam aliqui uocant falso, suum enim genus habet, ualeat ad pituitam, unde à quibusdam dicta pituitaria, Græco uocabulo agria staphyle dicitur uua sylvestris. lib.8.cap.5.

Per

IN COLV MELL A M.

Per statum in) Pedamenta, palos, adminicula.lib.5.ca.3.
Sæpe etiam stiua) Pars aratri est, de qua Vergilius: Sti-
uaq; quæ currus à tergo torqueat. M.Varro, Stiua inquit,
à stando dicta, in qua transuersa regula est dicta manicula,
cò quòd manu bubulci tenetur.lib.5.cap.3.

Simplici stolone) Plin. stolones in arboribus appellat fru-
tificationem inutilem. Vnde & stolonum Liciniæ genti indi-
tum cognomen. M.Var. planissime scribit de stolonibus, cu-
ius uerba subscripti, quæ sunt hæc: Nā Stolonis illa lex, quæ
uetat plus quingenta iugera habere ciuem Romanum, &
qui propter diligentiam culturæ stolonum confirmauit co-
gnomen, quòd nullus in eius fundo reperiri poterat stolo,
quòd effodiebat circum arbores radices, quæ nascerentur
ex solo, quos stolones appellabant.lib.5.cap.8.

Ciceris) Cum cicer inter legumina numeretur, non inter
oleræ, existimo legendum siseris. Est autem siser herba hor-
tentia, cui generositas præcipua est in Germania, inest lon-
gitudine neruus, qui in decoctis extrahitur, amaritudinis ta-
men magna parte relicta, quæ mulso in cibis temperata,
etiam in gratiam uertitur. Siser nobilitatum est à Tyberio
principe, id genus oleris mirè expetente. de hoc intellexit
Verg. in Moreto scribens, Hic siser & capiti debetes nomi-
na porri. In codicibus impressis uulgò legitur cicer, sicut hic
quoq; cum utrobiq; siser legendum sit.lib.11.cap.3.

Stringere arbores) Decerpere, secare, & colligere. Ver-
gil. sed tamen & quernas glandes tum stringere tempus.
Hinc stricta olea dicta, quæ manu colligitur.lib.6.cap.3.

Strigosum habitum) Strigosus apud ueteres morbus di-
citur iumentorum, qui corpora stringit aut fame, aut alia
uitij causa, quasi stringosus. Aulus Gellius strigosum ap-
pellat equum emaciatum, & male curatum. Liuius tradit,
equos

PHILIP. BEROALDI ANNOT.

equos ex itinere uisos esse strigosiores, hoc est, macriores, attenuatores q; lib. 6. cap. 36.

Strumosis) Struma morbus est, cui propè peculiariter obnoxij sunt sues: unde et à Græcis χοιράδες uocātur: uulgo scrophulas uocant à scrophis, quæ illis maximè infestantur. Plin. Obnoxij sunt sues morbis anginæ maximè et strumæ. Est et struma, ut docet Cor. Celsus, tumor, in quo subter concreta quædam ex pure, et sanguine, quasi glandulæ oriuntur, quæ præcipue fatigare medicos solēt, nec unquam facile maturescunt, maxime in ceruice, sed etiam in aliis et inguinibus, et in lateribus. lib. 7. cap. 10.

Subluuies, atq; intertrigo) Videtur subluuies esse exulce ratio in pedibus ouium nascens, quando scilicet ab ungula cutis resoluitur, in homine reduuiā dicunt. Luere enim soluere est, quasi subitus soluatur corium. De intertrigine, quæ ex intertritu nascitur, suprà scripsi. lib. 7. cap. 3.

Subinde) Frequenter, aliás, mox, deinde, et itidem. libr. 6. cap. 2.

Submittere prolem) Educare, producere, propagare. lib. 7. cap. 9.

Subrumentur) Sub mammam mittantur, subijcantur q;, antiquo nanq; uocabulo mamma dicitur rumis, unde agni et hœdi subrumi uocantur, qui sub rumis, id est, mammis adhuc habentur. Hinc uerbum subrumari, quod significat sub mammam subijci. Hinc rumina dea, et ruminalis fucus, quod sub ea arbore lupa rumam, id est, mammam Romulo et Remo dederit. lib. 7. cap. 4.

Velut quibusdam substructionibus) Plin. Cic. cæteri substructiones insanas uocant ædificia enormia, sumptuosa, et impendijs propè regalibus extructa. Hic substructiones intellige aceruos lapidū in unum locū congregatorū, instar substructio



IN COLV MELLAM.

structionum quibus ædificia magna consurgunt.lib. i. cap. 2.

Suculæ celantur) in capite Tauri sunt stellæ numero vii. quas nostri suculas vocat, Græci hyades nomine pluio. Nam Græce νεῖρος dicitur pluere. Hæ autem stellæ cum oriuntur, & occidunt, tempestates, pluuias, largosq; hymbres cœnt. Imperiti arbitratiæ dici hyadas à suibus, qui Græca uoce νεῖρος nominantur, à similitudine nominis Græci appellauere suculas, siquidem sus per diminutionem dicitur sucula. Hinc iocus ille Plautinus: Quin tu in die recta cum sucula, & cum porculis. Plinius tradit id sidus uulgo appellatum esse palilicum, quod celatur usper circa Palilia, qui dies festus est, uigesimus primus mensis Aprilis, idemq; urbis Romæ natalis.lib. ii. cap. 2.

Suffitas) Fumigatas, & quodam quasi suffumine medicatas. Verg. inquit: At suffire thymo. Apud Pliniū frequenter legitur suffitus, suffitiones, suffimenta. Apud Ouidium: Sanguis equi suffimen erit.lib. 9. cap. 14.

Suffragines coronæ) Sunt in cruribus posterioribus quadrupedum suffragines, quibus pedes inflectuntur. Dici ex eo uidentur, quod subter frangantur. Plinius tradit, aues curuare suffragines in posteriora: quibus uerbis planissime demonstrat suffragines dici illam in cruribus partem, quæ humani poplitis modo curuatur. Hinc suffraginosa mula, cuius suffragines morbo infestantur. Corona autem pars est pedis in brutis animalibus. Hinc suffraginosus, laborans suffragibus.lib. 6. cap. 14.

Suffriatur) Insperrgitur, suffriare, infriare, perfriare ex eodem fonte manantia uerba, significant minutim contere, & quod uulgo dicitur puluerizare, & inspergere. libro 9. cap. 35.

Vitem supplantato) Vitem supplantare est quasi explan-

k k tare

PHILIP. BEROALDI ANNOT.

tare, deluxare, atque prosternere, sicut in palæstrico curu-
liq; certamine luctantes supplant aduersarium, & cur-
for cursorum, subductisq; pedibus arietant ad terram, quod
Græce dicitur ὑποστρέλιζεν. M. Tull. tradit, quod qui sta-
dium currit, nullo modo debet supplantare eum, qui cum
certet. Dixit Plin. uvas supplantat, pro eo quod est, ledit,
conuellit, atq; delumbat. lib. de arb. cap. 7.

Suppuratio) Apostemata Græci uocant, nostri suppura-
tiones. Fit & suppuratio, quando ex ulceribus manat pus,
hoc est, sanies. Suppurare dicuntur ulcera, quando peruen-
runt ad maturitatem, & emittunt pus. lib. 6. cap. 11.

Supputari) Putari, decidiq; ferro. lib. 4. cap. 33.

Surcularis terra) Ad surculos progenerando idonea.
lib. 3. cap. 11.

Suspiriose) Græcis uocabulis astmatici, dyspnoici, ortho-
pnoici appellantur, quos nostri suspiriosos appellant. ui-
tiuum est, proueniens ex difficultate spirandi. Agere animq;
dici suspirium potest, ut tradit Seneca. De suspiriosis crebra
mentio apud Plin. De dyspnœa, & orthopnœa scribit Ga-
lenus, sed recentiores medici perperam pronunciantes ui-
tant elegantiam atticis. lib. 6. cap. 38.

T

Superius tabulatum) Tabulata in arboribus sunt ordines
ramorum, de quibus ait poëta: Assuescant summasq; sequi
tabulata per ulmos: quem locum enarrans Seruius, ait: Ta-
bulata sunt rami effusiores, & in plana tendentes, non qd
altiora crescentes. Sunt in arboribus ima, & summa tabula-
ta ramorum. Plinius docet, tabulata ulmorum ab octauo pc
de altitudinis dilatari in collibus, siccisq; agris, à duodecimo
in campestribus, & humidis. lib. 12. cap. 5.

Tamaricis) Tamarix est, quam & myricen uocant,
que



IN COLV MELL A M.

que ad lienem præcipua est , si succus eius expressus in ui-
no bibatur , adeoq; mirabilem eius antipathiam contra so-
lum hoc uiscerum faciunt, ut affirment , si ex ea factis aliueis
bibant sues , sine lyene inueniri: et ideo homini splenetico ci-
bum , potumq; dant in uasis ex tamarice factis , uulcus infe-
licem eam arborem appellat , quoniam nihil ferat , nec sera-
tur unquam.lib. 7. cap. 10.

Tanagrici) A Tanagra ciuitate Boeotiae , quam Homerus
uocat Γραιαρη , quæ et prius , ut docet Stephanus , uocabatur
ταναγρια. Tanagrici galli autore Varrone sunt sine du-
bio pulchri , et ad præliandum inter se maxime idonei : sed
ad partus sunt steriliores . Plinius de gallis gallinaceis lo-
quens ait : patrias nobilitauerunt Rhodum , ac Tanagram.
Tanagreæ meretricis meminit M. Tul.lib. 8. cap. 2.

Dissimilem ratione postulat Tarentinū atq; hirtum) In
genere ouium summa dignitas fuit Tarentinis ouibus , quæ
propter bonitatem lanæ pellibus integebantur , ne lana in-
quinaretur. Hinc Plin. noster id genus ouium elegantius uo-
cat tectum , cum operimentis tegetur , et à Varrone pelli-
tæ nominantur : de quibus intellexit Horatius illo sapphico
uersiculo : Dulce pellitis ouibus Galesi Flumen. Igitur cum
Tarentinum pecus sit ex omnibus molliſſimum maximeq;
hirtum , hoc est , lanigerum atq; uillosum , nullamq; domini ,
aut magistrorum inertiam sustineat , desiderat curam maio-
rem , et ratione longè alia in pastione , quam faciat reliquū
ouiaricū pecus. Illud adnotandū , Tarentum Sabinorū lingua
molle significari: unde quidam Tarentinas oues et nuces di-
ci autumant , quia sunt molles. Hinc Horatius optimo epi-
theto uidetur dixisse , Et molle Tarentum. Ouiū Tarentina-
rum tanquam elegantiſſimū meminit Plaut. in Truculēto ,
his uerbis : Argentum meo qui debebat patri , qui oues Tā-
rentinas

kk 2

Tarentinas



PHILIP. BEROALDI ANNOT.

Tarentinas erat mercatus de patre, querit patrē. Columella.

Porrum Tarentinum) De hoc ait Epigramatista: Fila
Tarentini grauiter redolentia porri Edisti quoties, oscula
clausa dato.lib.8.cap.11.

Tartesiaci) Tartesos oppidum est Hispaniae: unde Tar-
tesiacum pelagus dictum. In eo generosæ murænae nascun-
tur. Vnde à Varrone laudatur muræna Tartesia. Apud
Aulum Gellium mendose legitur muræna Tartesia, quasi
à Tarso oppido Ciliciæ dicta, cum legendum sit Tartesia à
Tarteso oppido Hispaniae. Autem at Strabo ueteres Betim
fluum nominasse Tartesum. Nonnulli Tartesum Car-
teiam appellant. De Tarteso Silius: Tartesos stabulanti con-
scia Phœbo.lib.6.cap.16.

Tectum pecus) Id genus ovium signat, quod propter la-
nitij elegantiam operimentis tegitur, & ob id tectum pecus
nominatur. Horatius id genus oves pellitas appellat illo sap-
phico uerficulo: Dulce pellitis oibus Galeſi Flumen. lib.7.
cap.2.

Palmeis regentibus) Legendum est tegetibus: significat
enim tegetes ex folijs palmarum contextas adhiberi solitas
ad uincam adumbrandam per cynocauamata, sic enim uo-
cantur calores aestuosi caniculae. M. Varro appellat tegeti-
culas canabinas, ex canabe factas.lib.6.cap.3.

Temporius) Tempstiuius, maturius aduerbium est, cui
opponitur serius. Hinc Ouidianum illud, Modò surgit eoo
Temporibus coelo, modò serius incidit undis.lib.8.cap.4.

Terebratione) id est, illius infitionis quæ fit terebra,
de qua sic inquit Cato: Terebra uitem quam inserere uo-
les pertundito, eò duos surculos uitigineos quod genus esse
uoles insertos obliquos arcito ad medullam, & cetera.lib.4.
cap.29.

Termi

IN COLV MELL A M.

Termītibus) Termites sunt ramuli arborum maxime
oliuarum, quod Porphyrio docet enarrans illud Horatij,
Nunquam fallentis termes oliuae. Aul. Gel. ramusculos pal-
marum termites appellat, his uerbis, Spadica Dorici uocant
auulfum ē palma termite cum fructu. Item quoniam palmæ
ex arbore cum fructu auulfus, spadix dicitur. lib. 7. cap. 9.

Ternarij) Scrobes ternarios appellant quoquouersus pe-
dum trium, sicut quaternarios quoquouersus quatuor pe-
dum. lib. 11. cap. 2.

Tertiationem) Oleum tertiae pressuræ, sicuti iterationem
ponit pro oleo secundæ pressuræ. lib. 12. cap. 49.

Tertiato) Tertia aratione colito. lib. 2. cap. 10.

Tertiatur dodrante) Familiare est Col. aßis nomine to-
tum, & consequenter per uncias intelligere partes, sicut hoc
nomine dodrantis intelligi uult nouem partes unius operæ
sufficere ad tertianum agrum, id est, ad tertiam arationem
in singula iugera peragendum. lib. 2. cap. 4.

Thalli cæparum) Θάλλω uerbum Græcum est, quod si-
gnificat uiresco, & germino, inde thalli dicti stipites in cæ-
pis & folliculi, quos uulgus uocat germina, quibus semen
continetur. θάλλος Græci omne germinans appellauere,
Attici maxime id in oliuis hac uoce nominitant. Suidas ait,
θάλλος dici uλλός, id est, ramum oliuae. lib. 11. cap. 3.

Taleagines) Iego tiliagine, hoc est, ex tilia arbore conse-
ctæ, cuius materies odorata est, nec teredinem sentit. Fasces
tiliacis fascabatur Antoninus, ut rectus incederet. Ex tiliæ
membranis tenuissimis fiunt coronæ uel coronarum orna-
menta, phyliræ uocantur: de quibus aliubi plura. li. 12. ca. 45.

Tineosos) plenos tinearum, qui sunt uermes, quos alueo-
rum tineas uocant: tineas in libris gigni testatur Epigram-
matista. In homine prouenire longitudine pedum tricenūm

kk 3 refert

PHILIP. BEROALDI ANNOT.

refert Plin.lib.9.cap.14.

Tiruncula) Veteranus, & tiro opponuntur, neque solum de militibus, sed etiam multis animalibus usurpantur. lib. 7. cap. 12.

Ad tormina) Morbus est intestinorum, Græci uocant dyenterion, intus intestina exulcerantur: ex his crux manat, frequens deiendi cupiditas, dolorq; in ano est. Torminosi dicuntur laborantes hoc genere morbi. M. Tul. Torminosos quoq; dicimus quosdam, nō quia patiantur tormina, sed quia proclives sint ad hoc genus ægritudinis. lib. 12. ca. 38.

Firmis toris) Sicut toros dicimus in animalibus carnes pulposas, robustasq;, ita in uitibus tuto alligari potest. In secunda Tusculana enarrantes illud, O' brachia, o lacertorum tori, scripsimus affatim super hac dictione. Ouidius colla torosa boum dixit elegantiſſime. Col.lib.de arb.cap.16.

Tortium) Cato fecatum uinum appellat, quod ex fecibus uini expressum est. Consimile est tortium, quod post primam pressuram ex torculari exprimitur circuncisis uinaceis, unde & circucidaneum nominatur. Cato: Tortium mustum circucidaneum suo cuique dolio diuidito, additoq; pariter. Est alterum uini genus, quod præliganeum uocant, quod operarij bibut. Græci deuterias appellat, generali uocabulo omnia uina secundaria, nostri loram. Fiunt maceratis aqua uinaceis. lib. 12. cap. 36.

Ceruice torosa) Pulposa, musculosa. Ouidius, Colla torosa boum. in Tusculanis quæstionibus ait Hercules, O' lacertorum tori. Plin. scribens de hortensibus decenter dixit, quod inula torosior est. lib. 5. cap. 1.

Cum torreco) Tosto torrefacto. lib. 6. cap. 9.

Velut traducem) In arbustis fiunt traduces: hoc autem uocabulo utimur in uitibus, quæ ex arboribus in arbores traducuntur

IN COLV MELL A M.

traducuntur. Traduces quidam rumpos appellant, à tradu-
cendo nominatos, quales eleganter, utiliterq; formatos in
territorio nostro conspicimus. Traducem bimum antiqui
præcidere solebant, ut ita transilem facerent. Nouariensis a-
gricola traducū turba non contentus, nec copia ramorum,
impositis etiamnum patibulis palmites circumvoluit. Hic
onymus, Augustinus, Ruffinus, cæteriq; ecclesiastici scripto-
res, curiose disputando disquirunt, atq; uestigant, nunquid
anima ex traduce propagata sit, tanquam semen ex semine.
Tertullianus oppido quām decēter scripsit famam serpere
in traduces aurum, atq; linguarum. Mēdosi sunt Tertullia-
ni codices impressi, in quibus dictiones perperam distincte
leguntur. Nam cum in traduces linguarum fuerit scriben-
dum, sicut nos legimus: uitiosè impresserunt traduces, cor-
rupto uocabulo elegantiſſimo & sensu. lib. 4. cap. 9.

In secunda quasi tribu) Id est, in secundo ordine, & loco,
translatione facta à classibus Romanis. Nam alij erant in
prima, alij in secunda classe, & ita gradatim distributi. Le-
ge Liuium. Consimile est illud suprà dictum à Columella:
Possunt etiam secundæ notæ uites prouentu, & ubertate
commendari. l. b. 2. cap. 2.

Tribulam, & traham) Nomina sunt instrumentorum
rusticorum, quibus ad terenda frumenta utuntur agricolæ.
Seruius interpretatur esse genera uehiculorum, enarrans
illud Vergilianum: Tribulæq; trahæq; & iniquo pondere
rastris; sic enim scribit: Tribula genus uehiculi, quo teruntur
in area fruges. Traha quoq; genus est uehiculi, dictum à
trahendo. nam non habet rotas. Tribulam à terendo dictam
autumant. Fit autem tribula ex tabula lapidibus, aut ferro
exasperata, quæ imposito auriga, aut pondere grandi tra-
hitur iumentis iunctis, aut discutit ex spica grana, aut ex assi

KK 4 bus

PHILIP. BEROALDI ANNOT.

bus dentatis cum orbiculis, quod, ut inquit M. Varro, plo-
stellum Pœnicum appellant.lib.2.cap.21.

Nullum natura trimestre semen) Plin. taxans Col. senten-
tiam sic refert: In tantum fallitur Columella, qui ne trime-
stris proprium quidem genus existimauerit esse, cum sit an-
tiquissimum, Græci trimenon uocant.lib.2.cap.9.

Satoriam trimodiam) nomen est uasa à mensura trium
modiorum: satoriam uocant, quoniam ex ea satores semina
iaciunt in satione seminum.lib.2.cap.9.

Trulla) Trullum, & trulla sunt uasa, quorum mentio
apud scriptores: præterea trulla instrumentum est æneum
fabrile, cuius meminit Vitruvius, in quo significatu hic po-
nere uidetur.lib.9.cap.12.

Tubulum fictilem) Tubi, & per diminutionem tubuli,
sunt quædam quasi uasa fictilia, oblonga instar fistularum,
quibus utimur ad ductus aquarum conficiendos. Plin. tradit
aqua à fonte duci fictilibus tubis utilissimum esse: & ut au-
tor est Vitruvius, salubriores sunt aquæ, quæ ducuntur per
tubulos fictiles, quam quæ per fistulas plumbeas. Plin. hoc
idem memorans cola fictilia uocat, quem Col. tubulum ficti-
lem appellat. Plini uerba sunt hæc: Est & luxuriosa ratio
uites cædi, ut quatuor malleoli uehementi uinculo colligen-
tur in parte luxuriosa: atque ita uel ossa bubuli cruris, uel
percola fictilia traiecti obruantur binis eminentibus gem-
mis. & mox paulò ait, Talis uue acinos nihil intus ligni ha-
bituros Columella promittit. Col.lib.de arb.cap.9.

Lauri turiones) Hoc uocabulo, quod infrequens est, signi-
ficari uidentur teneritudines ramusculorum in summitati-
bus arborum.lib.2.cap.47.

V

Quasi uacerræ) Vacerras dicunt stipites, & perticas
ad quas

IN COLV MELLAM.

ad quas equi religari solent. alibi docet Columella uacerras appellari genus clatrorum, accipiq; pro lōgurijs, siue perticis. lib. 6. cap. 18. Erat & apud antiquos uacerra nomen maledicti.

Aut ualetudinarium) Lege in ualetudinarium. Nam locus, quo ægroti curantur, elegāti uocabulo ualetudinarium nuncupatur. Seneca : Omnes in eodem ualetudinario iaceamus. Mos hic propè peculiaris est religiosorum, ut ualetudinaria unum templum habeant, quo infirmi continetur, ac curentur. In ultimo præcepit Columella, Valetudinia immundicijs liberentur, & identidem aperiantur, ut ita salubria languentibus præbeantur. lib. 11. cap. 1.

Modò continetur) Aristoteles, & Galenus tradunt bonam ualetudinem esse, quandā quasi mediocritatem in confino excessus, & defectus collocatam. lib. 3. cap. 12.

In ualuulis) Valuuli sunt folliculi, & siliquæ fabarum, quasi ualliuuli dicti: quia ualuo fabis excutiantur. li. 2. ca. 12.

Vānisq; expurgantur) Vāni sunt cribra, quibus frumenta purgantur, unde uerbum Varronianum, euannare, quod est per uannos expurgare. In codicibus Varronis perpetram legitur euaminatur, cùm recte legendum sit, euannatur. De uanno ait poëta: Et mystica uannus Iacchi.

Desyderat uehes) A' uehendo uehes nominantur. Sunt autem propriæ rustica instrumenta, quibus sterlus uehitur, & mensuræ nomen. Pli. Iustum est uehes stercoris xviii. iugero tribui. Alibi Columella ait maiores pecudes efficere denias uehes stercoris tricensis diebus. lib. 2. cap. 5.

Auenuncula) Legendam est uenuncula. Horatius : Uenuncula conuenit ollis. Plinius quoq; docet uenunculā suis se uuam ollis aptissimam, hoc est, ollarem: sic enim uocantur, quæ in ollis factis libis conduntur. Papinius : Ollares ro-

k k 5 go,

PHILIP. BEROALDI ANNOT.

go, non licebat uiuas.lib.3.cap.2.

Ventriculos) Ventrículos, & intestina.lib.8.cap.17.

Veratro) Helleboro. Plinius: Helleborum (inquit) Italia ueratrum uocat.lib.6.cap.32.

Vernaculum) Domesticum, Italicum.lib.7.ca.3. Sic uernacula examina, quibus sylvestria opponuntur.lib.9.cap.9.

Partæ uersuræ) Versurā dicunt scriptores agricolationis, ubi boues in arando post peractum legitimum sulcum circumaguntur, uertunturq; alias uersura est mutatio quædam, qua creditor mutatur, à uertendo dicta, cuius Plinius, Seneca, Cicero omnes commeninere.lib.2.cap.2.

In uestiarijs) Vestiaria nominamus, non tam arcas, ac repositoria uestium, quam ipsa uestimenta. dixit Seneca: Dominus debet seruo uestiarium. Scœuola iurisconsultus: Quæsum est, an mortua matre conditio apposita defecisse videatur, & per hoc, neq; uestiaria, neq; cibaria his debeantur. Respōdi secūdū ea, quæ præponeretur deberi.lib.1.ca.8.

Vetero consenescere) Torpore, segnitia, somno, ignauia. Veterus propriè est ille morbus, quem lethargum Græci nominant, in quo marcor & inexpugnabilis penè dormienti necessitas: uulgò medici subetiam appellant. Inde veterofus pro ignauo, atq; torpēte, et somniculoso ponitur.lib.7.c.5.

Veterinarij) Medici pecorum ueterinarij nominantur, quos Firmicus Maternus mulomedicos uocat, ducto uocabulo, ex uoce Græcorum, à quibus οὐτηνία ποι appellantur, id est, medici iumentorum.lib.6.cap.8.

Veterinariæ medicinæ) Medicina ueterinaria dicitur ea, qua utitur ueterinarius, id est, medicus pecoris, & iumentorum, quem nostri mulomedicum, Græci οὐτηνία ποι appellant, de quo suprà diximus.lib.7.cap.3.

Resoluatur ueruactum) Quod ucre semel aratum est, à temporis

IN COLV MELL A M.

temporis argumento ueruactum uocatur, dicitur & proscissum, & proscindere appellant, cum primum arant terram.lib.2.cap.4.

Duo induantur statumina) Corrige uiduantur. Nam cum arbores, & pali decenter dicantur uitibus maritari, quando illis copulantur, deceter quoque dicentur uiduari, quando uitis emoritur, quae instar mariti est. Statumina autem uocantur adminicula, pali, pedamenta, quibus stat uitis tenera, atque fulcitur, & ita intellige exponeq; statumina apud Collumellam hac uoce crebrius utentem. Apud Vitruium statuminationes capiuntur pro solidationibus paumentorum, & statuminare pro munire ac solidare.libro 4. cap.179.

Quasi mille sunt uiu iradices) Corrige quasi nullæ sint. Quid autem sit uiu iradix, docebunt te Columella, Plinius, & nomen ostendit. Nam à uiua radice cognominantur uiu iradices stirpes uitium uidelicet, & surculi, qui in seminario adolescunt, moxq; in suam sedem traufferuntur. Malcoli uero non sunt radicati, nec seruntur in seminario.lib.3.cap.3.

Abundantia uliginis) Vligo propriè est naturalis terræ humor. Vnde uliginosus ager dictus, quo quasi piger noxius humor continetur. Vligino agro opponitur aridus. lib.2.cap.2.

De ulmarijs) Ulmaria dicuntur seminaria, in quibus plantaria ulmorum adolescunt: quæ mox roborata in arbustum transferantur. Possunt et ipsa arbusta ulmaria nuncupari, quibus scilicet uites maxime copulantur, maximeq; conueniunt, cum inter uitem, & ulmum sit amicitia sociabilis.lib.5.cap.4.

Spicas ulpici) Genus est allij, ulpicum gradius inter pulmetaria ruris celebratū, quod Græci appellauere ἀφροτόγοςlop. Quidam allium punicum uocat, de quo Plautus: Ple-

PHILIP. BEROALDI ANNOT.

nior ulpici, quam Romani remiges.lib.6.cap.4.

De villatico) Villaticum canem appellant, qui villam,
quæq; iuncta sunt villæ, custodit.lib.7.cap.12.

Vicia pabularis) Quæ scilicet pabuli causa seritur, estq;
pabulum quadrupedum.lib.11.cap.2.

Cum uicialibus) A' uicia, quod pabulum est, uicialia de-
riuantur.lib.6.cap.29.

Cribro uiciario) A' uicia, quod est genus frugum, dicitur
uiciarium cribrum, sicut à lolio loliarium.lib.8.cap.5.

Vitiarium) Seminarium intelligit, in quo semina uitium
conseruntur, ut mox transferantur in uincā. Paulò mox do-
cet Col.in quo solo uitiarium sit faciendum.lib.3.cap.4.

Vitiscat) uitis fiat: uerbum est à uite formatum, eò inclina-
mento quo uiuiscit. Col.lib.de arb.cap.7.

Vmbras'ue) Sic appellatur pisces quidam quorum men-
tio est apud Ennium sic scribentem: Melanurum, turdum,
merulamq; umbramq; marinam.lib.8.cap.16.

Ad unguem) Ad perfectam absoluitionē, translatio à mar-
morarijs, qui iuncturas marmorū tum demum perfecta
ducūt, si unguis superductus non offendatur, unde iam quæ-
cunque perfectissima esse uolumus significare, ad unguem
facta esse dicimus. Horat. Ad unguem factus homo.li.11.ca.2.

Vngues custodū) Iam docui custodes dici nouellos pal-
mites. In uitibus autem sunt omnia quæ in corporibus, exē-
pli causa, caput, brachia, humeri, crura, pedes, palmæ, digi-
ti, & pollex. Sunt & unguis quos annotinos præcipit esse
resecandos, id est, unius anni, quos & anniculos uocamus,
ut ab anno annotinus deriuatur. Alij legunt hornotinos eo-
dem intellectu: super qua dictione supra prescripsi. Cæsar in
comm̄tarijs naues annotinas appellasse uidetur onerarias,
quibus annona atq; commeatus comportantur. lib.4.ca.24.

Vnguine ceti) Ab unguendo unguen dictum. Apuleius,

IN COLV MELL A M.

Vnguine delibutus. Cetus dicitur p̄scis maior, errore grāmaticorum manifesto, qui pluraliter, & neutro genere tan-tum dici autumant cete ex Græca declinatione. In cœlo inter signa est cetus, cuius meminit Higinus.lib.6.cap.31.

Volucra appellatur) Ex lectione Pliniana commonitus, lego uoluox. Plinius uerba ad hanc rem pertinētia subscripti, quæ sunt hæc: Alij uoluocem appellant animal prærodens pubescentes uuas, quod ne accidat, falces cum sint exacutæ, fibrina pelle detergunt, atque ita putant, aut sanguine hircino liniri uolunt post putationem eisdem. Idem Plinius, & ante Plinium M. Cato conuoluolum nominarunt bestiolam damnificam, atque uincas infestantem, qui fortassis à conuol uendo nomen accepit, eò quod se couoluat, atq; intorqueat circa pampinos. Eundem opinor esse inuoluolum, de quo sci-tum est Plautinum illud in Cistellaria, Imitatur nequam bestiam, & damnificam inuoluolum, quæ in pampini folio intorta implicat se: itidem hæc exorditur sibi intortam orationem. Qui uult ne cōuoluolus in uinea nascatur, medicamen-tum faciat ex amurca decocta ad crassitudinem mellis cum bituminis tertiaro, & sulphuris quartario, hoc uites sub ca-put, & sub brachia perungat, ita conuoluolus non fiet in ui-nea.lib.de arb.cap.15.

In speciem uuæ) Apes dicuntur facere ostenta glomeratæ in figuram botryonis, siue uuæ pedibus per mutua nexis. Iuuenalis: Examenq; apium longa confederit uua Culmine delubri. Vergil. Vuam dcmittere ramis.lib.9.cap.9.

Circa Vulcanalia) Dies feriatus vulcano dicatus, dicitur Vulcanalia. M. Varro, Vulcanalia à Vulcano, quod ei tum feriæ, & quod eo die populus pro se in ignē animalia mittit. Plinius: A' Vulcanalibus lucubrare incipiebat studendi cau-sa.lib.11.cap.3.

F I N I S.